

T-27

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 72. sjednici, održanoj 14.03.2025. godine, d o n o s i

ZAKLJUČAK

I.

Utvrđuje se Prijedlog Zakona o izmjenama i dopunama Zakona o visokom obrazovanju.

II.

Prijedlog Zakona iz tačke I. ovog zaključka upućuje se u dalju skupštinsku proceduru.


III.

Zaključak stupa na snagu danom donošenja.

Broj: 02-02-4819 /25
Datum, 14.03.2025. godine
Zenica

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.



Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na _____sjednici, održanoj dana _____ 2025. godine, donosi

ZAKON
O IZMJENAMA I DOPUNAMA ZAKONA O VISOKOM OBRAZOVANJU

Član 1.
(Izmjena i dopuna člana 2.)

- (1) U Zakonu o visokom obrazovanju („Službene novine Zeničko-dobojskog kantona“, broj: 12/22 i 15/24 - Autentično tumačenje), u članu 2. tačka a) mijenja se i glasi:
„a) akademsko osoblje čine lica koja su izabrana u akademska zvanja koja mogu biti nastavna, naučnonastavna ili umjetnička i angažovana su na licenciranoj i akreditovanoj visokoškolskoj ustanovi.“
- (2) U tački m) iza riječi „vijeća,“ dodaju se riječi: „predsjedavajući i zamjenik predsjedavajućeg vijeća doktorskog studija, šef centra, voditelj laboratorije,“.

Član 2.
(Izmjena člana 49.)

U članu 49. stav (4) mijenja se i glasi:

„(4) Osoba angažovana na javnoj visokoškolskoj ustanovi može obavljati najviše jednu rukovodnu funkciju, osim ako nije drugačije propisano osnivačkim aktom.“

Član 3.
(Izmjena i dopuna člana 52.)

- (1) U članu 52. stav (4) se mijenja i glasi:
„(4) Senat je obavezan u roku od 15 dana od dana imenovanja članova upravnog iz stava (3) ovog člana dostaviti Ministarstvu akt o imenovanju članova upravnog odbora.“
- (2) Iza stava (4) dodaju se novi stavovi (5) i (6) koji glase:
„ (5) Mandat članova upravnog odbora koje imenuje osnivač je četiri godine, a mandat članova upravnog odbora koje imenuje senat je vezan za mandat članova upravnog odbora koje imenuje osnivač.
(6) Postupak izbora novih članova upravnog odbora pokreće se tri mjeseca prije isteka mandata imenovanim članovima upravnog odbora.“
- (3) Dosadašnji stavovi (5) i (6) postaju stavovi (7) i (8).

Član 4.
(Dopuna člana 53.)

U članu 53. iz stava (3) dodaje se novi stav (4) koji glasi:

„ (4) Mandat člana upravnog odbora koji je imenovan na mjesto razriješenog člana upravnog odbora iz stavova (2) i (3) ovog člana, traje do isteka mandata aktuelnog upravnog odbora.“

Član 5.
(Izmjena i dopune člana 54.)

- (1) U članu 54. u tački b) ispred riječi: „donosi akt“ dodaju se riječi: „na prijedlog rektora“, a iza riječi „mjesta,“ dodaju se riječi: „pravilnik o radu,“.
- (2) Tačka f) mijenja se i glasi:
„f) na prijedlog rektora donosi finansijski plan i usvaja godišnji obračun i usvaja izvještaj o izvršenju finansijskog plana iz člana 59. stav (1) tačka l) ovog zakona;“
- (3) Iza tačke l) dodaje se nova tačka m) koja glasi:
„m) razrješava rektora univerziteta i direktora visoke škole, ako ga ne razriješiti senat“.
- (4) Dosadašnja tačka „m)“ postaje tačka „n).“

Član 6.
(Izmjene člana 56.)

- (1) U članu 56. stavu (2) tačka d) iza riječi „ustanove“ dodaju se riječi: „iz domena akademskih pitanja“.
- (2) U stavu (2) tački m) riječ „odobrava“ zamjenjuje se sa riječi „predlaže“.
- (3) U tački p) riječ „utvrđuje“ zamjenjuje se sa riječi „predlaže“.

Član 7.
(Izmjene člana 58.)

- (1) U članu 58. stavu (3) riječi: „ , otvorenosti i transparentnosti“ zamjenjuju se sa riječima: „i tajnosti“.
- (2) U stavu (4) riječi „i razrješenja“, „i razlozi razrješenja“ se brišu.

Član 8.
(Izmjena i dopuna člana 60.)

- (1) U članu 60. iza stava (1) dodaje se novi stav (2) koji glasi:
„(2) Postupak izbora prorektora javnog univerziteta osigurava poštovanje principa zakonitosti, kvaliteta i tajnosti.“
- (2) Dosadašnji stavovi (2), (3) i (4) postaju stavovi (3), (4) i (5).

Član 9.
(Izmjene i dopune člana 62.)

- (1) U članu 62. stavu (1) iza tačke d) dodaje se nova tačka e) koja glasi:
„ e) danom pravosnažnosti sudske presude kojom je osuđen za krivično djelo.“
- (2) U stavu (2) tačka a) se briše.
- (3) Dosadašnje tačke b), c), d) i e) postaju tačke a), b), c) i d).
- (4) Iza tačke d) dodaje se tačka e) koja glasi:
„e) ako ne izvršava odluke senata u skladu sa obavezom iz člana 59. stav (1) tačka i) ovog zakona.“
- (5) Iza stava (2) dodaju se novi stavovi (3), (4) i (5) koji glase:
„(3) Senat na prijedlog upravnog odbora donosi odluku o razrješenju rektora javnog univerziteta i direktora visoke škole i prije isteka perioda na koji je izabran odnosno imenovan u sljedećim slučajevima:

- a) ako ne izvršava odluke upravnog odbora u skladu sa obavezom iz člana 59. stav (1) tačka i) ovog zakona, ukoliko se odluke odnose na finansijsko poslovanje.
 - b) ako odlučuje o korištenju sredstava preko iznosa utvrđenog statutom visokoškolske ustanove protivno odredbi člana 59. stav (1) tačka j) ovog zakona.
 - c) ako upravni odbor ne usvoji izvještaj o izvršenju finansijskog plana iz člana 59. stav (1) tačka l) ovog zakona.
 - d) ako Skupština Kantona ne usvoji izvještaj o poslovanju i rezultatima rada visokoškolske ustanove.
- (4) Ako senat ne razriješi rektora i direktora visoke škole zbog razloga navedenih u stavu (3) ovog člana u roku od 15 dana od prijema prijedloga za razrješenje, upravni odbor razrješava rektora javnog univerziteta i direktora javne visoke škole.
- (5) U slučaju prijevremenog razrješenja rektora univerziteta ili direktora visoke škole, senat je obavezan u roku od dva dana od dana prijevremenog razrješenja rektora univerziteta ili direktora visoke škole imenovati vršioca dužnosti rektora ili direktora visoke škole.“
- (6) U stavu (3) u tački a) riječi: „u ime osnivača visokoškolske ustanove kao javne ustanove” se brišu.
- (7) U stavu (5) brišu se riječi: „rektora,” i „direktora visoke škole”.
- (8) Dosadašnji stavovi (3), (4) i (5) postaju stavovi (6), (7) i (8).
- (9) Iza stava (8) dodaje se stav (9) koji glasi:
 „ (9) Lice koje je razriješeno prije isteka mandata ne može ponovo obavljati istu funkciju, odnosno ne može biti ponovo imenovano na istu funkciju.”

Član 10. (Izmjena člana 80.)

Član 80. mijenja se i glasi:

„Član 80. (Prava i obaveze po pitanju akademskog izbora)

- (1) Član akademskog osoblja u zvanju asistenta ili višeg asistenta ima pravo biti izabran u više zvanje i prije isteka perioda na koji je biran ukoliko je ispunio sve uvjete propisane ovim zakonom i statutom.
- (2) Član akademskog osoblja koji je izabran u isto naučno-nastavno, odnosno umjetničko-nastavno zvanje (izbor u isto zvanje) i član akademskog osoblja u saradničkom zvanju kojem je produžen izborni period, kada ispune uslove za izbor u više zvanje, mogu podnijeti inicijativu za pokretanje postupka za izbor u više zvanje i prije isteka roka iz člana 78. ovog zakona, odnosno isteka roka predviđenog odlukom o produženju izbornog perioda, pri čemu se uzimaju u obzir ostvareni uslovi za napredovanje i ispunjeni uslovi od posljednjeg izbora.
- (3) Prijedlog za pokretanje postupka za izbor u više ili isto zvanje, prema senatu visokoškolske ustanove podnosi naučno-nastavno vijeće fakulteta, odnosno akademije, na osnovu zahtjeva katedre koja pokreće zahtjev prema naučno-nastavnom vijeću fakulteta, odnosno akademije, na osnovu pismenog zahtjeva nastavnika ili saradnika.
- (4) Komisija za pripremanje prijedloga za izbor koja se u skladu sa odredbama statuta imenuje nakon raspisanog konkursa iz člana 79. ovog zakona, dužna je naučno-nastavnom vijeću fakulteta, odnosno umjetničko-nastavnom vijeću akademije, dostaviti prijedlog iz stava (3) ovog člana u roku od 30 dana od imenovanja.
- (5) Na osnovu prijedloga komisije naučno-nastavno vijeće utvrđuje prijedlog za izbor u daljem roku od 15 dana i dostavlja ga senatu.
- (6) Senat donosi odluku o izboru u roku od 30 dana od dana dostavljanja prijedloga.“

Član 11.
(Izmjena člana 92.)

U nazivu člana 92. riječ „naučna“ zamjenjuje se sa riječi „akademska“.

Član 12.
(Izmjena i dopuna člana 119.)

(1) U članu 119. stav (4) se mijenja i glasi:

„(4) Inicijativu za dodjelu titule profesor emeritus pokreće matična katedra i trebaju je podržati najmanje dva naučno-nastavna vijeća.“

(2) Iza stava (4) dodaju se novi stavovi (5) i (6) koji glase:

„(5) Kriteriji za dodjelu titule profesor emeritus su:

- a) posebno isticanje u naučnom i umjetničkom radu;
- b) međunarodna reputacija u akademskim krugovima;
- c) period od najmanje 15 godina proveden u nastavi;
- d) najmanje 20 objavljenih članaka, najmanje pet objavljenih knjiga i najmanje dva projekta od značaja za struku i nauku, vodeći računa da neko od djela mora biti publicirano u periodu ne dužem od sedam godina od dana podnošenja zahtjeva za dodjelu počasnog zvanja profesora emeritusa, odnosno veći broj javno predstavljenih umjetničkih radova od značaja.

(6) Ostali kriteriji i postupak izbora profesora emeritusa bliže se utvrđuju statutom visokoškolske ustanove.“

Član 13.
(Dopuna člana 121.)

U članu 121. iza stava (4) dodaje se novi stav (5) koji glasi:

„(5) Zahtjev za uvođenje studijskog programa iz stava (3) ovog člana podnosi se najkasnije do 31.12. tekuće godine, za studijski program koji se pokreće u idućoj akademskoj godini.“

Član 14.
(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: _____/25.

PREDSJEDAVAJUĆI

Datum, _____2025. godine
Zenica

Ćazim Huskić

Obrazloženje

Pravni osnov:

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:

Na osnovu člana 18. stav (1) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona”, broj: 10/15 i 8/22), postupajući po Zaključku Skupštine Zeničko-dobojskog kantona, broj: 01-30-11437-2/23 od 17.07.2023. godine, ministar Ministarstva za obrazovanje, nauku, kulturu i sport Zeničko-dobojskog kantona donio je Rješenje o imenovanju Radne grupe za usklađivanje Zakona o visokom obrazovanju i Zakona o Javnoj ustanovi Univerzitet u Zenici sa Okvirnim zakonom o visokom obrazovanju u Bosni i Hercegovini, broj: 10-02-9191/24 od 13.05.2024. godine, sa ciljem usklađivanja navedenih zakona sa Okvirnim zakonom o visokom obrazovanju u Bosni i Hercegovini („Službeni glasnik BiH“, broj: 59/07 i 59/09).

Predložene izmjene i dopune Zakona o visokom obrazovanju se odnose na unapređenje zakonskih rješenja Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - Autentično tumačenje), a to se prije svega odnosi na upravni odbor visokoškolske ustanove čija je specifičnost da četiri člana imenuje osnivač, a tri člana senat, u odvojenim konkursnim procedurama, gdje je bilo važno da se precizira mandat upravnog odbora u cjelini. Zatim utvrđena je nadležnost za donošenje pravilnika o radu od strane upravnog odbora visokoškolske ustanove. Bitno je naglasiti predloženu izmjenу odredbi Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - Autentično tumačenje) u pogledu odgovornosti rektora u finansijskom domenu, pri čemu su precizirani razlozi za smjenu rektora, a odnose se na domen finansijskog poslovanja, a imajući u vidu da je članom 17. stav 2 Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09) propisano da: *„Rektor univerziteta, odnosno direktor visoke škole, za svoj rad u domenu akademskih pitanja odgovara senatu, a u domenu poslovanja upravnom odboru“*.

Nakon provedene javne rasprave o Nacrtu Zakona o izmjenama i dopunama Zakona o visokom obrazovanju i uzimanja u obzir svih pristiglih primjedbi i sugestija, izmjene i dopune izvršene u odnosu na predmetni Nacrt Zakona o izmjenama i dopunama Zakona o visokom obrazovanju su sljedeće:

- dopunjen je član 2. Zakona o visokom obrazovanju sa još dvije rukovodoće funkcije i to: šef centra i voditelj laboratorije, imajući u vidu da su bile izostavljene u Zakonu o visokom obrazovanju, čime su prihvaćene primjedbe i sugestije upućene kroz javnu raspravu;
- dopunjen je član 49. Zakona o visokom obrazovanju na način da je omogućeno propisivanje izuzetka od mogućnosti obavljanja samo jedne rukovodne funkcije na javnoj visokoškolskoj ustanovi. Predviđeno je da se izuzeci propišu osnivačkim aktom, čime su prihvaćene primjedbe i sugestije upućene kroz javnu raspravu;
- član 62. Zakona o visokom obrazovanju dodatno se uredio u smislu preciziranja razloga zbog kojih rektor može biti smijenjen, a izostavljena je odredba koja predviđa smjenu rektora od strane upravnog odbora, čime su prihvaćene primjedbe i sugestije upućene kroz javnu raspravu.
- izostavljen je član 11. Nacrta Zakona o izmjenama i dopunama Zakona o visokom obrazovanju koji se odnosio na dopunu člana 71. Zakona o visokom obrazovanju koji se odnosi na dekana.
- izostavljena je izmjena u članu 70. stav (1) Zakona o visokom obrazovanju, čime su prihvaćene primjedbe.

- u izmijenjenom članu 80. Zakona o visokom obrazovanju izostavljene su predložene odredbe koje se odnose na mogućnost podnošenja prigovora upravnom odboru, čime su prihvaćene primjedbe i sugestije upućene kroz javnu raspravu.

Primjedba koja se odnosi na član 12. stav (1) Nacrta Zakona o izmjenama i dopunama Zakona o visokom obrazovanju (odnosno izmjeni člana 80. Zakona o visokom obrazovanju) koji se odnosi na to da član akademskog osoblja u zvanju asistenta ili višeg asistenta ima pravo biti izabran u više zvanje i prije isteka perioda na koji je biran ukoliko je ispunio sve uvjete propisane ovim zakonom i statutom nije prihvaćena iz sljedećih razloga:

Članom 28. alineje 1, 2, 3 i 4 Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09) kojim je propisano je da su:

„Minimalni uvjeti za izbor akademskog osoblja u naučnonastavna zvanja na visokoškolskoj ustanovi su:

- *asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8 ili 3,5;*
- *viši asistent: stepen drugog ciklusa (magisterij);*
- *lektor: stepen drugog ciklusa (magisterij);*
- *docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti“,*

Iz citirane odredbe proizilazi da uslovi za višeg asistenta, lektora i docenta ne predviđaju kao uslov već proveden izborni period u zvanju asistenta odnosno višeg asistenta.

Navedeno također proizilazi iz odredbe člana 83. Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - Autentično tumačenje).

Naprijed citirane odredbe također treba dovesti u vezu sa odredbom člana 34. Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09), koji propisuje da se izbor akademskog osoblja u svim slučajevima vrši javnim konkursom.

Nakon dostavljanja predmetnog Prijedloga Zakona, sa Prijedlogom Zaključka, za razmatranje na sjednici Vlade, Tačkom I. Zaključka Vlade Zeničko-dobojskog kantona, broj: 02-02-2251/25 od 07.02.2025. godine utvrđeno je da se *Tačka dnevnog reda: Prijedlog Zakona o izmjenama i dopunama Zakona o visokom obrazovanju, sa Prijedlogom Zaključka o utvrđivanju, vraća na doradu Ministarstvu za obrazovanje, nauku, kulturu i sport, kao predlagaču materijala, radi dopune pravnih odredbi koje se odnose na nadležnosti Upravnog odbora JU Univerzitet u Zenici, a sve u skladu sa raspravom u okviru 49. tačke dnevnog reda 66. sjednice Vlade Zeničko-dobojskog kantona, održane dana 07.02.2025. godine, sa obavezom ponovnog provođenja procedure pribavljanja potrebnih mišljenja u skladu sa odredbama iz člana 31. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21).*

U skladu sa naprijed navedenim Zaključkom Vlade Zeničko-dobojskog kantona izvršena je dopuna u tekstu Prijedloga Zakona o izmjenama i dopunama Zakona o visokom obrazovanju i to:

- u članu 5. (Izmjena i dopune člana 54.) sa stavovima (3) i (4) koji glase:

“(3) Iza tačke l) dodaje se nova tačka m) koja glasi:

„m) razrješava rektora univerziteta i direktora visoke škole, ako ga ne razriješi senat“.

(4) Dosadašnja tačka „m)“ postaje tačka „n).”“

- u članu 9. (Izmjene i dopune člana 62.) sa stavom koji glasi:

“(4) Ako senat ne razriješi rektora i direktora visoke škole zbog razloga navedenih u stavu (3) ovog člana u roku od 15 dana od prijema prijedloga za razrješenje, upravni odbor razrješava rektora javnog univerziteta i direktora javne visoke škole.”

U prilogu također dostavljamo Mišljenje Sekretarijata za zakonodavstvo, broj: 03-02-10426-23/24 od 11.02.2025. godine, Mišljenje Ministarstva za pravosuđe i upravu, broj: 06/02-02-10426-4/24 od 12.02.2025. godine i Mišljenje Ministarstva finansija, broj: 07-02-10426-22/24 od 25.02.2025. godine.

Očekivani efekti predloženih izmjena i dopuna Zakona o visokom obrazovanju su poboljšanje postojećih zakonskih rješenja i u skladu sa navedenim unapređenje djelatnosti visokog obrazovanja na području Zeničko-dobojskog kantona.

Obrazloženje pojedinih pravnih rješenja:

Predložene izmjene i dopune Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - Autentično tumačenje) (u daljem tekstu: Zakon) odnose se na sljedeće članove:

- Izmjena i dopuna člana 2. Zakona – izmjena tačke a) se odnosi akademsko osoblje u svrhu usklađivanja sa Okvirnim zakonom o visokom obrazovanju Bosni i Hercegovini („Službeni glasnik BiH“, broj: 59/07 i 59/09), obzirom da je članom 27. stav 1 tačka a) Okvirnog zakona o visokom obrazovanju Bosni i Hercegovini propisano da: „*Visokoškolske ustanove dodjeljuju akademska zvanja, koja mogu biti nastavna, naučnonastavna ili umjetnička.*“. U tački m) istog člana rukovodne funkcije su dopunjene sa predsjedavajućim i zamjenikom predsjedavajućeg vijeća doktorskog studija, šefom centra i voditeljem laboratorije obzirom da se radi o funkcijama koje su bile izostavljene u Zakonu.
- Izmjena člana 49. Zakona – prema predloženoj izmjeni osoba angažovana na javnoj visokoškolskoj ustanovi može obavljati najviše jednu rukovodnu funkciju, a kako bi se osiguralo kvalitetnije obavljanje poslova i zadataka povjerenih funkcija (kada osoba obavlja jednu funkciju, a ne dvije), a samim time i bolje funkcionisanje same visokoškolske ustanove. Također je predviđeno propisivanje izuzetaka osnivačkim aktom.
- Izmjena i dopuna člana 52. Zakona – novim stavom (4) predviđa se obaveza senata za dostavljanje Ministarstvu akta o imenovanju članova upravnog odbora čime bi se osiguralo da osnivač bude blagovremeno obaviješten o imenovanju, izmjena u stavu (5) bi uskladila trajanje mandata svih članova upravnog odbora što bi osiguralo efikasno funkcionisanje upravnog odbora u cjelini, predloženi stav (6) bi osigurao blagovremeno pokretanje procedure za izbor članova upravnog odbora čime bi se osiguralo da visokoškolska ustanova u svakome periodu ima imenovan upravni odbor.
- Dopuna člana 53. Zakona sa stavom (4) definisala bi trajanja mandata članova upravnog odbora koji su imenovani, na mjesto članova upravnog odbora koji su razriješeni prije isteka mandata.
- Izmjena i dopune člana 54. Zakona u tački b) precizira se nadležnost upravnog odbora za donošenje pravilnika o radu, te da se isti donosi po prijedlogu rektora, te u tački f) se također precizira da se donošenje finansijskog plana i usvajanje godišnjeg obračuna vrši na prijedlog rektora, te se vrši usklađivanje sa odredbom 59. stav (1) tačka l) ovog zakona Zakona, kojom se propisuje da rektor univerziteta, odnosno direktor visoke škole obavlja poslove utvrđene zakonom i statutom, a naročito: l) podnosi upravnom odboru izvještaj o izvršenju finansijskog plana, također je izvršena dopuna sa nadležnošću da razrješava rektora univerziteta i direktora visoke škole, ako ga ne razriješi senat.
- Izmjene člana 56. Zakona – predstavlja usklađivanje dopunjenih nadležnosti sa ostalim odredbama Zakona, gdje je u tački d) predviđeno da senat donosi opće akte u skladu sa ovim zakonom i statutom visokoškolske ustanove iz domena akademskih pitanja, a u tački p) predviđeno je da senat predlaže upisnu politiku.

- Izmjene člana 58. Zakona – osigurava tajnost prilikom postupka izbora rektora javnog univerziteta i direktora javne visoke škole, a cilj je da se omogući nepristrasno glasanje članova senata prilikom izbora na ovu funkciju, a u stavu (4) je izvršeno usklađivanje sa odredbama Zakona koje se odnose na razrješenje.
- Izmjena i dopuna člana 60. Zakona – osigurava da se prilikom postupka izbora prorektora javnog univerziteta osigurava poštovanje principa zakonitosti, kvaliteta i tajnosti, te se stavom (5) reguliše da broj prorektora, uslovi i nadležnosti prorektora za javnu visokoškolsku ustanovu bliže uređuju osnivačkim aktom.
- Izmjene i dopune člana 62. Zakona – odnosi se na dopunu i preciziranje razloga i procedure prilikom razrješenja rektora, prorektora univerziteta i direktora visoke škole;
- Izmjena člana 80. Zakona – odnosi se na izmjene prava i obaveza po pitanju akademskog izbora, gdje se omogućava da član akademskog osoblja u zvanju asistenta ili višeg asistenta ima pravo biti izabran u više zvanje i prije isteka perioda na koji je biran ukoliko je ispunio sve uvjete propisane ovim zakonom i statutom.
- Izmjena člana 92. Zakona – odnosi se na ispravku naziva člana.
- Izmjena i dopuna člana 119. Zakona – odnosi se na izmjenu uslova za dodjelu titule profesor emeritus, a kako bi se isti precizirali i onemogućilo dodjeljivanje titule profesora emeritusa ispod minimalnih kriterija.
- Dopuna člana 121. Zakona – donošenje novog studijskog programa - odnosi se na vrijeme podnošenja zahtjeva za uvođenje studijskog programa, kako bi se osiguralo blagovremeno podnošenje zahtjeva za uvođenje novog studijskog programa, odnosno blagovremeno planiranje od strane visokoškolske ustanove uvođenja novih studijskih program.

Finansijski pokazatelji:

U Obrascu izjava o fiskalnoj procjeni navedeno da Prijedlog Zakona o izmjenama i dopunama Zakona o visokom obrazovanju neće zahtijevati dodatna sredstva u Budžetu Kantona za 2025. godinu.

Imajući u vidu da se radi o izmjenama i dopunama postojećeg zakona, odnosno da nije u pitanju složen i obiman zakon, predlažemo usvajanje Prijedloga Zakona o izmjenama i dopunama Zakona o visokom obrazovanju.



Broj: 10-02-10426-19/24
Zenica, 06.02.2025. godine

IZVJEŠTAJ O PROVEDENOJ JAVNOJ RASPRAVI PO NACRTU ZAKONA O
IZMJENAMA I DOPUNAMA ZAKONA O VISOKOM OBRAZOVANJU
(sastavni dio obrazloženja Prijedloga Zakona)

Postupajući po Zaključku Skupštine Zeničko-dobojskog kantona, broj: 01-02-21196/24 od 23.12.2024. godine, a koji se odnosi na provođenje Javne rasprave o Nacrtu Zakona o izmjenama i dopunama Zakona o visokom obrazovanju, dostavljamo Izvještaj o provedenoj javnoj raspravi po Nacrtu Zakona o izmjenama i dopunama Zakona o visokom obrazovanju.

U skladu sa naprijed navedenim Zaključkom Skupštine Zeničko-dobojskog kantona, broj: 01-02-21196/24 od 23.12.2024. godine, Ministarstvo za obrazovanje, nauku, kulturu i sport Zeničko-dobojskog kantona je donijelo Plan javne rasprave o Nacrtu Zakona o izmjenama i dopunama Zakona o visokom obrazovanju, broj: 10-02-10426-13/24 od 30.12.2024. godine u kojem je predviđeno da se javna rasprava održi 03.01.2025. godine i isti dostavilo Univerzitetu u Zenici putem Akta, broj: 10-02-10426-13/24 od 30.12.2024. godine.

U javnoj raspravi učešće su uzeli studenti, nastavnici sa visokoškolske ustanove Univerzitet u Zenici, građani, a putem e-mail-a su također dostavljeni primjedbe od strane Univerziteta u Zenici, te od strane Udruženja poslodavaca Zenica, te Sindikata srednjeg i visokog obrazovanja, odgoja, nauke i kulturu Zeničko-dobojskog kantona.

Postupajući u skladu sa navedenim Zaključkom Skupštine Kantona, detaljno su razmotreni svi pristigli prijedlozi, primjedbe i sugestije, a koje čine sastavni dio ovog izvještaja.

PRIMJEDBE, SUGESTIJE I PRIJEDLOZI UČESNIKA JAVNE RASPRAVE

SKUPŠTINA ZENIČKO-DOBOJSKOG KANTONA

DAMIR MEMIĆ

Još jednom vas pozdravljam, predložene izmjene i dopune Zakona o visokom obrazovanju Zeničko-dobojskog kantona su na današnjoj sjednici vraćene u Nacrt prije svega zbog pritiska javnosti i dijela akademske zajednice. Klub zastupnika Socijaldemokratske partije nije mislio podržati ni predložene izmjene po skraćenom postupku, niti će podržati sadašnji Nacrt izmjena Zakona o visokom obrazovanju Zeničko-dobojskog kantona, jer smatramo da se predloženim Nacrtom ukidaju akademske slobode na Univerzitetu u Zenici, ukida autonomija Univerziteta isti se nastoji staviti pod političku kontrolu i kod napredovanja na istom u viša zvanja veoma bitno će biti koje ste političke opcije. Zašto ovo govorim, analizirajući uporedno pravna rješenja iz drugih

kantona, a ja bih volio da me neko demantuje, nigdje nisam našao da Upravni odbor može razriješiti rektora Univerziteta. U odredbama drugih kantona stoji da Upravni odbor može predložiti razrješenje rektora Univerziteta ali to radi Senat. Predloženim izmjenama mi imamo situaciju da ako to Senat ne uradi da će to uraditi Upravni odbor u roku od 15 dana, što je suprotno Okvirnom zakonu o visokom obrazovanju i propisima koji regulišu ovu oblast. Također Upravnom odboru je data mogućnost i da odlučuje o dodjeli akademskih zvanja na Univerzitetu na način ako niste zadovoljni odlukom Senata da možete uputiti prigovor Upravnom odboru, pa ako on uvaži prigovor, očigledno da će vam on uvažiti i dati veće to akademsko zvanje. Ovim predloženim izmjenama ključni organ koji će odlučivati o gotovo svim ključnim pitanjima na Univerzitetu u Zenici će biti Upravni odbor, a takvo rješenje nemamo ni na jednom Univerzitetu u Bosni i Hercegovini. Da ne bi dublje zalazio u određene članove i stavke predloženih izmjena, zadržaću se na ovome i nadam se da ovakve mjere, prijedlozi i rješenja neće dobiti podršku u Skupštini Zeničko-dobojskog kantona. Zahvaljujem.

Stav predlagača po primjedbi

- Prihvata se primjedba koja se odnosi na član 9. Nacrta Zakona o izmjenama i dopunama Zakona o visokom obrazovanju, a odnosi se na mogućnost smjene rektora od strane upravnog odbora, te će se ista uvažiti u prijedlogu Zakona o izmjenama i dopunama Zakona o visokom obrazovanju, gdje se neće predvidjeti mogućnost smjene rektora od strane upravnog odbora visokoškolske ustanove.
- Prihvata se primjedba koja se odnosi podnošenje prigovora Upravnom odboru (član 12. Nacrta Zakona o izmjenama i dopunama Zakona o visokom obrazovanju (Izmjena člana 80. Zakona o visokom obrazovanju)), koja će se uvažiti kroz novi prijedlog zakona.

SANJA RENIĆ

Ovako i ... u 7. mjesecu smo imali tačku na kojoj sam otprilike iznijela sve ono što je već tad demantovalo bilo kakvu izmjenu ili dopunu ovaj Zakona o visokom obrazovanju. Ono što Statut Univerziteta navodi su osnovne institucionalne autonomije Univerziteta na osnovu kojih je Univerzitet javna visokoškolska ustanova nezavisna od bilo kakvog vjerskog, političkog ili drugog nedopuštenog uticaja ovlaštena za pružanje obrazovnih, nastavnih usluga visokog obrazovanja, te usluga u oblasti... oblasti naučno-istraživačkog i umjetničkog rada. Na visokoškolskoj ustanovi u skladu sa Zakonom o visokom obrazovanju nije dozvoljeno političko ili stranačko organizovanje ili djelovanje. Mi prethodnih dana vidimo da se upravo to dešava. Mi vidimo da se ovdje dešava unutarstranački sukob u kojem se ustvari samo šteta nanosi studentima i nanosi se visokom obrazovanju. Kada jednu želite da uništite ne trebate je bombardovati, samo joj uništite obrazovanje i ona se tad uništava sama, evo ovako, otprilike kao što mi sad imamo, jednu tranziciju da nam nigdje ništa ne funkcioniše od zdravlja, obrazovanja i svega dalje. Imajući u vidu da Upravni odbor čini sedam članova od kojih su četiri člana imenovana iz reda osnivača od strane Vlade Zeničko-dobojskog kantona s tim da se predsjednik imenuje iz reda osnivača, dva člana stalno zaposlenih na Univerzitetu sa punim radnim vremenom i jedan član iz reda studenata koji imenuje Senat Univerziteta na osnovu javnog konkursa, vrlo je upitno kako i na koji način se može održati potpuna autonomija Univerziteta, koja bi bila oslobođena bilo kakvog političkog ili stranačkog uticaja ako imamo ovaj omjer snage nepromijenjen. Mi smo u... na početku ovog mandata izglasali smjenu Upravnog odbora koju nažalost ministrica iz SDP-a nije realizovala, iako je za to imala prostora od cirka 6-7 mjeseci dok nije Vlada pala i mi sad imamo to što imamo. Ministar je išao redom po članovima koji se

izmje... mijenjaju i dopunjuju, pa evo ja ću samo se ov.. pov... onaj dotaći nekih članova koji mi djeluju kao nekom ko nije pravnik. Znači član 50... član 9. izmjena i dopuna člana 62., kao i člana 52. koji je spomenuo ministar, to upravo sam sad rekla vezano za ovaj Upravni odbor i mislim da ovo što ste ovdje predložili uopšte ne umanjuje ove sugestije, odnosno ove primjedbe koje sam navela, a tiču se politizacije Upravnog odbora, znači ovaj član ne umanjuje da će politika imati manji uticaj u Upravnom odboru, znači bilo bi idealno da se recimo smanjio broj iz reda osnivača kao članova Upravnog odbora i tad bi mogli govoriti o nekom neosvisnom Upravnom odboru. Član 9. znači direktno suprotno Okvirnom zakonu, a ja bih volila da me demantujete da mi kažete gdje nije direktno suprotno. Neću ponavljati ovo što je kolega Damir rekao i pokušavam da ne ponavljam se zato malo ovaj djeluje ovako nesređeno ovo moje izlaganje, ali kad čitamo član 10., član 11., član 12. odnosno izmjene člana 70., izmjene, dopunu člana 71., izmjenu člana 80. tačno možete, pardon i izmjenu člana 92. vi možete da vidite otprilike kad... kao neko ko već od prošlog mandata prati ovu problematiku, možete da prepoznate ljude o kojima se ovdje radi. Član 93., broj 68 zamjenjuje se brojem 65, meni je to strašno, to su akademski građani ove zemlje i u svakoj normalnoj razvijenoj zemlji neću reći evo evropskoj, profesori odnosno ovaj broj je 70, znači, nečije znanje je neprocjenjivo, profesorsko znanje je neprocjenjivo, a mi ono što hoćemo da smanjujemo u članu ... u članu 80. ovo član, akademskog osoblja u zvanju asistenta ili višeg asistenta pa smanjujemo to sad dobijamo da ćemo slatiiskusne profesore ranije u penziju tako da bi mogli neki kojim ... smanjuje im se period akademskog rada, da se ... da se ovaj... da se dodjeljuje zvanje profesora. Suštinsko je pitanje ko predlaže i kome treba ovakav Zakon i zbog čega treba? To je pitanje koje postavlja naša cjelokupna javnost, od sindikata Univerziteta, od Senata, od studenata, sve smo to imali da vidimo u prethodnom periodu tako da mislim ako rektorska konferencija koju čini 8 rektora državnih Univerziteta u Bosni i Hercegovini i Federaciji i iz Republike Srpske osudi ovakav Zakon i kaže da je neustavan i da nije u skladu sa Okvirnim zakonom i da narušava institucionalnu autonomiju Univerziteta i akademske slobode, isto to uradi znači i Senat, isto to uradi i sindikat, Senat kojeg čini znači 25 profesora, isto to uradi sindikalni odbor kojeg čine predstavnici svih organizacionih jedinica, a mi imamo priliku da na društvenim mrežama vidimo upravo prepucavanje stranačko odnosno unutarstranačko, predstavnike ove koje.. sad ... ovih tijela koje sam sad nabrojala i predstavnika u vlasti. Znači opravdano se postavlja pitanje kome treba ovakav Zakon koji je suprotan Ustavu i kome trebaju nove ustavne ... presude Ustavnog suda ako znamo da imamo presude Ustavnog suda, imamo presudu Kantonalnog suda i jednu presudu Općinskog suda protiv Zakona o visokom obrazovanju? Kada se govori o pojačanoj finansijskoj kontroli na Univerzitetu Zenica, ja ne znam na šta ste tu mislili obzirom da Upravni odbor je taj koji finansijski izvještaj dostavlja ovoj Skupštini na usvajanje. Mi nismo taj finansijski izvještaj dobili, ja ne znam sekretaru koliko godina nismo dobili taj finansijski izvještaj, koji stoji upravo na Upravnom odboru. Znači Upravni odbor je taj koji ne dostavlja finansijski izvještaj ovoj Skupštini. Ne znam iz kojeg razloga i kakva je to kontrola finansijska koju mi treba da imamo. Ja sam u prethodnom mandatu govorila i tada sam predložila smjenu Upravnog odbora i tada je to tadašnja većina prihvatila i navodila sam upravo situaciju gdje firma od predsjednika Upravnog odbora dobila posao od par miliona maraka na Univerzitetu. Je li mi pričamo ovdje o akademskoj zajednici ili mi ovdje pričamo o moralu i časti? Neću se religijom baviti. Od kada je ova Vlada imenovana bilo je preko 40 inspeksijskih nadzora na Univerzitetu. Ono što je simptomatično je da nijedan nije bio negativan, odnosno, svi finansijski inspeksijski nadzori bili su pozitivni. Evo ja bih molila da neko demantuje ovo, vjerovatno ću se još javiti, ovaj dok vidim šta će mu se odgovoriti na ove moje sugestije i primjedbe i pitanja. Hvala.

Stav predlagača po primjedbi

- Prihvata se primjedba koja se odnosi na član 9. Nacrta Zakona o izmjenama i dopunama Zakona o visokom obrazovanju, a odnosi se na mogućnost smjene rektora od strane upravnog odbora, te će se ista uvažiti u prijedlogu Zakona o izmjenama i dopunama Zakona o visokom obrazovanju, gdje se neće predvidjeti mogućnost smjene rektora od strane upravnog odbora visokoškolske ustanove.
Također napominjemo da je članom 52. stav (1) Zakon o visokom obrazovanju („Službene novine Zeničko-dobojskog kantona“, broj: 12/22 i 15/24 - autentično tumačenje) je propisano da „Upravni odbor visokoškolske ustanove ima sedam članova i čine ga četiri predstavnika iz reda osnivača koje imenuje osnivač, te dva predstavnika iz reda stalno uposlenih i jedan predstavnik iz reda studenata koje imenuje senat u skladu sa statutom u javnoj i transparentnoj proceduri javnog konkursa.“, čime je ispoštovana odredba člana 15. stav 1 Okvirnog zakona o visokom obrazovanju Bosni i Hercegovini kojom je propisano da: „Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje senat te visokoškolske ustanove u skladu sa statutom.
- Prihvata se primjedba koja se odnosi na član 14. Nacrta Zakona o izmjenama i dopunama Zakona o visokom obrazovanju (Izmjena člana 93. Zakona o visokom obrazovanju), koja se odnosi na smanjenje starosne granice za odlazak u penziju, a ista će se uvažiti kroz novi prijedlog zakona.

BEHIJA KULOVIĆ

Zahvaljujem predsjedavajući. Mi koji smo dobili u materijalima Prijedlog Zakona po skraćenom postupku u obrazloženju je pisalo: Imajući u vidu da se radi o izmjenama i dopunama postojećeg Zakona, odnosno da nije u pitanju složen i obiman Zakon predložimo usvajanje prijedloga Zakona o izmjenama i dopunama Zakona o visokom obrazovanju po skraćenom postupku. I u tom skraćenom postupku mijenjalo se 18 članova Zakona, mijenjalo i dopunjavalo. Nakon toga, prihvaćeno je 9 amandmana nisam uspjela upratiti koliko još danas je Vlada prihvatila. Dakle, vidjeli smo i maloprije evo i kolegica zastupnica Renić je govorila o tome kakve su reakcije javnosti, burne su bile i ja podržavam i glasala sam za povlačenje Zakona iz skraćenog postupka i stavljanja u redovnu proceduru. Dakle, donošenje Zakona po skraćenom postupku se pokazalo apsolutno neprihvatljivim i neodgovornim od strane predlagača. Stanje na Unvr... na Univerzitetu nije dobro. Podsjetiću vas da sam prošle godine kad smo na dnevnom redu imali Izvještaj o poslovanju Univerziteta, otvoreno u diskusiji kritikovala loše stanje na Univerzitetu koje je posljedica i očito složenog odnosa između rektora i Upravnog odbora. Sa ove govornice slušali smo međusobna optuživanja i tada su studenti i stvarni problemi stavljeni u drugi plan kao i danas. Međutim, ono što se predlaže ovim izmjenama i dopunama Zakona dakle, ta mogućnost pripisivanja, mogućnosti smjene rektora od strane Upravnog odbora, pa čak kada je u pitanju i domen finansija, odnosno finansijskog poslovanja, je pokušaj najgrubljeg političkog utjecaja i pravno nasilje sa političkim pritiscima na akademsku zajednicu. Također, ovdje mi sad postavljamo pitanje šta je važnije, finansije ili neovisna akademska zajednica. Kao zastupnica Naše stranke uvijek ću dići glas, podižući ruku za neovisnu akademsku zajednicu koja ima svoju autonomiju. Ove druge stvari koje dolaze iz domena finansija neka to utvrđuje, Univerzitet je

svakako na trezorskom poslovanju, neka to utvrđuju druge institucije. Dakle, intencija predloženih izmjena i dopuna Zakona kao i amandmana je jačanje političkog utjecaja na akademsku zajednicu, bez želje da se nagomilani problemi, koje imamo na Univerzitetu Zenica, riješe. Ako se i dalje bude insistiralo na nezakonitom prijedlogu koji pobija pravilo da tijelo koje imenuje rektora, jedino ga može i razriješiti, dakle Senat, a nikako Upravni odbor, ja, ni kada Zakon bude u proceduri ponovno u... pred nama zastupnicima, kao takav neću podržati. Dakle, ovo je u suprotnosti sa pravnom logikom i odredbama Okvirnog Zakona o visokom obrazovanju. U Zakonu o visokom obrazovanju u članu 16. Senat visokoškolske ustanove, pa se propisuju nadležnosti u stavu 5) jasno stoji Senat bira rektora i prorektora Univerziteta, odnosno direktora visoke škole. O sastavu Upravnog odbora ne bih da govorim, zastupnica Renić je već to razjasnila na koji način funkcioniše, što daje apsolutnu mogućnost da onaj dio Upravnog odbora koji imenuje Vlada preglasa sve odluke. Ja dolazim iz obrazovanja i ovo više ne govorim samo kao zastupnica, nego kao neko ko je svaki dan sa učenicima u odjeljenju. Ovo što vi predažete je niz opasnosti po autonomiju i neovisnu akademsku zajednicu. Otvarate put politizaciji kurikularne reforme, koja će odgovarati ideološkim ciljevima vladajuće strukture. Sad je to Stranka demokratske akcije sa svojim koalicionim partnerima, a sutra ne znate ko će biti. Svaka promjena vlasti će dovesti do novih obrazovnih reformi koje se temelje na političkim ciljevima, a ne na stvarnim obrazovnim potrebama. To stvara i dodatno pojačava nestabilnost i otežava dugoročni razvoj sistema. Nažalost, obrazovanje nam je urušeno. Kontrolom koju uspostavljate gušite pluralizam, mišljenje i kritičko razmišljanje akademske zajednice i obrazovnog sistema. To da se otvara put zapošljavanju političkih podobnih kadrova, o tome neću ni govoriti. Dakle, ove izmjene Zakona su političke, nisu usmjerene na sistemski rješenja nagomilanih problema, pogubne su za autonomiju i neovisnost Univerziteta i akademske zajednice i kao zastupnica Naše stranke ako ovako ostane Zakon u prijedlogu neću podržati. Hvala.

Stav predlagača po primjedbi

- Prihvata se primjedba koja se odnosi na član 9. Nacrta Zakona o izmjenama i dopunama Zakona o visokom obrazovanju, a odnosi se na mogućnost smjene rektora od strane upravnog odbora, te će se ista uvažiti u prijedlogu Zakona o izmjenama i dopunama Zakona o visokom obrazovanju, gdje se neće predvidjeti mogućnost smjene rektora od strane upravnog odbora visokoškolske ustanove.

MLADEN SIMIĆ

Zahvaljujem predsjedavajući, pozdravljam još jednom sve prisutne. Za Nacrt se obično kaže Nacrt može poslužiti i kao dobra polazna osnova za izradu Prijedloga itd., Zakona, mislim da u ovom slučaju ne možemo ni to upotrijebiti, ni to da kažemo da ovo može biti polazna osnova. Evo kolege prije mene i dosta su toga rekli, i ministar je iznio, mislim da sa ovim pokušajem amortizacije loših zakonskih rješenja nije se uspjelo, ne bih nabrajao, imao sam pripremljeno dosta toga. Znači ukoliko se potencira da evo ne znam ide jedna funkcija itd., o tome se da pričati, mislim da je to korektno itd., ali je ovdje činjenica da je Ministarstvo evo i kompletna Vlada su, pa mogu slobodno reći sami sebi sportskim riječnikom dali autogol. Ovdje je u pitanju da je, imali smo Prijedlog Zakona od resornog Ministarstva na koji je Vlada ulagala amandmane, pa je onda neke amandmane te Vlada sama usvojila, pa je druge, evo konkretno ovaj amandman koji ste rekli obrisan amandman 8 obrisan, koji je, o njemu ću nešto kasnije reći i onda se postavi pitanje znači Vlada sama sebi ulaže amandmane, pa onda neke prihvati, a evo pod pritiskom

očigledno javnosti neke odbije. Ja ovaj hoću konkretno reći, ovo je moje mišljenje znači nije opažanje niti je bilo kakva presuda, ovo je Zakon da se razriješi sa funkcije rektor Univerziteta Jusuf Duraković i tako ste ga trebali i nazvati, malo da karikiram. Znači ovdje se sve radi na tome, mi iz SDP-a niti branimo, ja ni profesora Durakovića niti rektora, itd., štitimo procedure i štitimo zakonitost i zalažemo se naravno što neko reče nezavisnost itd. Razumijemo da će politika voditi glavnu riječ, politika je ta koja treba opredjeljivati, ali treba imati i granicu i treba imati što ja volim reći crvenu liniju negdje gdje se može reći. Ja sam evo upratio kao i svi vi ministre, nije tu bilo neke pa ne znam ko vam je to govorio itd., neki su nabrajali veće institucije. Ja sam vidio profesora Ustavnog prava sa zeničkog Univerziteta koji kaže da ovo nije dobar Zakon, a profesor Ustavnog prava je bio na listi koliko se čini Stranke demokratske akcije za Parlamentarnu skupštinu BiH ili Federalni parlament, ne znam. Pa sam vidio predsjednika sindikata koji je također profesor na Pravnom fakultetu Univerziteta u Zenici. Znači dozvolite da i mi zastupnici evo koji nećemo, ja sam jednom bio gore tri mjeseca vjerujte pobjego sam sa Univerziteta, bio sam jednom u privremenom Upravnom odboru jer sam onaj... nisam se slagao s nekim poslovnim politikama itd. Ovdje smo vidjeli u.. juče premijer kaže u izjavama za medije da neće biti ovaj sporni amandman, a amandman .. ja ne znam šta će doći kao konačan prijedlog, ali amandman je bio takav, evo sâm je i ministar rekao rogobatan. Ja sam čitajući ovaj amandma mislio da predložim da se doda i član i stav četiri ovog 16. člana gdje će se naložiti ministru policije i u saradnji sa Upravom policije da ukoliko bude Jusuf Duraković da ga uhapsimo odmah i da više nikada ne bude imenovan za rektora jer se tamo pa se ponavlja dva... to je za dva dana... itd., itd. Ja koliko znam pozivajući se na evo izmjene ovog ... i u Nacrtu to što stoji da trošenje finansijskih sredstava to se stavlja na teret itd. to po meni utvrđuju potpuno neke druge institucije. Ja imam informacija da je i revizorski izvještaji dat zadovoljavajući, uz preporuke da se nešto popravi, pa se to popravilo itd, da je budžetski inspektor dva puta u prošloj ... pretprošloj godini sačinio svoj nalaz koji nije mogao naći tamo neke malverzacije što se tiče trošenja, tako da smatram da ovo ne stoji finansijsko, ono ako će politika naći, dati Upravnom odboru da određuje mimo Senata, mimo institucija Univerziteta da određuje, bojim se bez obzira koja politika dođe da će se to zaista pretvoriti u vidjeli smo ovdje ima i unutarstranački obračun i maltene većina je upitna ove privatne Vlade hoće li se glasati ili neće se glasati itd. Mislim da to nije dobar put, a pogotovo nije dobar put da Upravni odbor određuje ko će biti imenovan u naučnonastavničko vijeće, kako se to zove, ko će biti profesor, ko treba biti redovni profesor itd. Ovim ... ovim uplitanjem smatram da Vlada sama sebi ono što sam rekao nije ništa dobro donijela i mislim da ovakav ... ovakve Nacrt ako bude ... Prijedlog sličan kao Nacrt, da ne bi trebalo podržati ova Skupština. Zahvaljujem.

Stav predlagača po primjedbi

- Prihvata se primjedba koja se odnosi na član 9. Nacrta Zakona o izmjenama i dopunama Zakona o visokom obrazovanju, a odnosi se na mogućnost smjene rektora od strane upravnog odbora, te će se ista uvažiti u prijedlogu Zakona o izmjenama i dopunama Zakona o visokom obrazovanju, gdje se neće predvidjeti mogućnost smjene rektora od strane upravnog odbora visokoškolske ustanove.
- Prihvata se primjedba koja se odnosi član 12. Nacrta Zakona o izmjenama i dopunama Zakona o visokom obrazovanju u dijelu koji se odnosi na pravo podnošenje prigovora Upravnom odboru, te će se ista uvažiti kroz novi prijedlog Zakona o izmjenama i dopunama Zakona o visokom obrazovanju.

REKTOR JU UNIVERZITET ZENICA JUSUF DURAKOVIĆ

Poštovani predsjedavajući, premijer je izašao je li, uvaženi zastupnici, ministri u Vladi Zeničko-dobojskog kantona u ime Univerziteta, kao rukovodilac želim da vas sve srdačno pozdravim, da se zahvalim što mi je pružena prilika da mogu nešto reći i drugačije. Hvala Vladi na razumijevanju da je ipak potrebno da se čuje glas studenata, da se čuje glas akademske zajednice o izmjenama Zakona i ovo će biti prilika kroz Nacrt. Ja sam temperamentan čovjek pa kada su me upozoravali kaže profesore nemojte da vas isprovociraju, budite korektni i zaista ću dostojanstveno ovu diskusiju dovesti do kraja. Procedura ... izrade Prijedloga Zakona je urađena bez znanja senata i bez znanja rektora i zato je ovo bitno da idemo u Nacrt. Univerzitet je jedina institucija na koju se ovaj Zakon odnosi i to je prilika da svi zainteresovani i studenti i profesori i nastavnici imaju šta reći za ovaj Zakon. Generalno, ovaj Zakon nije usaglašen sa Okvirnim zakonom o visokom obrazovanju Bosne i Hercegovine i presudama Ustavnog suda, a kao što znate kršenje odluka Ustavnog suda predstavlja krivično djelo. Ministarstvu za prov... pravosuđe je tokom izrade ovog Prijedloga Zakona ukazano na potrebu usaglašavanja ovog Prijedloga Zakona i generalno Zakona sa Okvirnim zakonom u visokom obrazovanju. U čemu su se ogledale naše primjedbe? Evo krenuću redom, ovdje su neki cijenjeni zastupnici pomenuli pa da se ipak i ja možda obratim kao rektor, Upravnom odboru se daje mogućnost da daje izbore u akademska zvanja što je suprotno članu 16. Okvirnog zakona o visokom obrazovanju i očigledno narušavanje institucionalne akademije... autonomije, ne akademske, institucionalne autonomije. U Upravnom odboru se nalazi 7. članova, od kojih četiri i u zadnje vrijeme 90% odluka na Upravnom odboru se preglasavamo četiri-tri. Postavljam pitanje ako ja napredujem za redovnog profesora kao rektor i da bi meni bila formirana komisija od tri člana moraju biti u zvanju redovni profesori iz date naučne oblasti, i nas 13 kao većina u Senatu mora dići ruku da bi izbor u zvanje redovnog profesora prošao. Ovdje šta se dešava, da će Upravni odbor sa četiri ruke, u kojem mogu da sjede ljudi koji su kupili diplome iz različitih motiva, Vlada ih je imenovala u Upravni odbor i odlučiti o izboru u redovnog profesora. Postavljam pitanje... postavljam pitanje kome će biti priznat takav izbor u zvanje na nekom drugom univerzitetu, jel' stvarno mislite da će Univerzitet u Sarajevu, Tuzli, Mostaru, prihvatiti takav izbor i da taj nastavnik može držati nastavu. Hoće li Univerzitet prihvatiti sam u Senatu da bude u nastavničkom timu takav saradnik ili takav nastavnik. Pročitaću samo jednu odluku Ustavnog suda u svojoj presudi U-22/18 istakao, "da je omjer članova Upravnog odbora mora ići u korist akademske zajednice jer sve suprotno predstavlja udar na autonomiju Univerziteta". Ja ovo čitam pod znacima navoda iz presude u Tuzlanskom Univerzitetu. Dakle, ovakvim odredbama zakonodavac oduzima ingerencije Senata i daje upravo Vladi da daje izbor u zvanja što je direktno mješanje politike u rad Univerziteta. Drugo. Upravni odbor dobija još jednu funkciju da može smijeniti rektora Univerziteta što je opet suprotno odredbama Okvirnog zakona o visokom obrazovanju i presudama Ustavnog suda U-22/18. Članom 18. Okvirnog zakona o visokom obrazovanju, kao i odlukama... odlukom Ustavnog suda je precizirano da rektora bira Senat. Donošenje odluka... odluke o uvođenju privremene uprave od strane Vlade Tuzlanskog kantona, Ustavni sud je '18. godine poništio U-22/18, svojom presudom. Kada je u Tuzli uvedena privremena uprava Vlada je smijenila i rektora i dekane i sve je Ustavni sud poništio. Ja ću se malo vratiti na diskusiju kolege Kozlića, kada je rekao "ja sam kao ministar unio u Zakon da se ne daje saglasnost za rektore i prorektore". Niste vi to gospodine Kozliću uradili zato što ste vi tako mislili, nego zato što je Ustavni sud naložio ovoj Skupštini da uskladi svoj Zakon sa Okvirnim zakonom i zato je to urađeno. Kada ste rekli da ste vi ponovo dali saglasnost da Upravni odbor ne donosi Statut nije to bila volja zastupnika Skupštine Zeničko-dobojskog kantona nego odlukom Ustavnog suda u

rješavanju spora između Univerziteta u Zenici i Vlade naređeno da se i ta odluka sprovede i ova je Skupština oba ta slučaja riješila tako što je donijela Zakon gdje Statut donosi Senat uz pribavljeno mišljenje Upravnog odbora. Upravni... Ustavni sud je također proglasio sve ove zakone i tada, sad mi ovim Nacrtom, ja ću ga ovdje zvati Nacrtom Zakona ovo je javna rasprava idemo korak dalje, dakle ne zato što ne date saglasnost, ne možete mi dati saglasnost za rektora, sad se ovim Zakonom nudi sad ću te ja razriješiti, ja mislim da to nije u redu. Treće, suprotno Okvirnom zakonu o visokom obrazovanju u članu 33. se precizira vrijeme koje asistenti i viši asistenti moraju provesti u tom izboru. Vidite nije slučajno u Okvirnom zakonu definisano da asistent i viši asistent moraju provesti u izbornom periodu četiri i pet godina. Prijedlogom odnosno Nacrtom ovog Zakona sada se to skraćuje na godinu, na dvije. Šta radimo? Nema kvaliteta. Četiri godine asistent mora da provede, da se uvede u nastavni proces, da uči, a na ovakav način ovim Zakonom kada stekne uslove može biti viši asistent odmah poslije dvije godine. Smatramo da to nije u redu jer je suprotno Okvirnom zakonu. Četvrto, zakonodavac precizira da na Univerzitetu uposlenici mogu imati samo jednu funkciju čime se potpuno blokira rad pojedinih fakulteta. Vjerujte da će Univerzitet doći u situaciju, ja bih radije bio spreman da mi zakonodavac kaže možete i obavljati dvije, tri funkcije, ali ćemo vam platiti samo jednu... platićemo samo jednu, to je potpuno ispravnije. Ja sada neću moći imati šefove katedre, neću imati ljude u ... neću imati ljude u studijskim programima. Doći će u pitanje funkcionisanje organizacionih jedinica zato što nema toliko nastavnika. Moja sugestija će i na javnoj raspravi kada bude organizovana na Univerzitetu biti, da se plaća jedna funkcija, a da nastavnik može obnašati dvije-tri funkcije zato što je to obaveza. Pet, vrhunac je amandman 8, evo hvala Bogu povučen je. Pazite, Zakonom se retroaktivno primjenjuje pravo i ukida se meni odluka da nisam rektor, to koliko ja znam, nisam pravnik, to može samo uraditi onaj ko je donio tu odluku i sud da naloži da se ta odluka, a ne Zakon. Sljedeće ... stav 2. i stav 3. sada su preneseni u ovaj aneks... amandman 10, kaže, ne mogu se ja više nikad kandidirati za rektora jer ne mogu više biti, meni se oduzima, ne meni, sada sam ja, govorim meni, pitanje je ko će sutra, prekосуtra biti rektor, rektor nema više osnovno ljudsko pravo da bude biran za rektora. Da me slučajno nije neko u Hagu video, da nisam osuđen za ratni zločin, ja ili neko drugi? Ovdje se ne radi o fin... uvođenju finansijske kontrole. Univerzitet u Zenici je u zadnju godinu dana, preciznije kako je došla ova Vlada, je posjetilo 40 inspekcija. Od toga ću samo pomenuti tri puta je dolazio budžetski inspektor u usmjereni inspeksijski nadzor sa ciljem da se provjeri izvršenje Budžeta, trošenje novca u skladu sa Zakonom o izvršenju budžeta. Molim vas, ko želi evo kopija, prvi zapisnik budžetskog inspektora za '23. godinu, potpuno čist. Drugi zapisnik budžetskog inspektora ove Vlade, čist. Treći zapisnik ovog budžetskog inspektora, čist. Idemo dalje, finansijska neovisna revizija bila tri mjeseca na Univerzitetu za '23. godinu, Izvještaj zadovoljava, uz primjedbe kao što ih imaju sve institucije ... zadovoljava. O kojoj finansijskom poslovanju i kriminalu vi govorite. Ja vjerujem ovim dokumentima budžetskog inspektora i vjerujem dokumentu vaše neovisne revizije Ministarstva finansija, a o načinu šta je rađeno sa ovim ćemo vjerovatno nekom drugom prilikom. Da još kažem, Upravni odbor je usvojio Izvještaj o poslovanju za '21. godinu, evo ja javno govorim, odluka predsjednika Upravnog odbora prof.dr. Suvad Isaković, Odluka o usvajanju Izvještaja o poslovanju Univerziteta za '21., Odluka o usvajanju Izvještaja o poslovanju za '22. predsjednika Upravnog odbora, Odluka o usvajanju za '23. prof.dr. Suvad Isaković, ja se zaista sada pitam zašto se ovo radi našoj instituciji? Ja razumijem da ima problema, ja pozivam ministre javno, pozivam premijera, pomozite Univerzitetu da ove nabrojane probleme koje ste pomenuli rješavamo zajedno, Univerzitet je vaša institucija nije moja, ali nemam odgovora od Vlade, ne žele da razgovaraju sa Univerzitetom, to javno govorim, ne žele da razgovaraju. Ja sam prije godinu dana uputio poziv premijeru i resornom ministru,

čestitao na izboru i pozvao ih da dođu, da razgovaramo ili da ja dođem njima o svim otvorenim pitanjima. Danas je 12 mjeseci, nikada nisam dobio odgovor nećemo, ne možemo, ne smijemo, o čemu onda mi možemo raspravljati kada Vlada ne želi da raspravlja o problematici na vašem Univerzitetu. Predsjedavajući samo ako može još malo znam da... da ovaj...

PREDSJEDAVALJUĆI SKUPŠTINE ĆAZIM HUSKIĆ

Pet minuta sam ti ...

REKTOR JU UNIVERZITET U ZENICI JUSUF DURAKOVIĆ

Evo hvala Vam za to ... hvala Vam za to. Mi generalno, evo ja ću govoriti o ovim stvarima na javnoj raspravi, nismo zadovoljni sa ovim rješenjima, pozivamo Vladu, pozivam prije svega resornog ministra, da dođe na Univerzitet i da o svemu razgovaramo, sve što ne valja ćemo mijenjati, ali moramo poštovati zakone ove države. Moramo poštovati Okvirni zakon i moramo poštovati odluke Ustavnog suda. Predsjedavajući, hvala Vam što ste odvojili, dali ovoliko vremena, ali evo neka Skupština i zna i za ove druge informacije.

Stav predlagaa po primjedbi

- Prihvata se primjedba koja se odnosi na član 9. Nacrta Zakona o izmjenama i dopunama Zakona o visokom obrazovanju, a odnosi se na mogućnost smjene rektora od strane upravnog odbora, te će se ista uvažiti u prijedlogu Zakona o izmjenama i dopunama Zakona o visokom obrazovanju, gdje se neće predvidjeti mogućnost smjene rektora od strane upravnog odbora visokoškolske ustanove.
- Prihvata se primjedba koja se odnosi član 12. Nacrta Zakona o izmjenama i dopunama Zakona o visokom obrazovanju u dijelu koji se odnosi na pravo podnošenje prigovora Upravnom odboru, te će se ista uvažiti kroz novi prijedlog Zakona o izmjenama i dopunama Zakona o visokom obrazovanju.
- Ne prihvata se primjedba koja se odnosi na član 12. stav (1) Nacrta Zakona o izmjenama i dopunama Zakona o visokom obrazovanju iz sljedećih razloga:

Članom 28. alineje 1, 2, 3 i 4 Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09) kojim je propisano je da su:

„Minimalni uvjeti za izbor akademskog osoblja u naučnonastavna zvanja na visokoškolskoj ustanovi su:

- asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8 ili 3,5;
- viši asistent: stepen drugog ciklusa (magisterij);
- lektor: stepen drugog ciklusa (magisterij);
- docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti“,

Iz citirane odredbe proizilazi da uslovi za više asistenta, lektora i docenta ne predviđaju kao uslov već proveden izborni period u zvanju asistenta odnosno više asistenta.

Navedeno također proizilazi iz odredbe člana 83. Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - autentično tumačenje).

Naprijed citirane odredbe također treba dovesti u vezu sa odredbom člana 34. Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09), koji propisuje *da se izbor akademskog osoblja u svim slučajevima vrši javnim konkursom.*

UDRUŽENJE POSLODAVACA ZENICA

(Napomena: Prijedlog izmjena i dopuna pristigle putem e-mail-a od 26.12.2024. godine)

Vezano za aktivnosti koje se trenutno provode na prijedlogu Zakona o izmjenama i dopunama Zakona o visokom obrazovanju Udruženje poslodavaca smatra da bi bilo svrsishodno u članu 65. (Organizacione jedinice univerziteta) u stav (4) dodati:

„koji može obavljati i poslove posredovanja u zapošljavanja studenata“.

Integralni tekst ovog stava bi glasio:

„(4) Radi obezbjeđenja cjelovitosti studentskog standarda, univerzitet u svom sastavu može imati i studentski centar koji pored ostalog može obavljati i poslove posredovanja u zapošljavanja studenata kao organizacionu jedinicu“.

Stav predlagača po primjedbi:

Primjedba se ne prihvata iz razloga što je članom 65. stav (5) Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - autentično tumačenje) propisano da: „Organizacione jedinice nemaju svojstvo pravnog lica“.

PRIMJEDBE NA NACRT ZAKONA O VISOKOM OBRAZOVANJU UNIVERZITETA U ZENICI (dostavljene putem Akta, broj: 01-03-10-37/25 od 06.01.2025. godine)

Primjedba (Član 49. stav 4. Mijenja se)

Ograničavanjem broja funkcija na jednu, onemogućava se rad velikog broja organizacionih jedinica, a time i Univerziteta u Zenici. Prema ZVO ZDK i internim aktima Univerziteta, organizacione jedinice odnosno fakulteti za njihovo funkcionisanje moraju imati nastavni kadar na slijedećim funkcijama: dekan, prodekan, predsjedavajući NNV, QA menadžer, ECTS koordinator, šefovi katedri (veći broj), šefovi studijskog programa (veći broj), predsjedavajući Vijeća doktorskog studija itd. Napominjemo da nastavno osoblje također mora obavljati i neke funkcije na Univerzitetu (QA menadžer, predsjedavajući senata, itd.) Sa brojem zaposlenih nastavnika na Univerzitetu tj. fakultetu većina fakulteta uz ovakvo ograničenje neće moći funkcionisati.

Stav Predlagača po primjedbi:

Prihvata se primjedba na član 2. Nacrta Zakona o izmjenama i dopunama Zakona o visokom obrazovanju na način da će se u novom prijedlogu zakona predvidjeti izuzeci.

Primjedba (Član 62. stav 3. Dodaje se novi stav):

Suprotno Okvirnom zakonu o visokom obrazovanju (član 18.). Suprotno Odluci Ustavnog suda U22/18.

Ustavni sud u svojoj Odluci U 22/18 konstatuje da je nadležno tijelo za izbor rektora, a time i za njegovu smjenu Senat. Okvirni zakon ne predviđa učešće drugih tijela visokoškolske ustanove

(konkretno upravnog odbora), niti učešće eksternih autoriteta u procesu izbora i smjene rektora (U 22/18).

Stav Predlagača po primjedbi:

- Prihvata se primjedba koja se odnosi na član 9. Nacrta Zakona o izmjenama i dopunama Zakona o visokom obrazovanju, a odnosi se na mogućnost smjene rektora od strane upravnog odbora, te će se ista uvažiti u prijedlogu Zakona o izmjenama i dopunama Zakona o visokom obrazovanju, gdje se neće predvidjeti mogućnost smjene rektora od strane upravnog odbora visokoškolske ustanove.

Primjedba (Član 62, stav 4. Dodaje se novi stav):

Suprotno Okvirnom zakonu o visokom obrazovanju (član 18.).

U smislu Odluke Ustavnog suda, jasno je da omjer broja članova iz reda osnivača u odnosu na predstavnike akademske zajednice znači veću mogućnost političkog uticaja i manji stepen stvarne institucionalne autonomije i obrnuto (U 22/18). Prema odluci Ustavnog suda, predstavnici akademske zajednice moraju imati veći broj članova u odnosu na predstavnike osnivača u upravnom odboru javne visokoškolske ustanove jer se time smanjuje mogućnost političkog uticaja. Ovim se konstatuje da je član 52. stav 1. ZVO ZDK neustavan i zahtijeva izmjenu! UO nema ingerencije u pogledu izbora ili smjene rektora i takva odredba predstavlja direktno miješanje u ingerencije Senata!

Stav Predlagača po primjedbi:

Ovdje napominjemo da predmet izmjena i dopuna predmetnog nacrta nije bio sastav odnosno broj članova upravnog odbora osim toga potrebno je napomenuti, da je članom 52. stav (1) Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - autentično tumačenje) je propisano da „Upravni odbor visokoškolske ustanove ima sedam članova i čine ga četiri predstavnika iz reda osnivača koje imenuje osnivač, te dva predstavnika iz reda stalno uposlenih i jedan predstavnik iz reda studenata koje imenuje senat u skladu sa statutom u javnoj i transparentnoj proceduri javnog konkursa.“, čime je ispoštovana odredba člana 15. stav 1 Okvirnog zakona o visokom obrazovanju Bosni i Hercegovini kojom je propisano da: „Upravni odbor ima između sedam i jedanaest članova od kojih najmanje jednu trećinu imenuje osnivač, a ostale imenuje senat te visokoškolske ustanove u skladu sa statutom.

Primjedba (Član 62, stav 5. Dodaje se novi stav)

Suprotno Okvirnom zakonu o visokom obrazovanju član 18. Suprotno Odluci Ustavnog suda U22/18.

Stav Predlagača po primjedbi:

Predmetni stav na koji se daje primjedba nije dio Nacrta Zakona o izmjenama i dopunama Zakona o visokom obrazovanju koji je upućen u javnu raspravu.

Primjedba (Član 62, stav 6. Dodaje se novi stav)

Suprotno Zakonu o radu i internim aktima Univerziteta.

Stav Predlagača po primjedbi:

Predmetni stav na koji se daje primjedba nije dio Nacrta Zakona o izmjenama i dopunama Zakona o visokom obrazovanju koji je upućen u javnu raspravu.

Primjedba (Član 62, stav 9. Dodaje se novi stav)

Stav Predlagača po primjedbi:

Predmetni stav na koji se daje primjedba nije dio Nacrta Zakona o izmjenama i dopunama Zakona o visokom obrazovanju koji je upućen u javnu raspravu.

Primjedba (Član 70. stav 1):

Suprotno Okvirnom zakonu član 13. stav 3. Isključiva nadležnost Senata je da svojim Statutom utvrdi organizaciju i nadležnosti organizacionih jedinica.

Stav Predlagača po primjedbi:

Primjedba se prihvata.

Primjedba (Član 80. stav 1. i stav 2. Mijenjaju se)

Suprotno Okvirnom zakonu član 33. Suprotno nadležnostima NNV koji treba da iskaže potrebu za napredovanjem. Ovakvom odredbom se ide isključivo u prilog asistentima bez da se vodi računa o interesima institucije.

Stav Predlagača po primjedbi:

Ne prihvata se primjedba iz sljedećih razloga:

- Članom 28. alineje 1, 2, 3 i 4 Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09) kojim je propisano je da su:
„Minimalni uvjeti za izbor akademskog osoblja u naučnonastavna zvanja na visokoškolskoj ustanovi su:
 - *asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8 ili 3,5;*
 - *viši asistent: stepen drugog ciklusa (magisterij);*
 - *lektor: stepen drugog ciklusa (magisterij);*
 - *docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti“;*

Iz citirane odredbe proizilazi da uslovi za višeg asistenta, lektora i docenta ne predviđaju kao uslov već proveden izborni period u zvanju asistenta odnosno višeg asistenta.

Navedeno također proizilazi iz odredbe člana 83. Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - autentično tumačenje).

Naprijed citirane odredbe također treba dovesti u vezu sa odredbom člana 34. Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09), koji propisuje da se izbor akademskog osoblja u svim slučajevima vrši javnim konkursom.

SINDIKAT SREDNJEG I VISOKOG OBRAZOVANJA, ODGOJA, NAUKE I KULTURU ZDK

Sindikalna organizacija Univerzitet u Zenici

Podružnica: INSTITUT „KEMAL KAPETANOVIĆ“

(Dostavljene putem e-mail-a od 06.01.2025. godine)

Primjedba:

Predlažemo da se izvrši dopuna člana 2. Zakona o visokom obrazovanju (alineja m) koja se odnosi na rukovodne funkcije na visokoškolskoj ustanovi dopuni sa rukovodnim funkcijama na koje postoje na Institutu Kemal Kapetanović da se na kraju alineje doda sljedeći tekst:

„Šef centra, voditelj laboratorije, tehnički voditelj laboratorije i pomoćnik za kvalitet.“

Obrazloženje: Navedene funkcije na Institut su rukovodne funkcije ali nisu definisane Zakonom o visokom obrazovanju.

Stav Predlagača po primjedbi:

Prihvata se primjedba u odnosu na funkcije šefa centra i voditelja laboratorije, te će se ista uvažiti u novom prijedlogu zakona.

AMANDMANI VLADE ZENIČKO-DOBOJSKOG KANTONA:

(koji se smatraju primjedbama, prijedlozima i sugestijama Vlade Kantona na Nacrt Zakona o izmjenama i dopunama Zakona o visokom obrazovanju).

- Zaključak, broj: 02-02-21102/24 od 20.12.2024. godine (Amandman I)

Stav Predlagača po primjedbi:

Primjedba se prihvata.

- Zaključak, broj: 02-02-21103/24 od 20.12.2024. godine (Amandman II)

Stav Predlagača po primjedbi:

Primjedba se prihvata, osim u djelu stava (3) predmetnog amandmana, koji predviđa smjenu rektora od strane upravnog odbora ako to ne učini senat.

- Zaključak, broj: 02-02-21104/24 od 20.12.2024. godine (Amandman III)

Stav Predlagača po primjedbi:

Primjedba se prihvata.

- Zaključak, broj: 02-02-21106/24 od 20.12.2024. godine (Amandman V)

Stav Predlagača po primjedbi:

Primjedba se prihvata.

- Zaključak, broj: 02-02-21107/24 od 20.12.2024. godine (Amandman VI)

Stav Predlagača po primjedbi:

Primjedba se prihvata.

- Zaključak, broj: 02-02-21108/24 od 20.12.2024. godine (Amandman VII)

Stav Predlagača po primjedbi:

Primjedba se prihvata.

- Zaključak, broj: 02-02-21110/24 od 20.12.2024. godine (Amandman IX)

Stav Predlagača po primjedbi:

Primjedba se prihvata.

- Zaključak, broj: 02-02-21112/24 od 20.12.2024. godine (Amandman X)


Stav Predlagača po primjedbi:

Primjedba se prihvata, osim u dijelu koji se odnosi na mogućnost smjene rektora od strane upravnog odbora.

DOSTAVLJENO:

1x Naslovu,

1x a/a, (04).



Bosna i Hercegovina, Zeniča, Kućukovići br. 2

Tel: 032/460-840, fax: 460-842

e-mail min.obrazovanje@zdk.ba

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), Vlada Zeničko-dobojskog kantona, na 66. sjednici, održanoj dana 07.02.2025. godine, d o n o s i

ZAKLJUČAK

I.

Tačka dnevnog reda: Prijedlog Zakona o izmjenama i dopunama Zakona o visokom obrazovanju, sa Prijedlogom Zaključka o utvrđivanju, vraća se na doradu Ministarstvu za obrazovanje, nauku, kulturu i sport, kao predlagaču materijala, radi dopune pravnih odredbi koje se odnose na nadležnosti Upravnog odbora JU Univerzitet u Zenici, a sve u skladu sa raspravom u okviru 49. tačke dnevnog reda 66. sjednice Vlade Zeničko-dobojskog kantona, održane dana 07.02.2025. godine, sa obavezom ponovnog provođenja procedure pribavljanja potrebnih mišljenja u skladu sa odredbama iz člana 31. Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj 10/21).


II.

Zaključak stupa na snagu danom donošenja.

Broj: 02- 02-2251 /25
Datum, 07.02.2025. godine
Zenica

DOSTAVLJENO:

1x Ministarstvo za za obrazovanje, nauku, kulturu i sport,
1x a/a.





Broj: 03-02-10426-23/24
Zenica, 11.02.2025. godine

**MINISTARSTVO ZA OBRAZOVANJE,
NAUKU, KULTURU I SPORT
ZENIČKO-DOBOJSKOG KANTONA**

PREDMET: Mišljenje o Prijedlogu Zakona o izmjenama i dopunama Zakona o visokom obrazovanju - dostavlja se
- Veza Vaš akt broj: 10-02-10426-22/24 od 07.02.2025. godine -

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona («Službene novine Federacije BiH» broj 8/96 i «Službene novine Zeničko-dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona («Službene novine Zeničko – dobojskog kantona» broj: 10/21), uvidom u tekst Prijedloga Zakona o izmjenama i dopunama Zakona o visokom obrazovanju, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Član 18. tačka c) Ustava Zeničko-dobojskog kantona («Službene novine Federacije BiH», broj: 7/96 i «Službene novine Zeničko-dobojskog kantona», broj: 1/96, 10/2000, 8/04, 10/04 - ispr. i 10/04) propisuju da je Kanton nadležan za utvrđivanje obrazovne politike, uključujući donošenje propisa o obrazovanju i osiguranju obrazovanja, dok član 37. tačka f) Ustava propisuje da Skupština Zeničko-dobojskog kantona donosi zakone i ostale propise za izvršavanje kantonalnih nadležnosti.

Ustavni osnov Prijedloga Zakona o izmjenama i dopunama Zakona o visokom obrazovanju (u daljem tekstu: Prijedlog Zakona) je pravilno utvrđen.

Oblast visokog obrazovanja uređena je Okvirnim zakonom o visokom obrazovanju u Bosni i Hercegovina (Službeni glasnik Bosne i Hercegovine, broj: 59/07 i 59/09, u daljem tekstu Okvirni zakon).

Član 63. Okvirnog zakona propisuje da će se kantonalni zakon iz oblasti visokog obrazovanja uskladiti s odredbama ovog Zakona i da sva pitanja iz oblasti visokog obrazovanja koja nisu regulirana ovim Zakonom regulirat će se zakonom na nivou kantona.

Okvirni zakon služi kao osnovni normativni instrument kojim država regulira određenu oblast na općenit, načelan, okviran i principijelan način, dok se kantonima prepušta da tu istu oblast reguliraju preciznije, ali obavezno u skladu s državnim zakonom.



Imajući u vidu navedene odredbe, Prijedlog Zakona je uskladen s pravnim sistemom i urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

Shodno navedenom Prijedlog Zakona se može razmatrati na jednoj od narednih sjednica Vlade Zeničko-dobojskog knatona.



Dostavljeno:
 naslovu,
 a/a.

01-10 63



Broj: 06/02-02-10426-4/24
Zenica, 12.02.2025. godine

**MINISTARSTVO ZA OBRAZOVANJE,
NAUKU, KULTURU I SPORT**

PREDMET: Mišljenje na Prijedlog Zakona o izmjenama i dopunama Zakona o visokom obrazovanju, dostavlja se

Veza vaš akt broj: 10-02-10426-22/24 od 07.02.2025. godine

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22) i članom 31. stav (1) tačka b) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), a na osnovu uvida u tekst Prijedlog Zakona o izmjenama i dopunama Zakona o visokom obrazovanju (u daljem tekstu: Prijedlog Zakona) dostavljen shodno Zaključku Vlade Zeničko-dobojskog kantona broj: 02-02-2251/25 od 07.02.2025. godine, a u postupku pravne analize Prijedloga Zakona, provedene s ciljem utvrđivanja uskladenosti istog sa:

- Zakonom o prekršajima („Službene novine Federacije Bosne i Hercegovine“, br. 63/14 i „Sl. glasnik BiH“, br. 41/22 - odluka US BiH i 68/22 - odluka US BiH),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22),
- Europskom konvencijom o zaštiti ljudskih prava i sloboda i drugim pravima, te drugim instrumentima zaštite ljudskih prava, koji imaju pravnu snagu ustavnih odredaba, daje se:

MIŠLJENJE

U skladu sa članom 11. Zakona o kantonalnim ministarstvima i drugim tijelima kantonalne uprave, a u postupku davanja Mišljenja na dostavljeni akt broj i datum gornji Ministarstvo za pravosuđe i upravu Zeničko-dobojskog kantona, sa aspekta svoje nadležnosti, nema primjedbi na dostavljeni Prijedlog Zakona.

Dostaviti:
1x Naslovu,
1x a/a.



MINISTAR

Nebojša Nikolić



Broj: 07-02-10426-22/24
Zenica, 25.02.2025. godine

MINISTARSTVO ZA OBRAZOVANJE, NAUKU, KULTURU I SPORT

PREDMET: Mišljenje na Prijedlog Zakona o izmjenama i dopunama Zakona o visokom obrazovanju
- dostavlja se

Ministarstvo finansija je razmotrilo Prijedlog Zakona o izmjenama i dopunama Zakona o visokom obrazovanju, koji je dostavljen na mišljenje uz akt Ministarstva za obrazovanje, nauku, kulturu i sport Zeničko-dobojskog kantona, broj: 10-02-10426-22/24 od 07.02.2025. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“, a članom 42. stav 1. istog Zakona, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

Članom 30. stav (1) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je da obrazloženje propisa, između ostalog sadrži „visinu i izvor finansijskih sredstava potrebnih za provođenje propisa“, a članom 63. stav (1) Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisano je da: „Obrazloženje finansijskih sredstava sadrži procjenu potrebnih sredstava, izvora i metoda osiguranja tih sredstava za provođenje propisa.“

U Obrazloženju Prijedloga Zakona o izmjenama i dopunama Zakona o visokom obrazovanju, u dijelu „Finansijski pokazatelji“, između ostalog je navedeno: „Prijedlog Zakona o izmjenama i dopunama Zakona o visokom obrazovanju neće zahtijevati dodatna sredstva u Budžetu Kantona za 2025. godinu.“

Također, u Izjavi o fiskalnoj procjeni – Obrazac IFP-NE od 15.01.2025. godine, navedeno je da Prijedlog Zakona „neće zahtijevati dodatna sredstva u Budžetu Kantona za 2025. godinu“.

S tim u vezi, obim preuzimanja obaveza po osnovu Prijedloga Zakona, moći će se vršiti samo do iznosa planiranog za navedene namjene u Budžetu Zeničko-dobojskog kantona.

U slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva su obavezni obezbijediti Ministarstvo za obrazovanje, nauku, kulturu i sport Zeničko-dobojskog kantona i JU Univerzitet u Zenici, kroz uštede ili unutrašnje preraspodjele sredstava.

Odredbama tačke 8. Uputstva o izvršavanju budžeta sa jedinstvenog računa trezora („Službene novine Federacije BiH“, broj: 34/16), propisano je: „Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

Odredbama člana 25. stav (2) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), propisano je:

„Predlagač materijala je odgovoran da prijedlog materijala koji se dostavlja radi razmatranja na sjednicama Vlade bude u skladu sa Ustavom, važećim zakonima i provedbenim propisima.“

S tim u vezi, Ministarstvo finansija ne snosi odgovornost za pravna rješenja predložena od strane obrađivača u dostavljenom Prijedlogu Zakona, niti za eventualne dileme u vezi primjene Prijedloga Zakona.

Međutim, imajući u vidu gore navedeno Obrazloženje Prijedloga Zakona i dostavljenu Izjavu o fiskalnoj procjeni, u kojima je navedeno da Prijedlog Zakona neće zahtjevati dodatna sredstva u Budžetu Kantona za 2025. godinu, Ministarstvo finansija nema drugih primjedbi i sugestija iz svoje nadležnosti.

S poštovanjem!

Dostavljeno:

1x Naslovu,
1x a/a.



OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa		NAZIV	
Razdjel	KOD	Ministarstvo za obrazovanje, nauku, kulturu i sport	
	22010001		
B 2. Osnovni podaci o prijedlogu propisa			
Vrsta propisa/akta	Zakon	DA	Odluka
	Uredba	NE	NE
		NE	Strategija
			Drugi akti planiranja
			NE
			NE
Naziv propisa/akta			
Prijedlog Zakona o izmjenama i dopunama Zakona o visokom obrazovanju			
C 3. Izjava o nepostojanju dodatnih fiskalnih efekata predloženog propisa			

Prijedlog Zakona o izmjenama i dopunama Zakona o visokom obrazovanju neće zahtijevati dodatna sredstva u Budžetu Kantona za 2025. godinu.

D 4. Pečat i potpis odgovornog lica obradivača, odnosno predlagača propisa

MINISTAR

Mirza Mušija



Mjesto i datum

Zenica, 15.01.2025. godine



SKUPŠTINA

316.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 46. sjednici, održanoj 29.06.2022. godine, donosi:

ZAKON O VISOKOM OBRAZOVANJU

DIO PRVI - UVODNE ODREDBE

Član 1.

(Predmet zakona)

Ovim zakonom uređuju se sistem, uslovi i način obavljanja djelatnosti visokog obrazovanja, finansiranje, kao i druga pitanja od značaja za obavljanje ove djelatnosti na području Zeničko-dobojskog kantona (u daljem tekstu: Kanton).

Član 2.

(Osnovni pojmovi)

U ovom zakonu su u upotrebi pojmovi sa sljedećim značenjem:

- a) akademsko osoblje čine lica koja su izabrana u akademska (naučno-nastavna, nastavna, umjetnička, naučna i istraživačka zvanja) zvanja i angažovana su na licenciranoj i akreditovanoj visokoškolskoj ustanovi;
- b) kratki programi studija su programi stručnog osposobljavanja zainteresovanih osoba sa završenim visokoškolskim obrazovanjem, studenata i lica sa stečenim srednjim obrazovanjem za uključivanje u radni proces;
- c) dualni studij podrazumijeva oblik studija koji se realizuje u saradnji sa privrednim društvima i poslovnim subjektima u kojima je izvođenje nastavnog procesa podijeljeno između univerziteta i privrednih društava, odnosno poslovnih subjekata;
- d) učenje na daljinu je formaliziran oblik studija samofinansirajućih studenata kojim se korištenjem kompjuterskih tehnologija i interaktivnih nastavnih materijala osigurava pristup nastavnom procesu, a što se preciznije uređuje statutom visokoškolske ustanove;
- e) cjeloživotno učenje obuhvata kontinuirano učenje koje traje tokom cijelog života, a u funkciji poboljšanja znanja, kvalifikacija i kompetencija u okviru lične, građanske i društvene perspektive u cilju zaposlenja.
- f) diploma koju izdaje licencirana i akreditovana visokoškolska ustanova predstavlja javnu ispravu kojom se dokazuje da je stečena kvalifikacija rezultat uspješno završenog ciklusa studija;
- g) dodatak diplomi (Diploma Supplement) je javna isprava koja se izdaje i prilaže uz diplomu licencirane i akreditovane visokoškolske ustanove radi detaljnijeg uvida u nivo, prirodu, sadržaj, sistem i pravila studiranja i postignute rezultate tokom studija lica kojem je diploma izdata;
- h) ECTS (European Credit Transfer System) je evropski sistem prenosa studijskih bodova i studijski bodovi se koriste za definisanje obima i zahtjevnosti svakog predmeta, a određuju se na bazi optimalnog radnog opterećenja studenta neophodnog za savladavanje predviđenog nastavnog gradiva;
- i) izborni period u zvanju je vremenski interval koji počinje od datuma izbora u akademsko zvanje, bez obzira na naučnu oblast izbora ili nastavni predmet, a završava istekom perioda izbora u akademsko zvanje;
- j) katedra je osnovna naučno-nastavna (umjetnička) jedinica univerziteta koja učestvuje u izvođenju nastave, istraživačkog i stručnog rada na univerzitetu;

- k) mandat je vremensko razdoblje na koje se biraju nosioci rukovodećih funkcija ili predstavnici određenih kategorija;
- l) novi studijski program je studijski program čijim se završetkom stiče akademsko zvanje koje se ranije nije moglo steći na toj visokoškolskoj instituciji;
- m) rukovodne funkcije na visokoškolskoj ustanovi su: rektor, prorektor, predsjedavajući i zamjenik predsjedavajućeg senata, dekan, prodekan, predsjedavajući i zamjenik predsjedavajućeg naučno-nastavnog vijeća, šef katedre, direktor studentskog centra, direktor instituta i direktor visoke škole;
- n) standardi i normativi za obavljanje djelatnosti visokog obrazovanja na području Kantona predstavljaju dokument koji, na prijedlog Ministarstva za obrazovanje, nauku, kulturu i sport (u daljem tekstu: Ministarstvo), usvaja Vlada Kantona, a kojim se utvrđuju kriteriji čije ispunjavanje je neophodno za obavljanje djelatnosti visokog obrazovanja;
- o) studij (studiranje) je proces definiran nastavnim planom i programom u kojem student pohađa utvrđeni studijski program prvog, drugog ili trećeg ciklusa na licenciranoj i akreditovanoj visokoškolskoj ustanovi, a nakon čijeg uspješnog završetka student stiče pravo na akademsku titulu odnosno određeno zvanje;
- p) studijski program je skup obaveznih i izbornih nastavnih cjelina (predmeta) jednog ciklusa studija, čijim se savladavanjem stiču kompetencije, postižu zadati ciljevi i ishodi učenja, te stiče pravo na akademsku titulu odnosno određeno zvanje.

Član 3.

(Upotreba rodnoosjetljivog jezika)

Gramatički izrazi upotrebljeni u ovom zakonu za označavanje muškog i ženskog roda podrazumijevaju oba roda.

Član 4.

(Djelatnost visokog obrazovanja)

Djelatnost visokog obrazovanja je od posebnog društvenog interesa za Kanton i dio je međunarodnog, a posebno evropskog obrazovnog, naučnog, odnosno umjetničkog prostora.

DIO DRUGI - OSNOVNA NAČELA

POGLAVLJE I. CILJEVI I PRINCIPI VISOKOG OBRAZOVANJA

Član 5.

(Osnovni ciljevi visokog obrazovanja)

Osnovni ciljevi visokog obrazovanja su:

- a) ustanovljavati, razvijati, štititi i prenositi znanje i sposobnosti putem nastave i naučnoistraživačkog rada, i time doprinositi razvoju sposobnosti pojedinca i društva;
- b) pružiti mogućnost građanima da, u skladu sa propisima, pod jednakim uslovima uživaju korist visokog obrazovanja cijeli život;
- c) razvoj nauke i unapređivanje umjetničkog stvaralaštva.

Član 6.

(Strategija razvoja visokog obrazovanja)

- (1) Razvoj djelatnosti visokog obrazovanja na području Kantona definiše se Strategijom razvoja visokog obrazovanja kojom se utvrđuju ciljevi i prioriteti razvoja sektora, način njihovog ostvarivanja, finansijski i institucionalni okvir za implementaciju, monitoring, evaluaciju i izvještavanje.
- (2) Ministarstvo koordinira i vodi proces izrade Strategije razvoja visokog obrazovanja uvažavajući principe izrade strateških dokumenata u Federaciji Bosne i Hercegovine koji su propisani Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije Bosne i Hercegovine“, broj: 32/17) i Uredbom o izradi strateških dokumenata u Federaciji Bosne i Hercegovine („Službene novine Federacije Bosne i Hercegovine“, broj: 74/19 i 2/21).
- (3) Strategiju razvoja visokog obrazovanja donosi Skupština Zeničko-dobojskog kantona (u daljem tekstu: Skupština Kantona), na prijedlog Vlade Zeničko-dobojskog kantona (u daljem tekstu: Vlada Kantona).

Član 7.

(Principi visokog obrazovanja)

Djelatnost visokog obrazovanja se temelji na sljedećim principima:

- a) akademskim slobodama, akademskoj samoupravi i autonomiji visokoškolske ustanove;

- b) jedinstvu nastave i naučnoistraživačkog, odnosno umjetničkog rada;
- c) otvorenosti visokoškolske ustanove prema javnosti, građanima i široj zajednici;
- d) uvažavanju evropskih humanističkih i demokratskih vrijednosti, te usklađivanju s evropskim sistemom visokog obrazovanja;
- e) poštivanju ljudskih prava i građanskih sloboda, uključujući zabranu svih oblika diskriminacije;
- f) interakciji sa zajednicom i obavezi visokoškolske ustanove da razvija društvenu odgovornost studenata i drugih članova akademske zajednice;
- g) učešću studenata u upravljanju i odlučivanju, posebno u vezi sa pitanjima koja su od značaja za kvalitet nastave;
- h) ravnopravnosti visokoškolskih ustanova bez obzira na oblik vlasništva, odnosno na to ko je osnivač;
- i) afirmaciji konkurencije obrazovnih i istraživačkih usluga radi povećanja kvaliteta i efikasnosti visokoškolskog sistema;
- j) obezbjeđivanju kvaliteta i efikasnosti studiranja;
- k) konceptu cjeloživotnog obrazovanja.
- (2) Akademska sloboda na visokoškolskoj ustanovi je sloboda svakog nastavnika, saradnika i studenta da obavlja svoju akademsku aktivnost u skladu sa ustavom i zakonom.

Član 9.

(Prava visokoškolske ustanove)

Visokoškolske ustanove imaju pravo:

- a) izabrati svoje upravne i rukovodne organe i odrediti im mandat u skladu sa zakonom i statutom;
- b) urediti svoje strukture i aktivnosti vlastitim pravilima u skladu sa zakonom i statutom;
- c) izabrati nastavno, saradničko i drugo osoblje čiji je angažman povezan sa djelatnošću visokog obrazovanja;
- d) odlučiti o kriterijima za upis i prijem studenata, kao i odrediti nastavne metode i provjere znanja studenata;
- e) samostalno razvijati i primjenjivati nastavne planove i programe, te istraživačke projekte;
- f) u skladu sa nastavnim programom i standardima izabrati predmete koji će se predavati;
- g) na univerzitetima dodjeljivati naučno-nastavna, naučna, istraživačka, umjetničko-nastavna i saradnička zvanja u skladu sa zakonom i statutom;
- h) samostalno urediti rad visokoškolske ustanove u okviru postojeće unutrašnje organizacije, u skladu sa zakonom;
- i) zapošljavati osoblje u skladu sa zakonom.

POGLAVLJE II. AKADEMSKE SLOBODE I PRAVO NA VISOKO OBRAZOVANJE

Odjeljak A. Akademske slobode

Član 8.

(Akademske slobode)

(1) Akademske slobode su:

- a) sloboda visokoškolskih ustanova u nastavnom i naučnoistraživačkom radu i umjetničkom stvaralaštvu u okviru svojih licenci, bez miješanja organa javne vlasti, uključujući slobodu objavljivanja i javnog predstavljanja naučnih rezultata i umjetničkih dostignuća;
- b) sloboda međusobne saradnje i udruživanja, u skladu sa važećim propisima.

Član 10.

(Nepovredivost akademskog prostora)

- (1) Prostor visokoškolske ustanove je nepovrediv i u njega ne mogu ulaziti pripadnici policije i drugih organa za gonjenje i sprječavanje krivičnih djela bez dozvole rektora, direktora visoke škole ili lica koja su oni ovlastili.
- (2) Izuzetno od stava (1) ovog člana, s ciljem sprječavanja krivičnog djela ili zaustavljanja izvršenja krivičnog djela, mogu se preduzimati neophodne mjere, s tim da se o preduzetim radnjama odmah obavijesti uprava visokoškolske ustanove.

Član 11.
(Jezik studija)

Visokoškolska ustanova organizira i izvodi studije na službenim jezicima u Bosni i Hercegovini: bosanski jezik, hrvatski jezik i srpski jezik, uz ravnopravnu upotrebu oba pisma (latinice i ćirilice), a pojedine dijelove studija, kompletne studijske programe, kao i izradu i odbranu diplomskog i magistarskog rada i doktorske disertacije, može organizirati i izvoditi na stranom jeziku, u skladu sa statutom i drugim općim aktima.

Odjeljak B. Pravo na visoko obrazovanje

Član 12.
(Pravo na visoko obrazovanje)

Pravo na visoko obrazovanje imaju sva lica koja ispunjavaju uslove stručne spreme propisane Okvirnim zakonom o visokom obrazovanju u Bosni i Hercegovini („Službeni glasnik Bosne i Hercegovine“, broj: 59/07 i 59/09, u daljem tekstu: Okvirni zakon), bez obzira na rasu, boju kože, spol, seksualnu orijentaciju, etničko, nacionalno ili socijalno porijeklo, jezik, vjeroispovijest, političko ili drugo mišljenje, vezu s nekom nacionalnom zajednicom, status stečen rođenjem, fizički ili drugi nedostatak, imovinsko stanje, rođenje, starosnu dob ili neki drugi status.

Član 13.
(Pristup studiju stranim državljanima)

- (1) Visokoškolska ustanova će osigurati pristup studiju stranim državljanima i licima bez državljanstva u skladu sa utvrđenim načelima u Evropskom području visokog obrazovanja, osiguravajući studij pod istim uslovima kao i državljanima Bosne i Hercegovine, afirmirajući mobilnost studenata i nastavnika.
- (2) Osnivač može odrediti različitu cijenu školarine za studente strane državljanine.

DIO TREĆI - VISOKOŠKOLSKE USTANOVE

Član 14.
(Univerzitet i visoka škola)

- (1) Djelatnost visokog obrazovanja obavljaju univerziteti i visoke škole.
- (2) Univerzitet je visokoškolska ustanova koja se bavi nastavnim, naučnim i istraživačkim radom, koja nudi akademske stepene sva tri ciklusa, sa ciljevima koji uključuju unapređenje znanja, misli i školstva u Bosni i

Hercegovini i Kantonu; obrazovni, kulturni, društveni i ekonomski razvoj Bosne i Hercegovine; promociju demokratskog građanskog društva i postizanje najviših standarda nastave i istraživačkog rada i koja realizira najmanje pet različitih studijskih programa iz najmanje tri naučne oblasti – prirodne nauke, tehničke nauke, društvene nauke, biomedicina i zdravstvo, biotehničke i humanističke nauke.

- (3) Izuzetno od stava (1) ovog člana univerzitet u polju umjetnosti može se osnovati ako ima sva tri nivoa studija iz najmanje tri oblasti umjetnosti.
- (4) Visoka škola je visokoškolska ustanova koja je akreditovana za davanje diploma i stepena prvog ciklusa, sa ciljevima koji uključuju pripremu i obuku pojedinaca za stručni, ekonomski i kulturni razvoj Bosne i Hercegovine i Kantona, kao i promociju demokratskog građanskog društva, te postizanje visokih standarda nastave i učenja, koja realizira najmanje jedan studijski program iz jedne naučne oblasti i ispunjava druge uslove u skladu sa zakonom.
- (5) Visokoškolska ustanova može organizirati smještaj i ishranu studenata u skladu sa zakonom i osnivačkim aktom.

Član 15.
(Javnost rada)

- (1) Rad visokoškolske ustanove je javan.
- (2) Na visokoškolskoj ustanovi nije dozvoljeno političko ili stranačko organiziranje niti djelovanje.

Član 16.
(Imovina visokoškolske ustanove)

- (1) Visokoškolska ustanova stiče imovinu, upravlja njome i koristi je u skladu sa zakonom.
- (2) Imovina visokoškolske ustanove obezbijedena od osnivača za osnivanje i rad visokoškolske ustanove imovina je osnivača, ako aktom o osnivanju ustanove nije drugačije određeno.
- (3) Visokoškolska ustanova ne može raspolagati nepokretnostima u vlasništvu osnivača bez prethodno pribavljene saglasnosti Skupštine Kantona za javnu ustanovu.
- (4) Sredstva za rad visokoškolske ustanove mogu se koristiti samo za obavljanje djelatnosti visokoškolske ustanove.

(5) Imovina visokoškolske ustanove stečena poklonom i zaviještanjem je vlasništvo visokoškolske ustanove koja je tu imovinu stekla.

(6) Visokoškolska ustanova samostalno upravlja fondacijama, odnosno fondovima i zadužbinama koji su joj povjereni, u skladu sa zakonom.

(7) Imovina visokoškolske ustanove ne može biti iskorištena u cilju promjene statusa visokoškolske ustanove ili uzurpacije prava osnivača od strane drugih subjekata ili same visokoškolske ustanove.

(8) Imovinske interese javne visokoškolske ustanove u postupcima pred sudom ili drugim nadležnim organom zastupa Kantonalno pravobranilaštvo.

DIO ČETVRTI – OSNIVANJE, STATUSNE PROMJENE I PRESTANAK RADA VISOKOŠKOLSKE USTANOVE

POGLAVLJE I. OSNIVANJE

Odjeljak A. Osnivanje visokoškolske ustanove

Član 17.

(Status visokoškolske ustanove)

- (1) Univerzitet i visoka škola osnivaju se kao ustanove.
- (2) Javne visokoškolske ustanove obavljaju svoju djelatnost kao javnu službu.
- (3) Visokoškolska ustanova ima status pravnog lica.

Član 18.

(Osnivači visokoškolske ustanove)

- (1) Visokoškolsku ustanovu može osnovati domaće ili strano pravno ili fizičko lice.
- (2) Visokoškolsku ustanovu mogu osnovati dva ili više osnivača, u kojem slučaju se njihova međusobna prava, obaveze i odgovornosti utvrđuju ugovorom.
- (3) Visokoškolske ustanove mogu biti javne i privatne.
- (4) Visokoškolsku ustanovu kao javnu ustanovu može osnovati Skupština Kantona, samostalno ili zajedno sa drugim fizičkim ili pravnim licima, na prijedlog Vlade Kantona.

Odjeljak B. Elaborat o osnivanju

Član 19.

(Elaborat o osnivanju visokoškolske ustanove)

- (1) Osnivač visokoškolske ustanove, odnosno Vlada Kantona za javnu ustanovu, formira ekspertsku komisiju koja će pripremiti elaborat o opravdanosti osnivanja visokoškolske ustanove.
- (2) Članovi ekspertske komisije su univerzitetski nastavnici iz naučne i stručne oblasti za koju se osniva visokoškolska ustanova.
- (3) Elaborat iz stava (1) ovog člana sadrži dokaze o opravdanosti osnivanja visokoškolske ustanove, kao i dokaze da su ispunjeni propisani uslovi za osnivanje i rad visokoškolske ustanove.
- (4) Elaborat se podnosi Ministarstvu za obrazovanje, nauku, kulturu i sport Zeničko-dobojskog kantona (u daljem tekstu: Ministarstvo), sa zahtjevom za donošenje rješenja o ispunjenosti uslova za početak rada i obavljanje djelatnosti visokog obrazovanja.

Član 20.

(Komisija matičara)

- (1) Osnivač visokoškolske ustanove, odnosno Vlada Kantona za javnu ustanovu, prije donošenja akta o osnivanju usvaja elaborat.
- (2) Osnivač visokoškolske ustanove, odnosno Vlada Kantona nakon usvajanja elaborata, imenuje komisiju matičara i utvrđuje rok za podnošenje izvještaja.
- (3) Komisija matičara:
 - a) donosi nastavne planove i nastavne programe;
 - b) donosi opći akt o pravilima studija;
 - c) objavljuje konkurs i vrši izbor nastavnika i saradnika za uže naučne, odnosno umjetničke oblasti ili za nastavne predmete prve i druge godine studija, od kojih najmanje jednu polovinu u radnom odnosu sa punim radnim vremenom, u skladu sa odredbama ovog zakona;
 - d) predlaže broj studenata za upis u prvu godinu studija.
- (4) Bliži propis o sastavu i radu komisije matičara donosi ministar Ministarstva (u daljem tekstu: ministar).

Član 21.**(Akt o osnivanju visokoškolske ustanove)**

- (1) Kada osnivač pozitivno ocijeni izvještaj komisije matičara donosi akt o osnivanju visokoškolske ustanove.
- (2) Aktom o osnivanju visokoškolske ustanove utvrđuje se:
 - a) naziv osnivača;
 - b) naziv i sjedište visokoškolske ustanove;
 - c) djelatnost visokoškolske ustanove;
 - d) iznos i sredstva za osnivanje i početak rada i način njihovog obezbjeđivanja;
 - e) izvori i način obezbjeđivanja sredstava za rad visokoškolske ustanove;
 - f) međusobna prava i obaveze između osnivača i visokoškolske ustanove;
 - g) način raspolaganja viškom prihoda nad rashodima i način na koji se pokriva višak rashoda nad приходima;
 - h) prava, obaveze i odgovornost visokoškolske ustanove u pravnom prometu;
 - i) lice koje će do imenovanja organa rukovođenja predstavljati i zastupati visokoškolsku ustanovu i njegova ovlaštenja i odgovornosti;
 - j) rok za donošenje statuta visokoškolske ustanove, imenovanje organa upravljanja i rukovođenja visokoškolske ustanove;
 - k) druga pitanja od značaja za rad visokoškolske ustanove.

Član 22.**(Rješenje o ispunjavanju uslova za osnivanje i početak rada)**

- (1) Ministarstvo formira komisiju koja ispituje uslove za početak rada i obavljanja djelatnosti visokog obrazovanja.
- (2) Komisija broji pet članova i čine je univerzitetski nastavnici i najmanje jedan predstavnik osnivača.
- (3) Na osnovu pozitivne ocjene komisije, Ministarstvo donosi rješenje o ispunjavanju uslova za osnivanje i početak rada i obavljanje djelatnosti visokog obrazovanja.

- (4) Rješenje iz stava (3) ovog člana je upravni akt protiv koga nije dopuštena žalba, ali se može pokrenuti upravni spor.

Odjeljak C. Standardi i kriteriji**Član 23.****(Standardi i kriteriji)**

- (1) Visokoškolska ustanova može početi sa radom i obavljanjem djelatnosti ako ispunjava kriterije i standarde za osnivanje visokoškolske ustanove, koje donosi Ministarstvo, u skladu sa zakonom.
- (2) Visokoškolska ustanova ispunjava kadrovske uslove ako akademsko osoblje koje je u radnom odnosu izvodi najmanje jednu polovinu nastave na nastavnim predmetima za sve cikluse koje organizira utvrđenim nastavnim planom, osim na akademiji umjetnosti.
- (3) Izuzetno, za studij medicinske grupe nauka, broj angažiranih zaposlenika iz zdravstvene institucije /ustanove u nastavnom procesu u visokoškolskoj ustanovi ulazi u broj nastavnika iz stava (2) ovog člana, a što se regulira posebnim ugovorom između visokoškolske ustanove i zdravstvene institucije /ustanove.
- (4) Uslovi iz stava (2) ovog člana, ne primjenjuju se na nove studijske programe u periodu od 5 godina od njihovog pokretanja.

Član 24.**(Dozvola za rad)**

- (1) Nakon donošenja rješenja o ispunjavanju uslova za osnivanje i početak rada, obavljanje djelatnosti visokog obrazovanja, kao i akta o osnivanju, na zahtjev visokoškolske ustanove, Ministarstvo izdaje dozvolu za rad - licencu.
- (2) Visokoškolska ustanova se smatra osnovanom upisom u sudski registar, čime stiče status pravnog lica.

Član 25.**(Visokoškolska ustanova sa sjedištem izvan Kantona)**

- (1) Visokoškolska ustanova sa sjedištem izvan Kantona ili u drugoj državi može organizirati studij na području Kantona uz prethodnu saglasnost Vlade Kantona.
- (2) Na osnovu saglasnosti iz stava (1) ovog člana Ministarstvo utvrđuje da li su ispunjeni uslovi iz člana 23. ovog zakona.

Član 26.**(Periodično utvrđivanje uslova za rad)**

- (1) Ministarstvo najmanje jednom, u pet godina utvrđuje da li visokoškolska ustanova ispunjava uslove propisane ovim zakonom.
- (2) Ako Ministarstvo utvrdi da visokoškolska ustanova, odnosno, studijski program visokoškolske ustanove ne ispunjava uslove, utvrdit će rok za otklanjanje nedostataka koji ne može biti manji od jedne godine.
- (3) U roku iz stava (2) ovog člana ne može se vršiti upis studenata u prvu godinu studija u visokoškolskoj ustanovi, odnosno organizacionoj jedinici koja ne ispunjava uslove iz ovog zakona.
- (4) Ukoliko se u određenom roku nedostaci ne otklone, visokoškolskoj ustanovi ili njenom organizacionom dijelu koji ne ispunjavaju uslove iz ovog zakona, Ministarstvo će zabraniti obavljanje djelatnosti i o tome obavijestiti osnivača.
- (5) Pravosnažno rješenje o trajnoj zabrani rada Ministarstvo dostavlja osnivaču, nadležnom registarskom sudu i Agenciji za razvoj visokog obrazovanja i osiguranje kvaliteta (u daljem tekstu: Agencija), radi brisanja visokoškolske ustanove iz registra.

**POGLAVLJE II. STATUSNE PROMJENE I
PRESTANAK RADA****Član 27.****(Statusne promjene)**

- (1) Visokoškolska ustanova može, u skladu sa zakonom, proširiti, odnosno promijeniti djelatnost, naziv i sjedište, kao i vršiti statusne promjene: spajanje, pripajanje, podjelu i izdvajanje.
- (2) Prije donošenja odluke o statusnoj promjeni osnivač usvaja elaborat o opravdanosti statusne promjene.
- (3) Elaborat sadrži: opravdanost potrebe za statusnom promjenom, dužinu trajanja studija, okvirni nastavni plan i nastavni program, stručni naziv koji se stiče po završetku studija, ispunjavanje općih i posebnih uslova po standardima visokog obrazovanja i normativima, sredstva potrebna za ispunjavanje tih uslova i način njihovog osiguravanja.
- (4) Prijedlog elaborata osnivaču podnosi visokoškolska ustanova.

Član 28.**(Prestanak rada visokoškolske ustanove)**

- (1) Visokoškolska ustanova prestaje sa radom:
 - a) ako više ne postoji potreba za obavljanje djelatnosti visokoškolske ustanove;
 - b) ako prestanu da postoje uslovi za obavljanje djelatnosti visokoškolske ustanove;
 - c) ako je visokoškolskoj ustanovi izrečena mjera zabrane obavljanja djelatnosti, zbog toga što ne ispunjava uslove u skladu sa zakonom, a u roku određenom u izrečenoj mjeri nije ispunila te uslove;
 - d) ako se pravosnažnom odlukom suda utvrdi ništavnost upisa u sudski registar;
 - e) ako je u nemogućnosti da ispunjava zakonom propisane obaveze, a aktom o osnivanju nije utvrđena odgovornost osnivača za te obaveze;
 - f) ako se pripoji drugoj visokoškolskoj ustanovi, spoji sa drugom visokoškolskom ustanovom ili podijeli na dvije ili više visokoškolskih ustanova;
 - g) ako se organizira kao privredno društvo;
 - h) u drugim slučajevima određenim zakonom ili aktom o osnivanju.

(2) Akt o prestanku rada visokoškolske ustanove donosi osnivač.

(3) Aktom o prestanku rada visokoškolske ustanove utvrđuje se način zaštite prava korisnika usluga i druga pitanja od značaja za prestanak rada visokoškolske ustanove, u skladu sa zakonom i statutom visokoškolske ustanove.

(4) U slučaju prestanka rada javne visokoškolske ustanove osnivač je dužan zatečenim studentima omogućiti završetak započelih studija.

(5) Prije donošenja akta o prestanku rada javne visokoškolske ustanove iz razloga utvrđenih u tački a), b) i e) Vlada Kantona formira ekspertsku komisiju sa zadatkom da pripremi elaborat o opravdanosti prestanka rada javne visokoškolske ustanove.

Član 29.**(Obaveze nakon prestanka rada visokoškolske ustanove)**

Odgovornost osnivača je da u slučaju prestanka rada visokoškolske ustanove osigura trajno čuvanje javnih isprava, arhiva i druge dokumentacije u skladu sa zakonom.

DIO PETI - LICENCA I AKREDITACIJA**POGLAVLJE I. KRITERIJI ZA LICENCIRANJE****Član 30.****(Licenca)**

- (1) Licenca je dozvola za rad koju izdaje Ministarstvo i kojom se visokoškolskoj ustanovi dozvoljava pružanje usluga visokog obrazovanja.
- (2) Licencom se utvrđuje vrsta ustanove, akreditovani studijski programi, kao i stepeni i diplome koje se mogu dodjeljivati.
- (3) Kriterije iz stava (1) ovog člana donosi Ministarstvo na osnovu preporuke Agencije.

Član 31.**(Licenciranje)**

Visokoškolska ustanova može početi da radi i obavlja svoju djelatnost nakon dobijanja licence.

Član 32.**(Akreditacija)**

- (1) Akreditacija je proces kojim se na osnovu vanjske revizije i ocjene kvaliteta potvrđuje da je visokoškolska ustanova u svom radu i studijski program koji ona izvodi ispunila utvrđene standarde i kriterije.
- (2) Standarde i kriterije za akreditaciju donosi Agencija.
- (3) Stručnjake za ocjenu i reviziju kvaliteta određene visokoškolske ustanove, odnosno studijskog programa imenuje ministarstvo sa liste eksperata koju vodi Agencija.
- (4) U postupku akreditacije doktorskog studijskog programa utvrđuje se da li su ispunjeni uslovi za obavljanje naučnoistraživačkog, odnosno umjetničkog rada, u skladu sa zakonom.
- (5) Postupak akreditacije bliže se uređuje Pravilnikom koji donosi Ministarstvo.

POGLAVLJE II. POSTUPAK IZDAVANJA AKREDITACIJE**Član 33.****(Postupak izdavanja akreditacije)**

- (1) Zahtjev za akreditaciju visokoškolska ustanova, odnosno osnivač podnosi Ministarstvu najmanje šest mjeseci prije datuma za koji se traži akreditacija.

(2) U postupku akreditacije Ministarstvo može:

- a) izdati uvjerenje o akreditaciji visokoškolske ustanove, odnosno studijskog programa;
 - b) utvrditi nedostatke u pogledu ispunjavanja uslova, kvaliteta rada visokoškolske ustanove, odnosno studijskog programa i odrediti rok za otklanjanje navedenih nedostataka, s tim što po isteku roka odlučuje o zahtjevu;
 - c) donijeti rješenje kojim se zahtjev odbija.
- (3) Akreditacija po zahtjevu iz stava (1) ovog člana izdaje se najduže na pet godina, nakon čega se mora provesti ponovna akreditacija.
- (4) Ponovni zahtjev za akreditaciju može se podnijeti po isteku roka od godinu dana od donošenja rješenja kojim se zahtjev za akreditaciju odbija.

Član 34.**(Ovlaštenje akreditovane visokoškolske ustanove)**

- (1) Akreditovana i licencirana visokoškolska ustanova je jedina ovlaštena dodjeljivati akademske titule i zvanja i izdavati diplome navedene u rješenju o akreditaciji.
- (2) Neće se priznati akademske titule, stručna i naučna zvanja i diplome koje su izdale visokoškolske ustanove bez akreditacije i licence.

Član 35.**(Oduzimanje licence)**

- (1) Ako se na temelju inspekcijskog nadzora utvrdi da je visokoškolska ustanova prestala ispunjavati uslove iz licence i akreditacije, a uočeni propusti se ne mogu otkloniti bez ozbiljnih posljedica na kvalitet studija, Ministarstvo će na osnovu mišljenja i preporuka Agencije, rješenjem oduzeti licencu.
- (2) Ako se uočeni nedostaci mogu otkloniti Ministarstvo će ostaviti rok, ne duži od šest mjeseci, u kojem visokoškolska ustanova mora otkloniti uočene nedostatke.

POGLAVLJE III. SAMOVREDNOVANJE I OSIGURAVANJE KVALITETA**Član 36.****(Samovrednovanje i osiguravanje kvaliteta)**

- (1) Senat visokoškolske ustanove izrađuje i donosi dokument o politici osiguravanja kvaliteta i metode samovrednovanja za sva tri studijska ciklusa.

(2) Visokoškolske ustanove će razviti vlastite sisteme osiguravanja kvaliteta kako bi osigurali kvalitet i realizaciju svoje obrazovne misije.

(3) Visokoškolska ustanova sprovodi kontinuirano, po pravilu na kraju akademske godine, a najviše u intervalima od tri akademske godine, postupak samovrednovanja i ocjene kvaliteta svojih studijskih programa, nastave i uslova rada.

(4) Postupak iz stava (3) ovog člana visokoškolska ustanova, odnosno njene organizacione jedinice sprovode u skladu sa statutom, odnosno opštim aktom visokoškolske ustanove i metodama samovrednovanja koje utvrđuje senat.

(5) Izvještaj o samovrednovanju i ocjeni kvaliteta objavljuje se tako da bude dostupan akademskom osoblju i studentima u toj visokoškolskoj ustanovi.

(6) Na zahtjev Ministarstva, odnosno Agencije, visokoškolska ustanova dostavlja informaciju o postupku i rezultatima samovrednovanja i ocjene kvaliteta, kao i druge podatke od značaja za osiguranje kvaliteta.

Član 37.

(Interne evaluacije)

Visokoškolska ustanova izvodi periodične interne evaluacije u skladu sa trajanjem nastavnih ciklusa utvrđenih ovim zakonom i statutom.

Član 38.

(Uspostavljanje informacionog sistema)

(1) Visokoškolska ustanova uspostavlja informacioni sistem kojim se osigurava realizacija mjera politike osiguranja kvaliteta i stalni pristup informacijama o:

- a) progresu studenata i uspjehnosti;
- b) uposlenosti diplomiranih studenata;
- c) zadovoljstvu studenata nastavnim programima;
- d) efikasnosti nastavnog osoblja;
- e) strukturi studentske populacije;
- f) raspoloživim nastavnim resursima i njihovoj cijeni;
- g) indikatorima performansi ustanove;
- h) drugim elementima bitnim za osiguranje kvaliteta visokog obrazovanja.

(2) Za potrebe održavanja informacionog sistema, visokoškolska ustanova uspostavlja informatičku službu u skladu sa standardima i normativima.

Član 39.

(Misija visokoškolske ustanove)

Visokoškolska ustanova donosi, publikuje, i kontinuirano ažurira misiju, odnosno izjavu o misiji, kojom precizno i sažeto opisuje visokoškolsku ustanovu, definiše njen status, identifikuje postavljene ciljeve i politike, određuje način prilagođavanja organizacione strukture ustanove potrebama studenata i društvene zajednice, te daje naznake o načinu realizacije postavljenih ciljeva.

DIO ŠESTI - EVIDENCIJA, JAVNE ISPRAVE, REGISTAR

Član 40.

(Matične knjige i evidencije)

(1) Visokoškolska ustanova vodi matične knjige studenata i lica koja su završila prvi, drugi, odnosno treći ciklus visokog obrazovanja, stekla visoku stručnu spremu, stručni, naučni, odnosno umjetnički stepen magistra i naučni stepen doktora nauka, kao i evidencije o ispitima, o uspjehu studenata na kraju školske godine, o izdatim diplomama i dodacima diplomi kao i druge evidencije utvrđene općim aktima visokoškolske ustanove.

(2) Matične knjige i evidencije o izdatim diplomama i dodacima diplomi čuvaju se trajno.

(3) Bliži propis o načinu vođenja matičnih knjiga i evidencija o izdatim diplomama i dodacima diplomi donosi ministar.

(4) Općim aktima visokoškolske ustanove uređuje se način vođenja druge evidencije.

Član 41.

(Javne isprave)

(1) Na osnovu službene evidencije, visokoškolska ustanova izdaje javne isprave.

(2) Javne isprave u smislu stava (1) ovog člana su:

- a) diploma o stečenom stepenu stručne spreme i zvanju;
- b) dodatak diplomi o stepenu stručne spreme;
- c) diploma o stečenom naučnom stepenu magistra i naučnom stepenu doktora nauka;

- d) dodatak diplomu o stečenom stepenu magistra i naučnom stepenu doktora nauka;
- e) indeks;
- f) ispisnica;
- g) uvjerenje o diplomiranju;
- h) uvjerenje o položenim ispitima;
- i) uvjerenje o uspjehu u toku studija;
- j) uvjerenje o učešću u pojedinim oblicima stručnog usavršavanja i permanentnog obrazovanja;
- k) druge isprave u skladu sa zakonom.

(3) Indeks kao javna isprava može se izdati u vidu elektronske kartice.

(4) Bliži propis o sadržaju javnih isprava, osim diplome i dodatka diplomu, donosi ministar.

Član 42.

(Izdavanje javne isprave)

- (1) Kada se nastava ostvaruje na stranom jeziku, javne isprave se izdaju na obrascu koji je štampan dvojezično, s tim da student može zahtijevati izdavanje javne isprave odvojeno.
- (2) Na zahtjev studenta visokoškolska ustanova izdaje javnu ispravu o savladanom dijelu studijskog programa, koja sadrži podatke o nivou, prirodi i sadržaju studija, kao i o postignutim rezultatima.
- (3) Diploma se izdaje na jednom od službenih jezika države Bosne i Hercegovine i po zahtjevu na engleskom jeziku, a dodatak diplomu izdaje se na jednom od službenih jezika države Bosne i Hercegovine i na engleskom jeziku.

Član 43.

(Priznavanje inostranih kvalifikacija i perioda studija)

- (1) Za priznavanje inostranih visokoškolskih obrazovnih kvalifikacija i perioda studija nadležne su visokoškolske ustanove na području Kantona.
- (2) Priznavanje inostranih visokoškolskih obrazovnih kvalifikacija i perioda studija vrši se prema Pravilniku o priznavanju inostranih visokoškolskih obrazovnih kvalifikacija, koji donosi ministar Ministarstva.

Član 44.

(Ništavnost javnih isprava)

- (1) Diplomu, odnosno dodatak diplomu Ministarstvo oglašava ništavnim ako su izdati od neovlaštene ustanove ili su potpisani od neovlaštenog lica ili imalac diplome nije ispunio sve ispitne obaveze na način utvrđen zakonom i studijskim programom.
- (2) Visokoškolska ustanova oglašava ništavnom diplomu o stečenom akademskom nazivu magistra, ako utvrdi da završni rad nije rezultat samostalnog rada kandidata.
- (3) Visokoškolska ustanova oglašava ništavnom diplomu o stečenom naučnom nazivu doktora nauka, ako utvrdi da doktorska disertacija nije originalan naučni, odnosno umjetnički rezultat.

Član 45.

(Razlozi za ništavnost javnih isprava)

- (1) Javne isprave iz člana 41. ovog zakona, izdate od strane visokoškolske ustanove koja obavlja djelatnost visokog obrazovanja na području Kantona, a nema dozvolu za rad na području Kantona izdatu u skladu sa ovim zakonom, su ništavne.
- (2) Nadležna inspekcija za obrazovanje i nauku po službenoj dužnosti zabranjuje rad visokoškolskoj ustanovi koja obavlja djelatnost visokog obrazovanja na području Kantona suprotno odredbi stava (1) ovog člana.

Član 46.

(Registar)

- (1) Ministarstvo vodi evidenciju visokoškolskih ustanova (u daljem tekstu: registar).
- (2) Sadržaj i način vođenja registra propisuje ministar.

DIO SEDMI - STATUT VISOKOŠKOLSKE USTANOVE

Član 47.

(Statut visokoškolske ustanove)

- (1) Statut je osnovni akt visokoškolske ustanove kojim se uređuju pitanja značajna za obavljanje djelatnosti visokoškolske ustanove.
- (2) Statut donosi senat visokoškolske ustanove uz prethodno pribavljeno mišljenje Upravnog odbora.
- (3) Izmjene i dopune statuta vrše se odlukom, na način i u postupku predviđenom za njegovo donošenje.

Član 48.
(Sadržaj statuta)

Statut sadrži odredbe kojima se reguliraju sljedeća pitanja:

- a) organizacija visokoškolske ustanove;
- b) zastupanje i predstavljanje visokoškolske ustanove;
- c) pravila za izbor članova upravnog odbora;
- d) način organiziranja i izvođenje studija;
- e) pravila studiranja i prava studenata;
- f) izbor u nastavno-naučna, umjetničko-nastavna, naučna, istraživačka i saradnička zvanja;
- g) način implementacije Evropskog kreditnog transfer sistema (u daljem tekstu: ECTS);
- h) kriteriji za dodjelu akademskih titula;
- i) obaveze visokoškolske ustanove prema osnivaču;
- j) ovlaštenja visokoškolske ustanove u pravnom prometu;
- k) organizacija i nadležnosti organizacionih jedinica;
- l) statusne promjene, obrazovanje novih organizacionih jedinica i studijskih programa;
- m) ostvarivanje prihoda, upravljanje sredstvima i imovinom;
- n) akademska, finansijska i druga ovlaštenja organizacionih jedinica u pravnom prometu;
- o) organizaciju naučnoistraživačkog i umjetničkog rada;
- p) kriteriji za provođenje procesa evaluacije i objavljivanje rezultata provedene evaluacije;
- r) broj članova senata i način njihovog biranja;
- s) oblik i nivo učešća studenata u radu ustanove;
- t) način izjašnjavanja i donošenja odluka po pojedinim pitanjima, kao i preciziranje odluka koje se mogu donositi tajnim glasanjem;
- u) druga pitanja u skladu sa zakonom i osnivačkim aktom.

DIO OSMI - ORGANI VISOKOŠKOLSKE USTANOVE**Član 49.****(Organi visokoškolske ustanove)**

- (1) Organi Univerziteta su:
 - a) upravni odbor,
 - b) senat,
 - c) rektor.
- (2) Organi visoke škole su:
 - a) upravni odbor,
 - b) senat i
 - c) direktor.
- (3) Visokoškolska ustanova može imati i druge stručne organe za vođenje poslovanja ili nadzorne organe, čije se osnivanje, sastav i nadležnost uređuju osnivačkim aktom i statutom.
- (4) Osoba angažovana na visokoškolskoj ustanovi može obavljati najviše dvije rukovodne funkcije.
- (5) Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Član 50.**(Organi privatne visokoškolske ustanove)**

Nadležnost, broj, sastav, trajanje mandata, način izbora i razrješenja kao i način rada i odlučivanja organa privatne visokoškolske ustanove, uređuje se statutom, s tim što se mora obezbijediti odgovarajuće učešće predstavnika akademskog osoblja i studenata u donošenju odluka koje su od njihovog interesa.

Član 51.**(Upravni odbor)**

Organ upravljanja visokoškolskom ustanovom je upravni odbor.

Član 52.**(Sastav, broj i mandat upravnog odbora)**

- (1) Upravni odbor visokoškolske ustanove ima sedam članova i čine ga četiri predstavnika iz reda osnivača koje imenuje osnivač, te dva predstavnika iz reda stalno uposlenih i jedan predstavnik iz reda studenata koje imenuje senat u skladu sa statutom u javnoj i transparentnoj proceduri javnog konkursa.
- (2) Predsjednik upravnog odbora visokoškolske ustanove imenuje se iz reda osnivača.
- (3) U slučaju javne visokoškolske ustanove članove upravnog odbora iz reda osnivača imenuje Vlada Kantona u skladu sa odredbama Zakona o ministarskim, vladinim i drugim imenovanjima („Službene novine Federacije BiH“, broj: 12/03, 34/03 i 65/13), a dva predstavnika iz reda stalno uposlenih i jednog predstavnika iz reda studenata imenuje senat visokoškolske ustanove u javnoj i transparentnoj proceduri javnog konkursa u skladu sa statutom.
- (4) Mandat članova upravnog odbora je četiri godine.
- (5) Članovima upravnog odbora javne visokoškolske ustanove pripada naknada za rad u upravnom odboru u visini koju utvrdi Vlada Kantona.
- (6) Rektor, prorektori, rukovodioci organizacionih jedinica univerziteta i članovi senata visokoškolske ustanove ne mogu biti članovi upravnog odbora te visokoškolske ustanove.

Član 53.**(Razrješenje člana upravnog odbora)**

- (1) Osnivač razrješava člana upravnog odbora kojeg je imenovao i prije isteka mandata na koji je imenovan:
 - a) ako se utvrdi da je odgovoran za neuspješan ili nezakonit rad visokoškolske ustanove;
 - b) ako se utvrdi da ima lične ili druge interese koji su u suprotnosti sa interesima visokoškolske ustanove (sukob interesa);
 - c) ako svojim radom povrijedi ugled dužnosti koju obavlja;
 - d) na njegov lični zahtjev;
 - e) ako ne ispunjava dužnost člana upravnog odbora u skladu sa utvrđenim smjernicama ili uputama;
 - f) u drugim slučajevima utvrđenim zakonom, osnivačkim aktom i statutom.

(2) U slučaju javne visokoškolske ustanove člana upravnog odbora iz reda osnivača iz razloga nabrojanih u tačkama a), b), c), d), e) i f) stava (1) ovog člana razrješava Vlada Kantona.

(3) Razrješenje člana upravnog odbora visokoškolske ustanove kojeg imenuje senat bliže se uređuje statutom visokoškolske ustanove.

Član 54.**(Nadležnost upravnog odbora)**

Upravni odbor obavlja poslove utvrđene zakonom, aktom o osnivanju i statutom visokoškolske ustanove, a naročito:

- a) na prijedlog senata daje prethodno mišljenje na Statut visokoškolske ustanove,
- b) donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Kantona, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;
- c) donosi odluku o osnivanju drugih pravnih lica, u skladu sa zakonom i statutom visokoškolske ustanove;
- d) utvrđuje planove finansiranja i razvoja, uključujući i organizovanje novih organizacionih jedinica i studijskih programa;
- e) donosi godišnji program rada visokoškolske ustanove na prijedlog senata visokoškolske ustanove;
- f) donosi finansijski plan i usvaja godišnji obračun;
- g) usmjerava, kontrolira i ocjenjuje rad rektora, odnosno direktora u domenu finansijskog poslovanja;
- h) rješava pitanja odnosa sa osnivačem;
- i) odlučuje o korištenju sredstava za rad preko iznosa utvrđenog statutom visokoškolske ustanove;
- j) odlučuje o prigovoru zaposlenika na odluke organa visokoškolske ustanove koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- k) najmanje jedanput godišnje podnosi osnivaču izvještaj o poslovanju i rezultatima rada visokoškolske ustanove;

- l) donosi konačnu odluku o izboru i razrješenju direktora studentskog centra;
- m) obavlja i druge poslove u skladu sa zakonom, aktom o osnivanju i statutom.

Član 55.

(Sastav senata)

- (1) Senat je najviše akademsko tijelo koje čine predstavnici akademskog osoblja u visokoškolskoj ustanovi, kao i predstavnici studenata.
- (2) Broj članova, sastav i način rada senata utvrđuje se statutom visokoškolske ustanove.
- (3) Najmanje 15% članova senata su studenti, predstavnici sva tri studijska ciklusa, koje bira studentski predstavnički organ.

Član 56.

(Nadležnost senata)

- (1) Senat visokoškolske ustanove odlučuje o svim akademskim pitanjima, a posebno o pitanjima nastavne, naučne, umjetničke i stručne djelatnosti visokoškolske ustanove.
- (2) Senat visokoškolske ustanove:
 - a) donosi Statut visokoškolske ustanove uz prethodno pribavljeno mišljenje Upravnog odbora;
 - b) donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja i uopće o nastupanju visokoškolske ustanove, nastavnika, saradnika i studenata u pravnom prometu;
 - c) predlaže upravnom odboru godišnji program rada visokoškolske ustanove;
 - d) donosi opće akte u skladu sa ovim zakonom i statutom visokoškolske ustanove;
 - e) donosi nastavne planove i nastavne programe dodiplomskog, postdiplomskog i doktorskog studija;
 - f) bira i razrješava rektora univerziteta, direktora visoke škole, a prorektore na obrazloženi prijedlog rektora;

- g) donosi konačne odluke po prigovoru kandidata za izbor i razrješenje dekana i prodekana, kao i direktora instituta;

- h) bira akademsko osoblje na prijedlog naučno-nastavnog vijeća, odnosno vijeća organizacione jedinice;

- i) donosi konačne odluke po prigovoru kandidata za izbor u akademska zvanja;

- j) imenuje komisije u postupku stjecanja doktorata nauka;

- k) dodjeljuje počasno zvanje „profesor emeritus“, te „počasni doktor nauka“;

- l) daje inicijativu upravnom odboru za organiziranje i ukidanje fakulteta i drugih organizacionih jedinica univerziteta, kao i studijskih programa;

- m) odobrava razvojne i organizacione planove;

- n) imenuje stalna ili privremena tijela, radne grupe, komitete, grupe za praćenje kvaliteta rada i slično;

- o) propisuje odredbe kojima se regulira rad organa koje imenuje senat;

- p) utvrđuje upisnu politiku;

- r) obavlja druge poslove u skladu sa zakonom i statutom visokoškolske ustanove.

- (3) Senat ustanove odlučuje o akademskim pitanjima na prijedlog stručnih organa organizacionih jedinica kao i drugih organa visokoškolske ustanove i predstavničkih tijela studenata.

Član 57.

(Rektor univerziteta i direktor visoke škole)

- (1) Univerzitetom rukovodi rektor, a visokom školom direktor visoke škole, u skladu sa ovim zakonom i statutom visokoškolske ustanove.

- (2) Za rektora javnog univerziteta bira se nastavnik u naučno-nastavnom zvanju redovnog profesora koji ispunjava uslove za to zvanje na univerzitetu na kojem se prijavljuje.

Za direktora javne visoke škole bira se lice koje ispunjava uslove za nastavnika te visoke škole.

Član 58.**(Izbor rektora i direktora visoke škole)**

- (1) Rektora javnog univerziteta i direktora javne visoke škole bira i konačno imenuje senat na osnovu javnog konkursa na mandat od četiri godine, i može biti ponovo izabran.
- (2) Ista osoba se može imenovati na dva uzastopna mandata u istoj visokoškolskoj ustanovi.
- (3) Postupak izbora rektora javnog univerziteta i direktora javne visoke škole mora osigurati poštovanje principa zakonitosti, kvaliteta, otvorenosti i transparentnosti.
- (4) Postupak izbora i razrješenja, uslovi i kriteriji za izbor i razlozi razrješenja rektora javnog univerziteta i direktora javne visoke škole utvrđuju se osnivačkim aktom i statutom.

Član 59.**(Nadležnost rektora univerziteta i direktora visoke škole)**

- (1) Rektor univerziteta, odnosno direktor visoke škole obavlja poslove utvrđene zakonom i statutom, a naročito:
 - a) zastupa i predstavlja visokoškolsku ustanovu;
 - b) organizira i rukovodi radom visokoškolske ustanove i odgovoran je za zakonitost rada visokoškolske ustanove;
 - c) predlaže opće akte i donosi pojedinačne akte u skladu sa zakonom i statutom visokoškolske ustanove;
 - d) predlaže upravnom odboru i senatu mjere za unapređenje rada visokoškolske ustanove;
 - e) predlaže upravnom odboru mjere za efikasno i zakonito obavljanje djelatnosti visokoškolske ustanove;
 - f) predlaže upravnom odboru, senatu i osnivaču osnove planova rada i razvoja visokoškolske ustanove;
 - g) predlaže upravnom odboru unutrašnju organizaciju i sistematizaciju radnih mjesta;
 - h) predlaže imenovanje prorektora univerziteta;
 - i) izvršava odluke upravnog odbora, senata i drugih organa visokoškolske ustanove;

- j) odlučuje o korištenju sredstava do iznosa utvrđenog statutom visokoškolske ustanove;
- k) odlučuje o pravima, obavezama i odgovornostima zaposlenika iz radnog odnosa;
- l) podnosi upravnom odboru izvještaj o izvršenju finansijskog plana;
- m) naredbodavac je za izvršenje finansijskog plana;
- n) učestvuje u radu Rektorske konferencije Bosne i Hercegovine;
- o) obavlja i druge poslove u skladu sa zakonom, osnivačkim aktom i statutom visokoškolske ustanove.

- (2) Rektor ne može biti imenovan za predsjedavajućeg senata visokoškolske ustanove.

Član 60.**(Prorektor univerziteta)**

- (1) Prorektora na univerzitetu imenuje senat na obrazloženi prijedlog rektora i mandat izabranog prorektora vezan je za mandat rektora.
- (2) Prorektor pomaže u radu rektoru visokoškolske ustanove.
- (3) Prorektor može učestvovati u radu senata bez prava glasa.
- (4) Broj prorektora, uslovi i nadležnosti prorektora bliže se uređuju statutom visokoškolske ustanove.

Član 61.**(Odgovornost rektora univerziteta i direktora visoke škole)**

- (1) Rektor univerziteta, odnosno direktor visoke škole za svoj rad u domenu akademskih pitanja odgovara senatu, a u domenu poslovanja upravnom odboru.
- (2) Rektor, odnosno direktor jednom godišnje podnosi senatu i upravnom odboru izvještaj o svom radu.

Član 62.**(Razrješenje rektora, prorektora univerziteta i direktora visoke škole)**

- (1) Rektor, prorektor i direktor visoke škole prestaje mandat:
 - a) istekom perioda na koji je imenovan;
 - b) ostavkom;

- c) prijevremenim razrješenjem;
- d) izborom na neku drugu funkciju nespojivu sa funkcijom koju obavlja.
- (2) Senat donosi odluku o razrješenju rektora, prorektora i direktora visoke škole i prije isteka perioda na koji je izabran odnosno imenovan:
- a) ako bude pravosnažno osuđen za krivično djelo;
- b) ako ne izvršava zadatke predviđene zakonom i statutom ili ih izvršava protivno njima;
- c) prekorači ovlaštenja i time nanese štetu ugledu visokoškolske ustanove;
- d) zbog neopravdane odsutnosti ili spriječenosti da u neprekidnom periodu dužem od tri mjeseca obavlja dužnost;
- e) ako svojim ponašanjem povrijedi ugled institucije i funkcije koju obavlja.
- (3) Obrazložen prijedlog za razrješenje rektora i direktora visoke škole, zbog jednog ili više razloga navedenih u ovom članu, senatu može podnijeti:
- a) ministar u ime osnivača visokoškolske ustanove kao javne ustanove,
- b) osnivač visokoškolske ustanove kao ustanove,
- c) najmanje jedna trećina članova Upravnog odbora,
- d) najmanje jedna trećina članova senata,
- e) najmanje tri naučno-nastavna odnosno umjetnička vijeća organizacionih jedinica.
- (4) Obrazložen prijedlog za razrješenje prorektora zbog jednog ili više razloga navedenih u stavovima (1) i (2) ovog člana, senatu podnosi rektor.
- (5) Postupak razrješenja rektora, prorektora i direktora visoke škole uređuje se statutom visokoškolske ustanove u skladu sa ovim zakonom.

Član 63.

(Obustavljanje općeg i pojedinačnog akta)

- (1) Rektor univerziteta, odnosno direktor visoke škole obustavlja od izvršenja opći i pojedinačni akt donesen u visokoškolskoj ustanovi koji nije u saglasnosti sa ustavom ili je u suprotnosti sa zakonom i drugim propisima, kao i izvršavanje općeg i pojedinačnog akta

kojim se nanosi šteta visokoškolskoj ustanovi ili društvenoj zajednici i dužan je da o tome obavijesti Ministarstvo.

- (2) U slučaju nepostupanja ovlaštenih osoba iz stava (1) ovog člana, obaveza Ministarstva je da ukoliko u vršenju nadzora putem nadležne inspekcije utvrdi da su odluke koje donose organi visokoškolske ustanove protivne zakonu, iste poništi, odnosno obustavi od daljeg izvršenja.

DIO DEVETI - ORGANIZACIJA UNIVERZITETA

POGLAVLJE I. VRSTE I DEFINICIJE ORGANIZACIONIH JEDINICA

Odjeljak A. Vrste organizacionih jedinica i ovlaštenja u pravnom prometu

Član 64.

(Vrste organizacionih jedinica)

- (1) Univerzitet ima organizacione jedinice kao što su fakulteti, akademije, visoke škole ili naučnoistraživački instituti koji izvode nastavni, naučnoistraživački i umjetnički rad u jednom ili više obrazovnih i naučnih područja.
- (2) Radi komercijalizacije rezultata naučnoistraživačkog i umjetničkog rada, visokoškolska ustanova, kao i njene organizacione jedinice, uz saglasnost visokoškolske ustanove, mogu osnovati svoje organizacione jedinice, u čijem radu mogu učestvovati i studenti (centar za transfer tehnologija, inovacioni centar, naučno-tehnološki park, inženjerski biro, radionice, umjetnički sastavi, galerije, umjetnički performansi), kao i druge organizacione jedinice.
- (3) Organizacija i nadležnost organizacionih jedinica bliže se uređuje statutom visokoškolske ustanove.

Član 65.

(Organizacione jedinice univerziteta)

- (1) Fakultet je organizaciona jedinica univerziteta koja izvodi univerzitetske studije i razvija stručni i naučni rad u jednom ili više naučnih i stručnih područja.
- (2) Akademija je organizaciona jedinica univerziteta koja organizira i izvodi univerzitetske umjetničke studije, te razvija umjetničko stvaralaštvo i naučnoistraživački rad na području umjetnosti.

- (3) Naučni institut je naučnoistraživačka organizaciona jedinica univerziteta koja obavlja fundamentalna, primijenjena i razvojna istraživanja iz odgovarajućeg naučnog područja i stručnih oblasti.
- (4) Radi obezbjeđenja cjelovitosti studentskog standarda, univerzitet u svom sastavu može imati i studentski centar, kao organizacionu jedinicu.
- (5) Organizacione jedinice nemaju svojstvo pravnog lica.
- (6) Visokoškolska ustanova može na osnovu iskazanih opravdanih akademskih potreba imati i pridružene organizacione jedinice, kao i organizacione jedinice sa posebnim statusom, a što se bliže uređuje osnivačkim aktom ili statutom visokoškolske ustanove.
- (3) Sredstvima organizacione jedinice raspolaže rukovodilac te jedinice i bez njegove saglasnosti nije moguće raspolagati prihodima organizacione jedinice, u skladu sa zakonom, statutom i usvojenim finansijskim planom visokoškolske ustanove.
- (4) Statutom se reguliraju pitanja u vezi s otvaranjem trezorskog podračuna organizacione jedinice, način nastupa organizacionih jedinica na tržištu, način raspolaganja novčanim sredstvima koja se ostvare na tržištu, donacijama ili na drugi način van budžetskog finansiranja.

Odjeljak B. Organi organizacionih jedinica

Član 69.

(Organi organizacionih jedinica u sastavu univerziteta)

- (1) Organi fakulteta, akademije i visoke škole kao organizacionih jedinica univerziteta, su:
- naučno-nastavno, odnosno umjetničko-nastavno vijeće,
 - dekan.
- (2) Organizacione jedinice univerziteta iz stava (1) ovog člana mogu imati i druge organe u skladu sa statutom visokoškolske ustanove.

Član 66.

- (Osnivanje i izvođenje naučnih, stručnih i umjetničkih studija)**
- (1) Fakultet i umjetnička akademija mogu osnivati i izvoditi univerzitetske naučne, stručne, odnosno umjetničke studije u skladu sa zakonom.
- (2) Naučni institut u sastavu univerziteta može ostvarivati dio akreditovanih studijskih programa iz svih ciklusa studija na univerzitetu, u skladu sa statutom, odnosno općim aktom univerziteta.

Član 67.

(Uvođenje novog studija)

- (1) Fakulteti i akademije mogu se organizovati u visokoškolskoj ustanovi radi uvođenja novih studijskih programa u skladu sa standardima i normativima visokog obrazovanja.
- (2) Ukoliko se na fakultetu izvode studiji iz više obrazovnih i naučnih područja, organizuju se studijski programi za svako obrazovno i naučno područje.

Član 68.

(Ovlaštenja u pravnom prometu)

- (1) Organizaciona jedinica univerziteta može imati određena ovlaštenja u pravnom prometu, kao i poseban obračun rezultata poslovanja, u skladu sa osnivačkim aktom i statutom visokoškolske ustanove.
- (2) Organizacione jedinice iz stava (1) ovog člana, mogu istupati u pravnom prometu pod nazivom univerziteta u čijem su sastavu i svojim nazivom, u skladu sa statutom.

Član 70.

(Naučno-nastavno i umjetničko-nastavno vijeće)

- (1) Naučno-nastavno, odnosno umjetničko-nastavno vijeće je akademsko tijelo organizacione jedinice i čine ga svi nastavnici i po jedan predstavnik saradnika matičnih katedri te organizacione jedinice u radnom odnosu, nastavna baza organizacione jedinice, kao i izabrani studenti.
- (2) Rektor i prorektori visokoškolske ustanove su članovi naučno-nastavnog odnosno umjetničko-nastavnog vijeća one organizacione jedinice sa koje dolaze na tu poziciju.
- (3) Nastavnici i saradnici mogu biti u naučno-nastavnom vijeću samo jedne organizacione jedinice.
- (4) Naučno-nastavno, odnosno umjetničko-nastavno vijeće:
- predlaže nastavne planove i programe za sve studijske programe na toj organizacionoj jedinici;

- b) bira i razriješava dekana i prodekane fakulteta, odnosno umjetničke akademije i visoke škole kao organizacione jedinice univerziteta;
 - c) obrazuje komisije u postupku sticanja naučnog stepena magistra, imenuje mentora i usvaja izvještaje komisije za ocjenu i odbranu magistarskog rada;
 - d) odlučuje o prigovorima studenata na odluku dekana o pojedinačnim obavezama i odgovornostima;
 - e) obavlja i druge poslove u skladu sa zakonom i statutom visokoškolske ustanove.
- (5) Naučno-nastavno, odnosno umjetničko-nastavno vijeće ima predsjedavajućeg koji priprema i predsjedava sjednicama.
- (6) Predsjedavajući se bira iz reda članova naučno-nastavnog, odnosno umjetničko-nastavnog vijeća, s tim da dekan, prodekani, saradnici i studenti ne mogu biti imenovani za predsjedavajućeg.
- (7) Rad naučno-nastavnog, odnosno umjetničko-nastavnog vijeća biće ureden poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 71. (Dekan)

- (1) Dekan rukovodi radom i predstavlja i zastupa fakultet, akademiju ili visoku školu kao organizacionu jedinicu univerziteta, predlaže rektoru unutrašnju organizaciju i sistematizaciju radnih mjesta na fakultetu i ima sva prava i obaveze utvrđene osnivačkim aktom i statutom ustanove.
- (2) Dekan se bira na mandat od četiri godine i može biti ponovo izabran.
- (3) Ista osoba se može birati na dva uzastopna mandata u istoj organizacionoj jedinici.
- (4) Dekana bira naučno-nastavno, odnosno umjetničko-nastavno vijeće, a na osnovu javnog konkursa.
- (5) Postupak i kriteriji za imenovanje i razrješenje dekana bliže se uređuju statutom visokoškolske ustanove.
- (6) Dekanu prestaje mandat:
- a) istekom perioda na koji je imenovan;
 - b) ostavkom;

- c) prijevremenim razrješenjem;
- d) izborom na neku drugu funkciju nespojivu sa funkcijom dekana.

- (7) Naučno-nastavno, odnosno umjetničko-nastavno vijeće donosi odluku o razrješenju dekana i prije isteka perioda na koji je izabran odnosno imenovan:
- a) ako bude pravosnažno osuđen za krivično djelo;
 - b) ako ne izvršava zadatke predviđene zakonom i statutom ili ih izvršava protivno njima;
 - c) prekorači ovlaštenja i time nanese štetu ugledu visokoškolske ustanove, a što se preciznije uređuje statutom;
 - d) zbog neopravdane odsutnosti ili spriječenosti da u neprekidnom periodu dužem od tri mjeseca obavlja dužnost;
 - e) ako svojim ponašanjem povrijedi ugled funkcije dekana.

- (8) Obrazložen zahtjev za razrješenje dekana, zbog jednog ili više razloga navedenih u stavu (7) ovog člana, naučno-nastavnom, odnosno umjetničko-nastavnom vijeću može podnijeti osnivač visokoškolske ustanove kao ustanove, upravni odbor visokoškolske ustanove ili rektor visokoškolske ustanove.

Član 72. (Organi instituta)

- (1) Organi instituta kao organizacione jedinice univerziteta su direktor i naučno vijeće.
- (2) Institut može imati i druge organe u skladu sa statutom visokoškolske ustanove.
- (3) Naučno vijeće instituta čine šefovi podorganizacionih jedinica instituta i zaposlenici instituta izabrani u naučna zvanja ili u zvanje istraživača savjetnika.
- (4) Naučno vijeće u okviru svoje nadležnosti:
- a) predlaže senatu visokoškolske ustanove programe naučnoistraživačkog i stručnog rada instituta i programe stručnog usavršavanja;
 - b) imenuje komisije za pripremanje prijedloga za izbor u naučna i istraživačka zvanja;
 - c) utvrđuje prijedlog za izbor kandidata u naučna i istraživačka zvanja;

- d) bira direktora instituta na osnovu javnog konkursa;
- e) utvrđuje prijedlog za stručno usavršavanje u zemlji i inostranstvu;
- f) utvrđuje prijedlog za realizaciju praktične nastave;
- g) utvrđuje naučnoistraživačke projekte;
- h) utvrđuje strateške projekte za razvoj instituta;
- i) brine se o nabavci i održavanju naučnoistraživačke infrastrukture;
- j) obavlja i druge poslove u skladu sa statutom i drugim općim aktima visokoškolske ustanove.

- (5) Bliže odredbe o nadležnostima naučnog vijeća sadržane su u statutu visokoškolske ustanove.
- (6) Naučno vijeće ima predsjedavajućeg koji priprema i predsjedava sjednicama.
- (7) Predsjedavajući se bira iz reda članova vijeća, s tim da direktor ne može biti imenovan za predsjedavajućeg.
- (8) Rad vijeća biće uređen poslovníkom o radu kojeg donosi vijeće u roku od 30 dana od dana stupanja na snagu ovog zakona.

Član 73.

(Direktor instituta)

- (1) Organ rukovođenja naučnog instituta je direktor.
- (2) Direktor naučnog instituta obavlja poslove utvrđene zakonom i statutom visokoškolske ustanove, a naročito:
 - a) predstavlja institut i ima prava i obaveze u skladu sa statutom visokoškolske ustanove;
 - b) predlaže rektoru unutrašnju organizaciju i sistematizaciju radnih mjesta na institutu;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na institutu;
 - e) organizuje naučnoistraživački i stručni rad na institutu i predlaže mjere za njegovo poboljšanje;
 - f) za svoj rad odgovara vijeću instituta i rektoru, za rad iz domena finansijskog poslovanja odgovara rektoru.

- g) obavlja i druge poslove u skladu sa zakonom i statutom visokoškolske ustanove.

Član 74.

(Mandat direktora instituta)

- (1) Direktor se bira na mandat od četiri godine i može biti ponovo izabran.
- (2) Ista osoba se može imenovati na dva uzastopna mandata u tom naučnom institutu.
- (3) Za direktora instituta bira se lice koje pored općih zakonskih uslova ima naučni stepen doktora nauka i izbor u jedno od naučno-nastavnih zvanja (redovni profesor, vanredni profesor, docent), odnosno naučnih zvanja (naučni savjetnik, viši naučni saradnik, naučni saradnik), ukoliko ispunjava uslove za to zvanje na visokoškolskoj odnosno naučnoj ustanovi.
- (4) Direktora instituta bira naučno vijeće, a na osnovu javnog konkursa.
- (5) Bliže odredbe o postupku izbora i razrješenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

Član 75.

(Direktor studentskog centra)

- (1) Organ rukovođenja studentskog centra je direktor.
- (2) Direktor studentskog centra obavlja poslove utvrđene zakonom i statutom visokoškolske ustanove, a naročito:
 - a) predstavlja studentski centar i ima prava i obaveze u skladu sa statutom univerziteta;
 - b) predlaže rektoru unutrašnju organizaciju i sistematizaciju radnih mjesta u studentskom centru;
 - c) donosi pojedinačne akte u skladu sa zakonom i statutom visokoškolske ustanove;
 - d) odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u studentskom centru;
 - e) predlaže promjenu i proširivanje djelatnosti i organizacije studentskog centra;
 - f) predlaže mjere za poboljšanje i unapređenje procesa rada u studentskom centru;

- g) za svoj rad odgovara rektoru visokoškolske ustanove;
- h) obavlja i druge poslove u skladu sa zakonom i statutom visokoškolske ustanove.

Član 76.

(Mandat direktora studentskog centra)

- (1) Direktor se bira na mandat od četiri godine i može biti ponovo izabran.
- (2) Ista osoba može se imenovati na dva uzastopna mandata.
- (3) Direktora bira upravni odbor visokoškolske ustanove, a na osnovu javnog konkursa.
- (4) Za direktora centra bira se lice koje pored općih zakonskih uslova ima visoku stručnu spremu i najmanje tri godine radnog iskustva na odgovarajućim rukovodećim poslovima.
- (5) Bliže odredbe o postupku izbora i razrješenja, te razlozima za smjenu direktora centra prije isteka mandata, poslovima, odgovornostima i ostalim pitanjima koja se odnose na funkciju direktora sadržane su u statutu visokoškolske ustanove.

POGLAVLJE II. IZBOR U NAUČNO-NASTAVNA ZVANJA

Odjeljak A. Naučno-nastavna i umjetnička zvanja

Član 77.

(Naučno-nastavna i umjetnička zvanja)

- (1) Univerzitet dodjeljuje naučno-nastavna i umjetnička zvanja, i to:
 - a) redovni profesor;
 - b) vanredni profesor;
 - c) docent;
 - d) lektor;
 - e) viši asistent;
 - f) asistent.
- (2) Visoka škola dodjeljuje nastavna i umjetnička zvanja, i to:
 - a) profesor visoke škole;
 - b) predavač visoke škole;
 - c) asistent.

Član 78.

(Period na koji se bira akademsko osoblje)

- (1) Period na koji se bira akademsko osoblje na univerzitetu je:
 - a) asistent na period od četiri godine bez mogućnosti reizbora;
 - b) viši asistent na period od pet godina s mogućnošću ponovnog izbora isključivo ako postigne stepen trećeg ciklusa;
 - c) lektor na period od pet godina bez mogućnosti reizbora;
 - d) docent na period od pet godina s mogućnošću ponovnog izbora;
 - e) vanredni profesor na period od šest godina s mogućnošću ponovnog izbora;
 - f) redovni profesor trajno.

- (2) Redovni profesor zaključuje ugovor o radu na neodređeno vrijeme.

- (3) Period na koji se bira akademsko osoblje na visokoj školi je:

- a) asistent na period od četiri godine bez mogućnosti reizbora;
- b) predavač visoke škole na period od pet godina s mogućnošću ponovnog izbora;
- c) profesor visoke škole trajno.

Član 79.

(Način izbora akademskog osoblja)

- (1) Izbor akademskog osoblja vrši se javnim konkursom, u skladu sa kriterijima određenim zakonom, statutom visokoškolske ustanove i općeprihvaćenim standardima u datoj struci.
- (2) Konkurs iz stava (1) ovog člana obavezno se raspisuje za sva akademska zvanja, na način kojim se osigurava jednaka akademska konkurencija, bez bilo kakvih oblika diskriminacije u odnosu na postojeći radno-pravni status kandidata, i koji se objavljuje u najmanje jednom dnevnom listu, kao i na službenoj internet stranici visokoškolske ustanove.
- (3) Izuzetno, kada se nastava zbog nedostatka kadra ne može realizirati angažmanom nastavnika i saradnika koji je u radnom odnosu, visokoškolska ustanova može angažovati izabranog nastavnika, višeg asistenta ili asistenta, bez zasnivanja radnog odnosa radi održavanja nastave, u skladu sa statutom.

- (4) Sa licima iz stava (3) ovog člana visokoškolska ustanova zaključuje ugovor o realizaciji nastave u skladu sa općim aktom.
- (5) Konkurs za napredovanje nastavnika obavezno se raspisuje u više i isto zvanje, a akademsko osoblje visokoškolske ustanove koje ne zadovolji uslove za napredovanje u više zvanje (docent, vanredni profesor i redovni profesor) ima pravo na jedan reizbor u isto nastavničko odnosno saradničko zvanje (viši asistent isključivo ako postigne stepen trećeg ciklusa).
- (6) Sa nastavnikom i saradnikom koji nakon isteka izbornog perioda ne bude izabran u isto ili više zvanje, visokoškolska ustanova može, prije otkazivanja ugovora o radu, ponuditi članu akademskog osoblja zaključivanje novog ugovora o radu na poslovima za koje se ne traži izbor u akademsko zvanje ako za to postoji mogućnost i potreba.
- (7) U slučaju prvog izbora u akademsko zvanje nastavnik, asistent ili viši asistent je obavezan u roku od jedne godine od dana izbora dostaviti uvjerenje kojim se dokazuje da posjeduje minimum pedagoškog obrazovanja.
- (8) Visokoškolska ustanova minimum pedagoškog obrazovanja iz stava (7) ovog člana utvrđuje svojim statutom.

Odjeljak B. Prava i obaveze

Član 80.

(Prava i obaveze po pitanju akademskog izbora)

- (1) Nastavnik ne može biti biran u više naučno-nastavno, umjetničko-nastavno i nastavno zvanje prije isteka roka iz člana 78. ovog zakona.
- (2) Nastavnik koji je izabran u isto naučno-nastavno, odnosno umjetničko-nastavno zvanje (izbor u isto zvanje), koji ispuni uslove za izbor u više zvanje, može podnijeti inicijativu za pokretanje postupka za izbor u više zvanje i prije isteka roka iz člana 78. ovog zakona, pri čemu se uzimaju u obzir i ispunjeni uslovi od posljednjeg izbora.
- (3) Prijedlog za pokretanje postupka za izbor u više ili isto zvanje, prema senatu visokoškolske ustanove podnosi naučno-nastavno vijeće fakulteta, odnosno akademije, na osnovu zahtjeva katedre koja pokreće zahtjev prema naučno-nastavnom vijeću fakulteta, odnosno akademije, na osnovu pismenog zahtjeva nastavnika ili saradnika.

- (4) Komisija za pripremanje prijedloga za izbor dužna je dostaviti prijedlog u roku od 30 dana od imenovanja i isti dostaviti naučno-nastavnom vijeću fakulteta, odnosno umjetničko-nastavnom vijeću akademije.
- (5) Na osnovu prijedloga komisije naučno-nastavno vijeće utvrđuje prijedlog za izbor u daljem roku od 15 dana i dostavlja ga senatu univerziteta.
- (6) Senat univerziteta donosi odluku o izboru u roku od 30 dana od dana dostavljanja prijedloga uz navođenje pravne pouke nezadovoljnom kandidatu za izbor u akademsko zvanje.
- (7) Kandidat za izbor u naučno-nastavno i umjetničko-nastavno zvanje koji je nezadovoljan odlukom senata univerziteta može podnijeti zahtjev za preispitivanje odluke o izboru.
- (8) Zahtjev se podnosi senatu univerziteta u roku od 15 dana od dana prijema odluke o izboru.
- (9) Senat donosi odluku o izboru, najkasnije u roku od 30 dana od dana prijema zahtjeva za preispitivanje donesene odluke o izboru, nakon čega je osigurana redovna sudska nadležnost.

Član 81.

(Registar časopisa i zbornika)

- (1) Senat visokoškolske ustanove formira registar časopisa i zbornika sa naučnih skupova koji se koristi pri izboru u naučno-nastavna i umjetničko-nastavna zvanja.
- (2) Način upisa u registar časopisa i zbornika radova visokoškolske ustanove bliže se reguliše pravilnikom i procedurama za izbor i napredovanje nastavnika i saradnika koji donosi senat.
- (3) Pri ocjeni validnosti publikacija vodi se računa o međunarodnom ugledu, referentnosti, načinu recenzija radova i drugim relevantnim pokazateljima.

Član 82.

(Reference za izbor u zvanja)

- (1) Pod priznatom publikacijom za izbor u naučno-nastavna zvanja podrazumijeva se naučni časopis, zbornik radova sa konferencije u štampanoj ili elektronskoj formi koji su upisani u Registar iz člana 81. ovog zakona.
- (2) Pod objavljenom knjigom u smislu ovog zakona podrazumijeva se tematski cjelovit i kompaktan recenziran naučni ili stručni sadržaj u štampanoj ili elektronskoj formi koji:

- a) obrađuje tematiku iz naučne oblasti za koju se vrši izbor;
- b) je dobio najmanje dvije afirmativne recenzije;
- c) je katalogiziran, odnosno da ima ISBN broj.
- b) vanredni profesor: proveden najmanje jedan izborni period u zvanju docenta, završen stepen najmanje prvog ciklusa, veći broj javno predstavljenih umjetničkih projekata, priznanja za uspješno djelovanje u odgovarajućoj oblasti i rezultati u nastavnom radu;

Odjeljak C. Uslovi za izbor

Član 83.

(Uslovi za izbor u naučno-nastavna zvanja)

Uslovi za izbor akademskog osoblja u naučno-nastavna zvanja na visokoškolskoj ustanovi su:

- a) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanrednog profesora, te uspješno mentorstvo ili komentorstvo kandidata za stepen drugog i trećeg ciklusa;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, te mentorstvo kandidata za stepen drugog ciklusa;
- c) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- d) lektor: završen stepen drugog ciklusa (magisterij);
- e) viši asistent: završen stepen drugog ciklusa (magisterij), i
- f) asistent: završen studij prvog ciklusa sa 240 ECTS bodova ili studij drugog ciklusa, sa prosječnom ocjenom ne manjom od 8,00 ili 3,50.

Član 84.

(Uslovi za izbor u umjetničko-nastavna zvanja)

Uslovi za izbor u umjetničko-nastavna zvanja u koja se bira akademsko osoblje na studijskim profilima na univerzitetu, su:

- a) redovni profesor: prethodno proveden najmanje jedan izborni period u zvanju vanrednog profesora, završen stepen najmanje prvog ciklusa, veći broj javno predstavljenih umjetničkih projekata koji su doprinijeli razvoju kulture i umjetnosti i dali doprinos podizanju nivoa nastavnog i umjetničkog kadra;

c) docent: završen stepen najmanje prvog ciklusa, veći broj javno predstavljenih umjetničkih projekata i rezultati u nastavnom radu;

d) viši asistent: završen stepen najmanje prvog ciklusa i javno predstavljeni umjetnički projekti;

e) asistent: završen stepen prvog ciklusa s najmanje 240 ECTS bodova i prosječnom ocjenom 8 ili 3,5.

Član 85.

(Uslovi za izbor u nastavna zvanja na visokoj školi)

(1) Minimalni uslovi za izbor u nastavna zvanja na visokoj školi su:

a) profesor visoke škole: završen stepen trećeg ciklusa i pokazana nastavna sposobnost;

b) predavač visoke škole: završen stepen drugog ciklusa i pokazana nastavna sposobnost;

c) asistent: završen stepen prvog ciklusa, s najmanjom prosječnom ocjenom 8 ili 3,5.

(2) Na visokoj školi nastavu mogu izvoditi i lica koja imaju zvanja redovnog profesora, vanrednog profesora i docenta, birana na univerzitetima.

Član 86.

(Uslovi za izbor u umjetnička zvanja na visokoj školi)

Minimalni uslovi za izbor u umjetnička zvanja na visokoj školi su:

a) profesor visoke škole: nakon sticanja zvanja predavača, završen stepen najmanje prvog ciklusa, istaknuti javno predstavljeni oblici umjetničkog stvaralaštva i pokazana nastavna sposobnost;

b) predavač visoke škole: u periodu od posljednjeg izbora, završen stepen najmanje prvog ciklusa, javno predstavljeni oblici umjetničkog stvaralaštva i pokazana nastavna sposobnost;

c) asistent: završen stepen prvog ciklusa, s najmanjom prosječnom ocjenom 8 ili 3,5.

Član 87.**(Izvođenje nastave na umjetničko-nastavnim predmetima)**

Na visokoj školi nastavu mogu izvoditi i lica koja imaju izbor na umjetničko-nastavnim predmetima na univerzitetima.

DIO DESETI - RADNI ODNOSI**Član 88.****(Zasnivanje radnog odnosa u javnoj visokoškolskoj ustanovi)**

- (1) Radni odnos u javnoj visokoškolskoj ustanovi zasniva se putem javnog konkursa, odnosno javnog oglasa.
- (2) Nenastavno osoblje (radnici za obavljanje drugih poslova osnovne djelatnosti visokoškolske ustanove, administrativnih, tehničkih, pomoćno-tehničkih i pomoćnih poslova) može putem internog oglasa napredovati na neposredno više radno mjesto ili platni razred u okviru iste stručne spreme pod uslovima i na način utvrđen općim aktima visokoškolske ustanove.
- (3) Svi radnici visokoškolske ustanove obavljaju ljekarske sistematske preglede prije početka nastave za tu akademsku godinu.
- (4) Podaci o zdravstvenom stanju radnika se koriste u skladu sa važećim propisima zaštite ličnih podataka.
- (5) Sredstva za obavljanje ljekarskog pregleda iz stava (3) ovog člana obezbjeđuje visokoškolska ustanova.
- (6) Kriteriji, postupak i druga pitanja zasnivanja radnog odnosa i obavljanja ljekarskih pregleda u javnoj visokoškolskoj ustanovi uređuju se općim aktom visokoškolske ustanove.

Član 89.**(Dodatno radno angažovanje)**

- (1) Nastavnik, odnosno saradnik može zaključiti ugovor kojim se angažuje na drugoj visokoškolskoj ustanovi ili kod drugog pravnog lica samo ako takav rad ne remeti normirani oblik rada i sedmični fond sati u visokoškolskoj ustanovi kod koje je u radnom odnosu, niti bi dovodio do sukoba interesa, a uz prethodno odobrenje visokoškolske ustanove sa kojom ima zasnovan radni odnos.
- (2) Prethodno odobrenje za angažman nastavnika i saradnika daje senat visokoškolske ustanove.

- (3) Općim aktom visokoškolske ustanove bliže se propisuju uslovi i postupak za davanje i oduzimanje odobrenja iz stava (1) ovog člana.

Član 90.**(Plaćeno odsustvo)**

Akademskom osoblju visokoškolske ustanove, može se odobriti plaćeno odsustvo u trajanju do dva semestra radi naučnog, stručnog ili umjetničkog usavršavanja, u skladu sa statutom visokoškolske ustanove.

Član 91.**(Mirovanje radnog odnosa)**

Pored razloga utvrđenih zakonom, nastavniku i saradniku u visokoškolskoj ustanovi se može odobriti neplaćeno odsustvo, u trajanju do jedne godine za koji period mu miruju prava i obaveze iz radnog odnosa, u slučajevima utvrđenim statutom visokoškolske ustanove.

Član 92.**(Mirovanje prava za izbor u naučna zvanja)**

- (1) Nastavniku i saradniku koji je na neplaćenom odsustvu, porodiljskom odsustvu i odsustvu radi njege djeteta, bolovanju preko tri mjeseca, kao i imenovanim na javnu funkciju u organima vlasti za vrijeme obavljanja javne funkcije i u drugim slučajevima utvrđenim zakonom, rokovi za izbor u naučna zvanja miruju i ne uračunavaju se u izborni period, ukoliko je to za njega povoljnije.
- (2) Izuzetno, za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, asistent i viši asistent mogu produžiti izborni period, a najduže 36 mjeseci od dana isteka izbornog perioda, o čemu konačnu odluku donosi senat visokoškolske ustanove.

Član 93.**(Penzionisanje nastavnika i radnika iz reda nenastavnog osoblja)**

- (1) Nastavniku prestaje radni odnos na visokoškolskoj ustanovi na kraju akademske godine u kojoj navršava 68 godina života.
- (2) Radniku iz reda nenastavnog osoblja visokoškolske ustanove prestaje radni odnos na kraju kalendarske godine u kojoj navršava 65 godina života.
- (3) Izuzetno iz stava (1) i stava (2) ovog člana, nastavnik ili radnik iz reda nenastavnog osoblja može biti penzionisan na vlastiti zahtjev, ako ispunjava uslove za starosnu, prijevremenu i invalidsku penziju propisane Zakonom o penzijskom i invalidskom osiguranju („Službene novine Federacije Bosne i Hercegovine“, broj: 13/18, 93/19 - odluka US, 90/21 i 19/22).

Član 94.**(Zaštita prava akademskog osoblja i drugog osoblja)**

- (1) Zaštita prava akademskog i drugog osoblja na visokoškolskoj ustanovi ostvaruje se u skladu sa zakonom, statutom i drugim aktima visokoškolske ustanove.
- (2) U pogledu prava i obaveza iz radnog odnosa akademskog i drugog osoblja u visokoškolskoj ustanovi primjenjuju se odredbe Zakona o radu, ako ovim zakonom nije drugačije uređeno.

DIO JEDANAESTI - STUDENTI**POGLAVLJE I. UPIS STUDENATA, UPISNA POLITIKA, KRITERIJI****Odjeljak A. Upis studenata****Član 95.****(Upis studenata)**

- (1) Na odobrene, odnosno akreditovane studijske programe upisuju se kandidati pod uslovima utvrđenim zakonom i općim aktom visokoškolske ustanove.
- (2) Studenti ostvaruju prava i izvršavaju obaveze u toku studija u skladu sa zakonom, statutom i drugim općim aktima visokoškolske ustanove.

Član 96.**(Indeks)**

- (1) Lice koje se upiše na studijske programe stiče status studenta i visokoškolska ustanova mu izdaje indeks.
- (2) Sadržaj i oblik indeksa propisuje ministar.

Član 97.**(Ugovor)**

- (1) Studenti koji su primljeni i upisani u visokoškolsku ustanovu stupaju u ugovorni odnos sa tom ustanovom, odnosno fakultetom ili umjetničkom akademijom i drugim organizacionim jedinicama univerziteta u skladu sa zakonom, podzakonskim aktima i statutom.
- (2) Visokoškolska ustanova i student zaključuju ugovor u pismenoj formi.
- (3) Bitni elementi ugovora utvrđuju se statutom.

Član 98.**(Upisna politika)**

- (1) Upisnom politikom definiraju se uslovi, procedure i kriteriji za prijem studenata svih studijskih ciklusa na visokoškolsku ustanovu.
- (2) Na temelju upisne politike visokoškolska ustanova će osigurati sljedeće:
 - a) propisati pravila i procedure za prijem i upis studenata na osnovu kriterija koji će obezbijediti transparentne i jasno definirane uslove za upis;
 - b) osigurati promotivni materijal sa relevantnim sadržajem, tačnim podacima koji se odnose na vrijeme upisa, koji će biti dostupan zainteresiranim kandidatima;
 - c) osigurati transparentnost procedura selekcije kandidata za upis, pažljivo i efikasno provođenje istih, vodeći računa o povjerljivosti podataka o studentima;
 - d) osigurati da potencijalni kandidati budu obaviješteni o svim informacijama relevantnim za prijem i upis;
 - e) osigurati da odabrani studenti budu obaviješteni o svim značajnijim promjenama od vremena kada je objavljen konkurs za upis, kao i da studenti budu obaviješteni o svim opcijama koje imaju na raspolaganju u datim okolnostima;
 - f) upoznati studente koji su uspješno prošli prijemne procedure o pravilima upisa, mogućnostima koje se pružaju studentima kao podrška učenju ili poboljšanju studentskog standarda.

Član 99.**(Kriteriji za odabir kandidata)**

- (1) Upis na studij obavlja se na osnovu javnog konkursa koji sadrži: uslove za upis, broj mjesta za upis, postupak, podatke o ispravama koje se podnose, kao i rokovima za podnošenje prijava.
- (2) Visokoškolska ustanova utvrđuje postupak odabira kandidata i kriterije na osnovu kojih se vrši klasifikacija i odabir kandidata za upis.
- (3) Kandidat za upis na studij prvog ciklusa polaže prijemni ispit ili ispit za provjeru sklonosti i sposobnosti, u skladu sa općim aktom visokoškolske ustanove.

Član 100.**(Upis stranih državljana i lica bez državljanstva)**

Strani državljanin i lice bez državljanstva može se upisati na studijske programe pod istim uslovima kao i domaći državljanin, u skladu sa ovim zakonom i statutom visokoškolske ustanove.

Odjeljak B. Prava i obaveze studenata**Član 101.****(Prava studenata)**

(1) Studenti imaju sljedeća prava:

- a) prisustvovanje svim predavanjima, seminarima i drugim oblicima nastave organiziranim u okviru njihovih predmeta u skladu sa njihovim statusom i zavisno od mogućnosti i drugih oblika organizirane nastave;
- b) na konsultacije i mentorski rad;
- c) na završetak studija u kraćem roku;
- d) izjašnjavanje o kvaliteti nastave i nastavnika;
- e) pritužbi u slučaju povrede studentskih prava utvrđenih zakonom, statutom ili drugim općim aktom visokoškolske ustanove;
- f) korištenje biblioteke i drugih usluga za studente;
- g) učestvovanje na izborima za studentska mjesta u studentskim predstavničkim tijelima i drugim tijelima ustanovljenim u skladu sa statutom visokoškolske ustanove;
- h) na blagovremeno i tačno informiranje o svim pitanjima koja se odnose na studije;
- i) na samoorganiziranje i izražavanje vlastitog mišljenja;
- j) na ravnopravnost u pogledu uslova studija i tretmana u visokoškolskoj ustanovi, kao i na povlastice koje nosi status studenta;
- k) na različitost i zaštitu od diskriminacije;
- l) na priznavanje i prijenos bodova između visokoškolskih ustanova u Bosni i Hercegovini;
- m) iznijeti svoja viđenja u pogledu kvaliteta nastave ili drugih usluga visokoškolske ustanove;
- n) druga prava utvrđena statutom i drugim općim aktima visokoškolske ustanove.

(2) Visokoškolska ustanova je dužna organizirati studentske i druge službe na način ažurnog, stručnog i kvalitetnog pružanja usluga studentima i dostupnosti istih u toku radnog vremena visokoškolske ustanove.

(3) Način ostvarivanja prava studenata bliže se uređuje statutom.

Član 102.**(Obaveze studenata)**

Studenti imaju sljedeće obaveze:

- a) pridržavati se pravila koje je propisala visokoškolska ustanova;
- b) ispunjavati nastavne i druge obaveze;
- c) ukazivati dužno poštovanje prema pravima osoblja i drugih studenata u visokoškolskoj ustanovi;
- d) ukazivati dužnu i punu pažnju svom studiju i učestvovati u akademskim aktivnostima.

Član 103.**(Sadržaj statuta u odnosu na studente)**

Statut visokoškolske ustanove obavezno sadrži odredbe koje:

- a) osiguravaju slobodu studenata da, u skladu sa zakonom, ispituju i testiraju primljena znanja i da nude nove ideje i kontroverzna i nepopularna mišljenja, a da se time ne izlažu opasnosti od gubitka svog statusa ili bilo koje druge privilegije koju, eventualno u visokoškolskoj ustanovi uživaju;
- b) osiguravaju, u skladu sa zakonom, slobodu govora, organiziranja i okupljanja studenata;
- c) štite studente od diskriminacije prema bilo kom osnovu kao što je spol, rasa, seksualna orijentacija, fizički ili drugi nedostatak, bračno stanje, boja kože, jezik, vjeroispovijest, političko ili drugo mišljenje, nacionalno, etničko ili socijalno porijeklo, veza s nekom nacionalnom zajednicom, imovina, rođenje, starosna dob ili neki drugi status;
- d) pružaju pravične i nepristrasne mehanizme rješavanja pitanja disciplinske odgovornosti studenata.

Član 104.**(Disciplinska odgovornost studenta)**

(1) Student odgovara za povredu obaveze koja je u vrijeme izvršenja bila utvrđena općim aktom visokoškolske ustanove.

- (2) Za težu povredu obaveze studentu se može izreći i mjera isključenja sa studija na visokoškolskoj ustanovi.
- (3) Disciplinski postupak ne može se pokrenuti po isteku šest mjeseci od dana saznanja za povredu obaveze i počinioca, a najkasnije 12 mjeseci od dana kada je povreda učinjena.
- (4) Općim aktom visokoškolske ustanove utvrđuju se teže i lakše povrede obaveze, disciplinski organi i postupak za utvrđivanje odgovornosti studenta.

Član 105.

(Pravo na sudsku zaštitu)

Studenti imaju pravo pred nadležnim sudom osporiti sve konačne odluke visokoškolske ustanove, koje se na njih odnose.

Član 106.

(Osiguranje adekvatnih uslova osobama sa posebnim obrazovnim potrebama)

Visokoškolska ustanova će osigurati adekvatne uslove za pristup studiju, studiranje i rad osoba sa posebnim obrazovnim potrebama.

Odjeljak C. Prestanak statusa studenata

Član 107.

(Prestanak statusa studenta)

- (1) Status studenta prestaje završetkom studijskog programa i dobivanjem stepena za koji se školuje, ispisom iz visokoškolske ustanove prije završetka studija, odnosno kada student ne upiše narednu godinu studija, ne obnovi upis u istu godinu u propisanom roku, a ne miruju mu prava i obaveze studenta.
- (2) Status redovnog studenta prestaje:
- ako visokoškolska ustanova redovnom studentu izrekne disciplinsku mjeru prestanka statusa redovnog studenta u postupku utvrđenom općim aktom visokoškolske ustanove;
 - kada redovni student dva puta obnovi istu studijsku godinu i ne stekne uslove za upis u višu godinu studija;
 - ako redovni student prvog ciklusa studija zasnjuje radni odnos.
- (3) Prestankom statusa studenta prestaje njegovo članstvo u organima visokoškolske ustanove bez obzira na mandat.

Član 108.

(Pojedinačna prava i obaveze studenata i primjena Zakona o upravnom postupku)

- (1) Visokoškolska ustanova rješava o pojedinačnim pravima i obavezama studenta, a naročito o:
- upisu kandidata u prvu godinu studija;
 - upisu studenta u narednu godinu studija;
 - pravu studenta na izdavanje diplome;
 - mjeri isključenja;
 - obavezi plaćanja troškova studija,
 - drugim slučajevima utvrđenim zakonom.
- (2) Kada se rješava o pravima i obavezama studenata iz stava (1) ovog člana visokoškolska ustanova postupa po Zakonu o upravnom postupku („Službene novine Federacije BiH“, broj: 2/98 i 48/99).

POGLAVLJE II. STUDENTSKI PREDSTAVNIČKI ORGAN

Član 109.

(Studentski predstavnički organ)

- (1) Studenti svoje interese ostvaruju organizirani kroz studentski predstavnički organ.
- (2) Studentski predstavnički organ univerziteta čine izabrani predstavnici studenata fakulteta, visokih škola i akademija univerziteta iz sva tri studijska ciklusa.
- (3) Studentski predstavnički organ visoke škole čine predstavnici studenata iz svih studijskih programa i svih studijskih godina.
- (4) Statut ili drugi akt visokoškolske ustanove obavezno sadrži odredbe o načinu, izboru i broju članova studentskog predstavničkog tijela.
- (5) Studentski predstavnički organ radi po principu reprezentativnosti, na način da se osigura adekvatno proporcionalno zastupanje studenata u skladu sa stavovima (2) i (3) ovog člana.

Član 110.

(Izbor i razrješenje studentskih predstavnika)

- (1) Studentske predstavnike u organe visokoškolske ustanove bira i razrješava predstavnički organ.

(2) Studentski predstavnički organ zastupa interese studenata i daje doprinos društvenim, kulturnim, akademskim ili fizičko-rekreativnim potrebama studenata na osnovu demokratskih principa i u skladu sa zakonom.

(3) Studentski predstavnički organi mogu osnovati ili pristupiti asocijaciji studentskih predstavničkih organa u Bosni i Hercegovini, putem kojih se ostvaruje članstvo u međunarodnim organizacijama i asocijacijama studenata.

Član 111.

(Saradnja visokoškolskih ustanova)

Saradnja visokoškolske ustanove sa drugim studentskim udruženjima, organizacijama i asocijacijama koje okupljaju studente odvija se preko univerzitetskog studentskog predstavničkog organa ili studentskog predstavničkog organa visoke škole.

Član 112.

(Uređivanje rada studentskog predstavničkog organa)

(1) Studentski predstavnički organ donosi poslovnik o radu, kojim se uređuje način rada studentskog predstavničkog organa.

(2) Studenti obavezno učestvuju u donošenju akata kojima se uređuje rad studentskog predstavničkog organa i druga pitanja koja se tiču prava, obaveza i odgovornosti studenata.

Član 113.

(Stalno stručno usavršavanje)

(1) Stalne i povremene oblike stručnog usavršavanja organizira visokoškolska ustanova putem organizacionih jedinica.

(2) Program stručnog usavršavanja donosi senat na svoju inicijativu ili na prijedlog naučno-nastavnog vijeća fakulteta, odnosno nastavno-umjetničkog vijeća akademije.

(3) O učešću u pojedinim oblicima stručnog usavršavanja kandidatu se izdaju odgovarajuća uvjerenja.

DIO DVANAESTI - VISOKOOBRAZOVNA DJELATNOST

POGLAVLJE I. NAČIN STUDIRANJA, CIKLUSI STUDIRANJA, STUDIJSKI PROGRAMI

Odjeljak A. Način studiranja

Član 114.

(Način studiranja)

(1) Visoko obrazovanje može se sticati redovno, vanredno, učenjem na daljinu ili kombiniranjem ova tri načina studiranja, na način utvrđen statutom.

(2) Visokoškolska ustanova odnosno njene organizacione jedinice u okviru svoje djelatnosti mogu obavljati naučnoistraživačku, umjetničku, ekspertsko-konsultantsku i izdavačku djelatnost, a mogu da obavljaju i druge poslove iz naučnog, stručnog, istraživačkog i umjetničkog rada, pod uslovom da se tim poslovima ne ugrožava kvalitet nastave.

(3) Visokoškolska ustanova odnosno fakultet, umjetnička akademija i visoka škola kao organizaciona jedinica u okviru svoje djelatnosti može realizirati programe cjeloživotnog učenja van okvira studijskih programa za koje je dobila dozvolu za rad, na način utvrđen općim aktom visokoškolske ustanove.

(4) Lice koje je upisano na program iz stava (3) ovog člana nema status studenta i nakon uspješno savladanog programa izdaje mu se uvjerenje.

Član 115.

(Organizacija predavanja nastave za studente)

(1) Visokoškolska ustanova je dužna organizirati predavanja i druge oblike nastave za sve studente, osim pri organiziranju studijskog programa na daljinu, u skladu sa općim aktom visokoškolske ustanove.

(2) Bliže uslove i način organiziranja studijskog programa na daljinu propisuje ministar.

Član 116.

(Informiranje studenata o održavanju nastave)

(1) Visokoškolska ustanova je dužna na odgovarajući način informirati studente o:

a) načinu, vremenu i mjestu održavanja nastave;

b) ciljevima, metodama i sadržajima nastave;

- c) sadržajima, metodama, kriterijima i mjerilima ispitivanja;
 - d) načinu obezbjeđenja javnosti na ispitu i načinu uvida u rezultate;
 - e) kao i o drugim pitanjima od značaja za studente.
- (2) Način informiranja studenata o pitanjima iz stava (1) ovog člana bliže se uređuje općim aktom visokoškolske ustanove.

Član 117.

(Angažman studenata)

- (1) Zbir od 60 ECTS bodova odgovara prosječnom ukupnom angažmanu studenta u obimu 40-satne radne sedmice tokom jedne školske godine.
- (2) Ukupno angažiranje studenta sastoji se od nastave (predavanja, vježbe, praksa, seminari i drugo), samostalnog rada, kolokvija, ispita, izrade završnih radova, dobrovoljnog rada u lokalnoj zajednici i ostalih vidova angažiranja.

Odjeljak B. Ciklusi studiranja

Član 118.

(Ciklusi studiranja)

- (1) Visoko obrazovanje organizuje se u tri ciklusa:
 - a) prvi ciklus ili dodiplomski studij vodi do akademskog zvanja završenog dodiplomskog studija (the degree of Bachelor) ili ekvivalenta, stečenog nakon najmanje tri i najviše četiri godine redovnog studija nakon sticanja svjedočanstva o završenoj srednjoj školi, koji se vrednuje sa najmanje 180 odnosno 240 ECTS bodova;
 - b) drugi ciklus ili postdiplomski studij vodi do akademskog zvanja magistra ili ekvivalenta, stečenog nakon završenog dodiplomskog studija i traje jednu ili dvije godine, a vrednuje se sa 60, odnosno 120 ECTS bodova, i to tako da u zbiru sa prvim ciklusom nosi 300 ECTS bodova;
 - c) treći ciklus vodi do akademskog zvanja doktora ili ekvivalenta, traje tri godine, i vrednuje se sa 180 ECTS bodova.
- (2) Jedan semestar studija vrednuje se sa 30 ECTS bodova.

- (3) Iz odredbi stava (1) ovog člana izuzima se studij medicinske grupe nauka u prvom ciklusu koji se vrednuje za farmaciju sa 300 ECTS bodova, a za medicinu sa 360 ECTS bodova.

Član 119.

(Akademske titule i stručna zvanja)

- (1) Završetkom određenog ciklusa studija stiče se pravo na akademsku titulu, odnosno stručno zvanje u određenoj oblasti, u skladu sa Okvirnim zakonom i Pravilnikom o korištenju akademskih titula, te sticanju naučnih i stručnih zvanja, koji donosi ministar Ministarstva.
- (2) Izuzev zvanja koja se dodjeljuju u smislu stava (1) ovog člana, u vidu počasnog doktorata nauka (honoris causa), ne mogu se dodjeljivati zvanja koja nisu predviđena zakonom i Pravilnikom o korištenju akademskih titula, te sticanju naučnih i stručnih zvanja.
- (3) Profesor emeritus može učestvovati u izvođenju nastave na drugom i trećem ciklusu studija, biti član komisije u postupcima izbora nastavnika, te u postupcima sticanja naučnog stepena magistra odnosno doktora nauka, te biti mentorom kandidatima za sticanje naučnog stepena magistra ili doktora nauka.
- (4) Kriteriji i postupak izbora profesora emeritusa bliže se utvrđuje statutom visokoškolske ustanove.

Odjeljak C. Studijski program

Član 120.

(Studijski program)

- (1) Studij na visokoškolskoj ustanovi realizira se po studijskim programima.
- (2) Visokoškolska ustanova dužna je izvršiti akreditaciju studijskih programa u skladu sa ovim zakonom, Okvirnim zakonom o visokom obrazovanju i podzakonskim aktima.
- (3) Visokoškolska ustanova može prema potrebi organizovati interdisciplinarne studijske programe, kao i druge skraćene studijske programe prema specifičnim potrebama tržišta rada.

Član 121.

(Donošenje studijskog programa)

- (1) Studijski program donosi senat u skladu sa statutom ili drugim općim aktom, a sadrži:

- a) stručni i akademski naziv i stepen koji se stiže završetkom studija;
 - b) uslove za upis na studijski program;
 - c) listu obaveznih i izbornih predmeta i broj sati potrebnih za njihovu realizaciju;
 - d) bodovnu vrijednost svakog predmeta i završnog rada iskazanu u ECTS bodovima;
 - e) uslove za prelazak sa drugih studijskih programa u okviru istih ili srodnih oblasti studija;
 - f) način izbora predmeta iz drugih studijskih programa;
 - g) uslove upisa u slijedeći semestar ili trimestar, odnosno slijedeću godinu studija, te način završetka studija;
 - h) način izvođenja studija i način provjere znanja za svaki predmet;
 - i) druga pitanja od značaja za izvođenje studijskog programa.
- (2) Usklađivanje studijskog programa sa organizacijom rada i dostignućima nauke i umjetnosti ne smatra se novim studijskim programom.
- (3) Novi studijski program na javnoj visokoškolskoj ustanovi uvodi se u skladu sa postupkom propisanim Pravilnikom o uvođenju novog studijskog programa koji donosi ministar Ministarstva.
- (4) Odluku o pokretanju studijskog programa iz stava (3) ovog člana donosi Vlada Kantona uz prethodno pribavljeno mišljenje Ministarstva finansija.

Član 122.

(Uvođenje studijskog programa od javnog interesa)

- (1) Radi ostvarenja javnog interesa, a u cilju obezbjeđenja neophodnog stručnog kadra, Ministarstvo može zahtijevati od javne visokoškolske ustanove da uvede novi studijski ili inovira postojeći studijski program, kojim se omogućava sticanje odgovarajućih kvalifikacija.
- (2) Sredstva za uvođenje studijskog programa od javnog interesa obezbjeđuje osnivač.

Član 123.

(Zajednički studijski program)

- (1) Visokoškolske ustanove mogu usvojiti zajednički studijski program koji izvode dvije ili više visokoškolskih ustanova.
- (2) Studijskim programom iz stava (1) ovog člana stiže se zajednička diploma.

Član 124.

(Dualni studij)

- (1) Visokoškolska ustanova može organizovati dualni studij u kojem kroz aktivnu nastavu na ustanovi i praktičnu obuku radom u poslovnom subjektu stižu, usavršavaju, odnosno izgrađuju znanja, vještine i kompetencije u skladu sa studijskim programom i standardom kvalifikacije.
- (2) Dualni studij se može organizovati kao samostalni studijski program i kao jedan od modula unutar drugih studijskih programa.
- (3) Dualni studij se realizuje kroz teorijsku nastavu na visokoškolskoj ustanovi i praktičnu obuku i rad u poslovnim subjektima.
- (4) Visokoškolska ustanova koja želi realizovati studijske programe po dualnom modelu studija formira mrežu poslovnih subjekata i drugih organizacija koji imaju potrebu za zapošljavanjem lica sa kvalifikacijama koje se stižu na toj ustanovi.
- (5) Međusobni odnos visokoškolske ustanove, poslovnih subjekata i drugih organizacija i studenata u studijskim programima, odnosno modulima po dualnom modelu uređuju se posebnim ugovorom.
- (6) Ugovorima iz stava (5) ovog člana osiguranje kvalitete studija povjerava se visokoškolskoj ustanovi.
- (7) Statutom visokoškolske ustanove preciznije se uređuju sva pitanja u vezi sa realizacijom dualnog studija iz ovog člana.

Član 125.

(Provjera znanja)

- (1) Uspješnost studenata u savladavanju pojedinog nastavnog predmeta kontinuirano se prati tokom nastave, na način predviđen nastavnim planom i programom, odnosno studijskim programom i izražava se u bodovima.

- (2) Oblici provjere znanja mogu biti pismeni, usmeni i praktični, a provjera znanja je u pravilu pismena i vrši se testom ili pismenim radom.
- (3) Općim aktom visokoškolske ustanove uređuje se način polaganja ispita i ocjenjivanja studenata, kao i način i postupak prigovaranja na dobijenu ocjenu.

Član 126.

(Mjesto provjere znanja)

- (1) Ispit se polaže u sjedištu visokoškolske ustanove, odnosno u objektima navedenim u dozvoli za rad.
- (2) Izuzetno, visokoškolska ustanova može organizirati polaganje ispita van sjedišta samo ako se radi o ispitu iz predmeta čiji karakter to zahtijeva.
- (3) U slučaju postojanja opravdanih razloga ispit i dio ispita može se održati online.
- (4) Ispit i svi oblici provjere znanja su javni.

POGLAVLJE II. PRAVILA STUDIRANJA

Odjeljak A. Utvrđivanje pravila studiranja

Član 127.

(Utvrđivanje pravila studiranja)

Statutom visokoškolske ustanove ili drugim općim aktom bliže se uređuju naročito:

- a) vrijeme održavanja nastave za studente;
- b) način polaganja ispita, ocjenjivanja i izvršavanja drugih obaveza, kao i način i postupak odobravanja teme, formiranje komisije i odbrana završnog rada;
- c) način i vrijeme obavještanja studenata o ostvarivanju prava i izvršavanju obaveza iz nastave, o datumu i mjestu održavanja ispita i o rezultatima ispita i drugih izvršenih obaveza;
- d) pravo prigovora na ocjenu;
- e) bliži uslovi za upis u narednu godinu studija;
- f) uslovi sticanja diplome;
- g) prava i obaveze studenata koji su obnovili upis;
- h) uslovi i način ponovnog sticanja statusa studenta;
- i) način prepoznavanja položenih ispita na visokoškolskoj ustanovi;

- j) uslovi za nastavak studija prilikom prelaska sa druge visokoškolske ustanove;
- k) uslovi pod kojima zainteresirana lica mogu pohađati nastavu i polagati ispite iz određenih nastavnih predmeta;
- l) uslovi za prijevremeno završavanje studija;
- m) uslovi i način uključivanja studenata u naučnoistraživački rad;
- n) pohvale i nagrade;
- o) lakše i teže povrede obaveza studenata;
- p) zaštita prava studenata, nadležni organi i postupak odlučivanja o pravima, obavezama i odgovornostima studenata, kao i o zaštiti prava kandidata koji nisu primljeni po konkursu za upis u prvu godinu studija;
- r) obaveze nastavnika i saradnika u izvođenju nastave;
- s) druga pitanja od značaja za studij.

Član 128.

(Polaganje i prijenos ispita)

- (1) Polaganjem ispita student stiče određeni broj bodova u skladu sa studijskim programom.
- (2) Studijskim programom može se usloviti opredjeljenje studenata za određeni predmet prethodno položenim ispitima iz jednog ili više predmeta utvrđenih studijskim programom.
- (3) Student može prenijeti u narednu godinu studija, unutar trajanja jednog ciklusa, najviše 12 ECTS bodova ili najviše dva predmeta, ukoliko senat ne odluči drugačije.
- (4) Studentu koji obnavlja studijsku godinu visokoškolska ustanova može unutar jednog ciklusa, u skladu sa svojim kapacitetima i organizacionim mogućnostima, odlukom naučno-nastavnog vijeća dozvoliti pohađanje nastave i polaganje nastavnih predmeta iz naredne studijske godine pod uslovom da ukupno opterećenje studenata po semestru ne prelazi 30 ECTS bodova.
- (5) Prilikom svakog ponovnog polaganja završnog ili popravnog ispita iz predmeta u godini koju obnavlja student je obavezan platiti naknadu za obavljanje ispita u visini koju utvrdi senat visokoškolske ustanove.

Član 129.**(Mirovanje prava i obaveza studenata)**

- (1) Prava i obaveze studenta miruju dok je na porodiljskom odsustvu ili tokom trajanja bolesti zbog koje nije mogao pohađati nastavu i polagati ispite, a što utvrđuje dekan na osnovu prethodno pribavljenog mišljenja nadležne zdravstvene ustanove.
- (2) Visokoškolska ustanova može studentu, na njegov zahtjev, odobriti da mu miruju prava i obaveze određeno vrijeme, a najduže godinu dana, iz razloga koji se bliže uređuju statutom.
- (3) Zahtjev za mirovanje iz stava (2) ovog člana se podnosi u vrijeme upisa prvog semestra ili trimestra tekuće akademske godine.
- (4) Izuzetno, za vrijeme trajanja proglašenja stanja prirodne nesreće ili stanja epidemije ili pandemije ili ratnog stanja, visokoškolska ustanova može studentu, na njegov zahtjev, odobriti mirovanje prava i obaveza i mimo rokova utvrđenih u stavu (2) ovog člana.

Odjeljak B. Ocjenjivanje**Član 130.****(Ocjenjivanje)**

- (1) Uspješnost studenta prati se kontinuirano tokom nastave i izražava se u bodovima.
- (2) Ispunjavanjem predispitnih obaveza i polaganjem ispita student može ostvariti najviše 100 bodova.
- (3) Uspjeh studenta na ispitu ocjenjuje se brojnim, opisnom ili slovnom ocjenom kako slijedi:
 - a) ocjena 5 (pet), opisno „ne zadovoljava“, odgovara slovnoj ocjeni „F, FX“;
 - b) ocjena 6 (šest), opisno „dovoljan“, odgovara slovnoj ocjeni „E“;
 - c) ocjena 7 (sedam), opisno „dobar“, odgovara slovnoj ocjeni „D“;
 - d) ocjena 8 (osam), opisno „vrlodobar“, odgovara slovnoj ocjeni „C“;
 - e) ocjena 9 (devet), opisno „odličan“, odgovara slovnoj ocjeni „B“;
 - f) ocjena 10 (deset), opisno „izvanredan“, odgovara slovnoj ocjeni „A“.

(4) Prolazne su ocjene od 6 (šest, dovoljan, „E“) do 10 (deset, izvanredan, „A“).

(5) U indeks se upisuju samo prolazne ocjene.

Član 131.**(Završni rad i disertacija)**

- (1) Studijskim programom prvog ciklusa može biti predviđen završni rad.
- (2) Studijski program drugog ciklusa obavezno sadrži završni rad.
- (3) Doktorska disertacija je završni dio studijskog programa trećeg ciklusa, osim doktorata umjetnosti, koji je umjetnički projekt.
- (4) Broj bodova kojima se iskazuje završni rad, odnosno završni dio studijskog programa ulazi u ukupan broj bodova potrebnih za završetak studija.
- (5) Način i postupak pripreme i odbrane završnog rada, odnosno disertacije uređuje se općim aktom visokoškolske ustanove.

Odjeljak C. Nastavni plan i program**Član 132.****(Nastavni plan i program)**

- (1) Nastava se izvodi po nastavnom planu i nastavnom programu.
- (2) Nastavnim planom utvrđuju se nastavni predmeti, ukupan broj časova predavanja, vježbi i drugih oblika nastavnog rada (u daljem tekstu: nastava).
- (3) Nastavnim programom utvrđuje se sadržaj nastavnog predmeta, način izvođenja nastave i polaganja ispita i drugih vidova provjere znanja, obavezni udžbenici, priručnici i druga obavezna literatura na osnovu kojih se polaže ispit iz tog nastavnog predmeta.

Član 133.**(Donošenje nastavnih planova i programa)**

- (1) Nastavne planove i nastavne programe svih ciklusa donosi senat univerziteta, na prijedlog naučno-nastavnih, odnosno nastavno-umjetničkih vijeća organizacionih jedinica, odnosno senat visoke škole.
- (2) Visokoškolska ustanova će osigurati efikasnu dostupnost i transparentnost nastavnih planova i programa.

Član 134.**(Primjena nastavnih planova i programa)**

Primjenu nastavnih planova i nastavnih programa prati senat visokoškolske ustanove koji je dužan svake četiri godine od početka njihove primjene pokrenuti postupak za njihovo cjelovito preispitivanje.

Član 135.**(Završetak započetog studija)**

Studenti imaju pravo da završe započeti studij po nastavnom planu i programu koji je važio prije izvršene izmjene, u roku utvrđenom statutom visokoškolske ustanove.

Član 136.**(Nastavni predmeti)**

- (1) Nastavni predmeti su obavezni, stručni, izborni, zajednički i opći.
- (2) Nastavni predmeti mogu se nastavnim planom definirati kao obavezni za pojedine studijske programe i izborni.
- (3) Univerzitet može utvrditi da neki od stručnih predmeta budu zajednički predmeti kojima se daje zajednička stručna osnova studentima koji studiraju komplementarne naučne, odnosno umjetničke oblasti.
- (4) Nastava i ispiti iz određenih predmeta mogu se obavljati i na drugoj visokoškolskoj ustanovi koja je matična za taj predmet, što se uređuje ugovorom između visokoškolskih ustanova.
- (5) U situaciji proglašenja stanja prirodne nesreće ili stanja epidemije ili pandemije ili ratnog stanja nastava i pojedini dijelovi ispita mogu se obavljati na daljinu, uz primjenu informaciono-komunikacionih tehnologija.
- (6) Način organizacije nastave, održavanja ispita i uslove za upis naredne godine svojim odlukama utvrđuje senat visokoškolske ustanove.

Član 137.**(Organizacija nastave)**

- (1) Nastava i ispiti obavljaju se u toku akademske godine.
- (2) Datum početka nastave, vremenski plan realizacije nastavnih planova i ispitivanja studenata utvrđuje senat.
- (3) Nastava se organizuje po semestrima ili trimestrima, što se utvrđuje statutom.

- (4) Na početku akademske godine u svim visokoškolskim ustanovama nastava počinje intoniranjem himne Bosne i Hercegovine uz obavezno isticanje državnih simbola Bosne i Hercegovine.

Član 138.**(Sedmično opterećenje studenata)**

Sedmični broj časova nastave za studente određuje se na osnovu kontakt sati definiranih ECTS bodovima. Maksimalno sedmično opterećenje studenata iznosi 40 sati, uzimajući u obzir ukupno radno opterećenje.

Član 139.**(Dobrovoljni rad)**

- (1) Dobrovoljni rad je rad studenata bez naknade, koji organizira visokoškolska ustanova na projektima od značaja za lokalnu zajednicu i koji se vrednuju u sistemu visokog obrazovanja.
- (2) Uslovi, način organiziranja i vrednovanja dobrovoljnog rada uređuju se općim aktom visokoškolske ustanove.

Član 140.**(Počasni doktorat)**

- (1) Univerzitet može dodijeliti počasni doktorat (honoris causa) istaknutim naučnim i javnim osobama iz zemlje i inostranstva za izuzetne doprinose u pojedinim područjima naučnog, naučnonastavnog, kulturnog i umjetničkog stvaralaštva, kao i za izuzetne doprinose u duhovnom i materijalnom razvoju i djelovanju na promociji mira, tolerancije, humanosti.
- (2) Postupak dodjele i oduzimanja počasnog doktorata utvrđuje se općim aktom univerziteta.

DIO TRINAESTI - FINANSIJSKA SREDSTVA POTREBNA ZA PRIMJENU ZAKONA**Član 141.****(Finansiranje visokoškolskih ustanova)**

- (1) Visokoškolska ustanova stiče sredstva za obavljanje svoje djelatnosti:
 - a) iz sredstava osnivača;
 - b) iz sredstava fondova;
 - c) od donacija, zavještanja i poklona;
 - d) od školarine;
 - e) prodajom intelektualnih, kulturnih, materijalnih i komercijalnih dobara i usluga;

- f) iz prihoda na osnovu autorskih prava i patenata;
 - g) iz drugih izvora u skladu sa zakonom.
- (2) Način finansiranja visokoškolske ustanove uređuje se aktom osnivača.

Član 142.

(Finansiranje studijskih programa javne visokoškolske ustanove)

- (1) Odlukom Vlade Kantona utvrđuje se način finansiranja svih studijskih ciklusa u javnoj visokoškolskoj ustanovi za studente koji se finansiraju iz budžeta Kantona.
- (2) Minimalnu cijenu studija za studente koji se finansiraju iz budžeta Kantona, utvrđuje Vlada Kantona.
- (3) Senat utvrđuje upisne kvote i donosi odluke o visini školarine koju plaćaju studenti u javnoj visokoškolskoj ustanovi, uz prethodnu saglasnost Vlade Kantona.

Član 143.

(Sredstva za provođenje studijskih programa)

- (1) Sredstvima visokoškolske ustanove iz člana 141. ovog zakona osigurava se provođenje odobrenih, odnosno akreditovanih studijskih programa u okviru djelatnosti javne visokoškolske ustanove kao i za obavljanje naučnoistraživačkog, odnosno umjetničkog rada koji je u funkciji podizanja kvaliteta nastave.
- (2) Sredstvima iz stava (1) ovog člana obezbjeđuju se:
 - a) plaće, naknade plaća i naknade zaposlenicima u javnoj visokoškolskoj ustanovi u skladu sa zakonom i kolektivnim ugovorom;
 - b) naknade drugim licima koja učestvuju u naučno-nastavnom procesu u skladu sa zakonom i podzakonskim aktima;
 - c) oprema za rad i stvaranje uslova za studiranje;
 - d) materijalni troškovi i investiciono održavanje;
 - e) rad drugih pravnih lica čiji je osnivač univerzitet, a čijom se djelatnošću osigurava cjelovitost i potreban standard sistema visokog obrazovanja;
 - f) razvoj i ulaganja u ustanovi i podsticanje razvoja nastavno-naučnog i nastavno-umjetničkog rada;
 - g) rad sa darovitim studentima i međunarodna saradnja;
 - h) druge namjene u skladu sa zakonom.

- (3) Visina sredstava za namjene iz stava (2) ovog člana, utvrđuje se na osnovu godišnjeg programa rada i standarda visokog obrazovanja i drugih propisa kojim se uređuje ova oblast.

- (4) Akt kojim se utvrđuje način obračuna plaća i drugih primanja u javnoj visokoškolskoj ustanovi donosi upravni odbor ustanove, uz prethodnu saglasnost Vlade Kantona.

Član 144.

(Vlastiti prihodi)

Vlastiti prihodi javne visokoškolske ustanove, koji su kao takvi definisani posebnim propisima Kantona, raspodjeljuju se na način i u rokovima utvrđenim posebnim propisima Kantona, statutom i usvojenim finansijskim planom javne visokoškolske ustanove.

DIO ČETRNAESTI - NADZOR NAD PRIMJENOM ZAKONA

Član 145.

(Nadzor)

- (1) Nadzor nad provođenjem ovog zakona i propisa donesenih za njegovo provođenje vrši Ministarstvo.
- (2) Nadzor nad zakonitošću rada visokoškolskih ustanova vrši Ministarstvo.
- (3) Nadzor iz stava (1) i (2) ovog člana, vrši se na način koji ne narušava autonomiju visokoškolske ustanove i ne ometa njen redovni rad.

Član 146.

(Inspeksijski nadzor)

- (1) Inspeksijski nadzor nad provođenjem ovog zakona, provedbenih propisa, kao i akata i odluka tijela visokoškolske ustanove donesenih u cilju izvršenja obaveza utvrđenih ovim zakonom vrši nadležna inspekcija za obrazovanje i nauku, u skladu sa zakonom.
- (2) Nadzor nad primjenom propisa o radu (zaključivanje ugovora u radu, otkazivanje ugovora o radu i prestanak radnog odnosa, ostvarivanje prava, obaveza i odgovornosti iz radnog odnosa), vrši nadležna inspekcija rada.
- (3) Kada u vršenju inspeksijskog nadzora nadležna inspekcija za obrazovanje i nauku utvrdi da visokoškolska ustanova/organizaciona jedinica ne ispunjava uslove za rad propisane ovim zakonom i

- Standardima i normativima, odredit će primjeren rok za otklanjanje utvrđenih nedostataka i o tome obavijestiti osnivača visokoškolske ustanove kao ustanove, odnosno Ministarstvo ukoliko se radi o visokoškolskoj ustanovi kao javnoj ustanovi.
- (4) U slučaju iz stava (3) ovog člana, nadležna inspekcija može zabraniti visokoškolskoj ustanovi/organizacionoj jedinici upis novih studenata, kao i preduzimanje i provođenje drugih aktivnosti čije zakonito obavljanje je uslovljeno prethodnim otklanjanjem utvrđenih nedostataka i nepravilnosti.
- (5) Ukoliko visokoškolska ustanova u roku koji je utvrđen od strane nadležne inspekcije ne otkloni utvrđene nepravilnosti, nadležna inspekcija će o tome dostaviti obavijest Ministarstvu s ciljem donošenja rješenja o zabrani daljnjeg rada i brisanja visokoškolske ustanove/organizacione jedinice iz Registra licenciranih i akreditovanih visokoškolskih ustanova.
- (6) Ministarstvo će donijeti rješenje iz stava (5) ovog člana i po službenoj dužnosti izvršiti brisanje visokoškolske ustanove/organizacione jedinice iz Registra licenciranih i akreditovanih visokoškolskih ustanova.
- (7) Kada nadležna inspekcija za obrazovanje i nauku utvrdi nepravilnosti u radu visokoškolske ustanove/organizacione jedinice koje ne sprečavaju daljnji rad odnosno kada utvrdi da visokoškolska ustanova/organizaciona jedinica ne postupa ili postupa nepravilno ili nepotpuno prema obavezama koje su joj određene propisima, obavezna je prema utvrđenom činjeničnom stanju naložiti odgovarajuće upravne mjere i to:
- narediti da se utvrđeni nedostaci i nepravilnosti otklone na način i u roku kako je određeno ovim zakonom ili ukoliko takav rok nije propisan odrediti primjereni rok u skladu sa zakonom;
 - narediti preduzimanje odgovarajućih upravnih radnji i mjera radi otklanjanja utvrđenih nepravilnosti ili nedostatka koje je visokoškolska ustanova obavezna preduzeti u roku i na način kako je naloženo;
 - narediti visokoškolskoj ustanovi preduzimanje odgovarajućih mjera radi potpune i pravilne primjene ovog zakona, drugih propisa i akata donesenih na osnovu ovog zakona;
 - zabraniti preduzimanje radnji za koje smatra da su u suprotnosti sa ovim zakonom, provedbenim propisima i aktima donesenim u cilju provođenja ovog zakona;
 - podnijeti zahtjev za pokretanje prekršajnog postupka;
 - podnijeti izvještaj nadležnom organu o učinjenom krivičnom djelu;
 - preduzeti druge mjere i radnje za koje je zakonom i drugim propisima ovlaštena.
- (8) Inspekcija za obrazovanje i nauku upravne mjere nalaže rješenjem, protiv kojeg se može izjaviti žalba Ministarstvu.
- ## DIO PETNAESTI - KAZNE NE ODREDBE
- ### Član 147. (Kazne za prekršaj)
- (1) Novčanom kaznom od 2.000 do 10.000 KM kaznit će se za prekršaj visokoškolska ustanova ako:
- se na visokoškolskoj ustanovi vrši političko ili stranačko organiziranje ili djelovanje, što je u suprotnosti sa odredbama člana 15. ovog zakona;
 - visokoškolska ustanova sa sjedištem izvan Kantona ili u drugoj državi organizira studij na području Kantona bez prethodne saglasnosti Vlade Kantona, što je u suprotnosti sa odredbama člana 25. ovog zakona;
 - rektor ili direktor ne obustavi od izvršenja opći akt koji nije u saglasnosti sa ustavom ili je u suprotnosti sa zakonom, kao i pojedinačni akt kojim se nanosi šteta visokoškolskoj ustanovi ili društvenoj zajednici, i o tome ne obavijesti Ministarstvo, što je u suprotnosti sa odredbama člana 63. ovog zakona.
- (2) Za prekršaje iz stava (1) ovog člana, kaznit će se i odgovorno lice u visokoškolskoj ustanovi novčanom kaznom od 1.500 do 3.000 KM.
- ### Član 148. (Kazne za prekršaj)
- (1) Novčanom kaznom od 1.500 do 8.000 KM kaznit će se za prekršaj visokoškolska ustanova ako:
- otpočne sa radom prije upisa u sudski registar suprotno članu 24. ovog zakona;

- b) otpočne sa radom bez dobijanja licence i akreditacije, suprotno odredbama članova 30., 31., 32., 33. i 34. ovog zakona;
- c) ne vodi propisane matične knjige i evidencije u skladu sa članom 40. ovog zakona;
- d) ne pokrene i provede postupak za izbor nastavnika i saradnika u isto ili više zvanje u skladu sa odredbama člana 79. i 80. ovog zakona;
- e) izvrši izbor nastavnika i saradnika suprotno odredbama članova 83., 84., 85., 86. i 87. ovog zakona;
- f) ne vrši ljekarski sistematski pregled radnika visokoškolske ustanove u skladu sa članom 88. stav (3) ovog zakona;
- g) ne zaključi ugovor u skladu sa odredbama člana 97. ovog zakona;
- h) ne provede postupak upisa studenata u skladu sa odredbama članova 95., 99. i 100. ovog zakona,
- i) ne izvodi nastavu po nastavnom planu i nastavnom programu koji je donio nadležni organ, shodno članu 133. ovog zakona;
- j) ne izvrši naloženu upravnu mjeru u roku i na način kako je naloženo rješenjem nadležne inspekcije za obrazovanje i nauku iz člana 146. ovog zakona.

- (2) Za prekršaje iz stava (1) ovog člana kaznit će se i odgovorno lice u visokoškolskoj ustanovi novčanom kaznom od 1.500 do 3.000 KM.

Član 149.

(Kazne za prekršaj)

- (1) Novčanom kaznom od 1.000 do 5.000 KM kaznit će se za prekršaj visokoškolska ustanova ako:
- a) rektor ili direktor bude imenovan ili razriješen suprotno odredbama člana 58. i 62. ovog zakona;
 - b) dekan bude imenovan ili razriješen suprotno odredbi člana 71. ovog zakona.
- (2) Za prekršaje iz stava (1) ovog člana, kaznit će se i odgovorno lice visokoškolske ustanove novčanom kaznom od 500 do 1000 KM.

DIO ŠESNAESTI – OVLAŠTENJE ZA DONOŠENJE PROPISA

Član 150.

(Nadležnost ministra za donošenje provedbenih propisa)

Ministar će u roku od 12 mjeseci od dana stupanja na snagu ovog zakona donijeti bliže propise o:

- a) sastavu i radu komisije matičara iz člana 20. ovog zakona;
- b) načinu vođenja matičnih knjiga i evidencija o izdatim diplomama i dodacima diplomi iz člana 40. ovog zakona;
- c) sadržaju javnih isprava iz člana 41. ovog zakona;
- d) priznavanju inostranih visokoškolskih obrazovnih kvalifikacija iz člana 43. ovog zakona;
- e) sadržaju i načinu vođenja registra iz člana 46. ovog zakona;
- f) sadržaju indeksa iz člana 96. ovog zakona;
- g) korištenju akademskih titula i sticanju naučnih i stručnih zvanja iz člana 119. ovog zakona,
- h) postupku uvođenja novog studijskog programa iz člana 121. ovog zakona.

Član 151.

(Nadležnost Vlade za donošenje provedbenih propisa)

Vlada Kantona će u roku od 12 mjeseci od dana stupanja na snagu ovog zakona utvrditi standarde i normative visokog obrazovanja i donijeti odluku o načinu finansiranja studijskih ciklusa iz sredstava budžeta Kantona iz člana 142. ovog zakona.

DIO SEDAMNAESTI – PRIJELAZNE I ZAVRŠNE ODREDBE

Član 152.

(Pravo na završetak studija)

- (1) Student upisan na visoku školu ili studijski odsjek u dvogodišnjem trajanju prije stupanja na snagu ovog zakona ima pravo završiti započeti studij prema nastavnom planu i programu koji je važio u vrijeme njegovog upisa u roku utvrđenom statutom univerziteta.

- (2) Student upisan na dodiplomski ili postdiplomski studij na dan stupanja na snagu ovog zakona ima pravo dovršiti započeti studij prema nastavnom planu i programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili do stupanja na snagu ovog zakona.
- (3) Lice koje je započelo postupak za sticanje naučnog stepena magistra ili doktora nauka prema predbolonjskom sistemu studija ima pravo dovršiti započeti studij i steći naučni stepen magistra ili doktora nauka najkasnije do 31.12.2022. godine.

Član 153.

(Stečena naučna i stručna zvanja)

- (1) Lice koja su stekla određena stručna i naučna zvanja zadržavaju pravo njihovog korištenja u skladu sa propisima prema kojima su ih stekli.
- (2) Lice iz stava (1) ovog člana mogu tražiti od visokoškolske ustanove na kojoj su stekli zvanja da im u postupku i pod uslovima predviđenim statutom visokoškolske ustanove izda dokument (potvrdu ili diplomu) o ekvivalenciji ranije stečenog akademskog naziva sa novim akademskim nazivom.
- (3) Doktorat nauka stečen prema propisima koji su bili na snazi prije stupanja na snagu ovog zakona istovrsni su s doktoratima nauka stečenim prema ovom zakonu, te lica koja su ih stekla imaju ista prava kao i lica koja su doktorat nauka stekla prema ovom zakonu.

Član 154.

(Teološki fakulteti, visoke teološke škole i akademije)

- (1) Odredbe ovog zakona ne odnose se na teološke fakultete, visoke teološke škole i akademije.
- (2) Institucije iz stav (1) ovog člana, mogu biti u sastavu univerziteta što se regulira posebnim ugovorom.

Član 155.

(Primjena drugih zakona)

Na pitanja koja nisu bliže uređena ovim zakonom, adekvatno se primjenjuje Okvirni zakon, Zakon o ustanovama („Službeni list RBiH“, broj: 6/92, 8/93 i 13/94), kao i drugi propisi koji uređuju ovu oblast.

Član 156.

(Usklađivanje općih akata)

- (1) Postojeće visokoškolske ustanove obavezne su uskladiti svoju organizaciju, rad, opće akte i ugovore o radu sa ovim zakonom, najkasnije u roku od šest mjeseci od dana stupanja na snagu ovog zakona.

- (2) Visokoškolske ustanove Zeničko-dobojskog kantona su u obavezi da usklade statut sa odredbama ovog zakona u roku od 60 dana od dana stupanja na snagu ovog zakona.
- (3) Javna visokoškolska ustanova uspostavlja internu reviziju u skladu sa Zakonom o računovodstvu i reviziji („Službene novine Federacije BiH“, broj: 15/21).

Član 157.

(Lica izabrana na rukovodeće funkcije)

- (1) Lice izabrana na rukovodeće funkcije, po uslovima koji su važili prije stupanja na snagu ovog zakona, zadržavaju svoj status do isteka mandata.
- (2) Tekući mandati organa rukovođenja iz stava (1) ovog člana, računaju se kao prvi mandat, i iste osobe mogu biti ponovo birane na iste funkcije ukoliko ispunjavaju uslove predviđene odredbama ovog zakona.
- (3) Postupci izbora nastavnika i saradnika započeti prije stupanja na snagu ovog zakona okončat će se po ranijim propisima ukoliko je to povoljnije za njih.

Član 158.

(Primjena važećih propisa)

- (1) Do donošenja propisa iz člana 150. ovog zakona primjenjuju se provedbeni propisi koji su važili do stupanja na snagu ovog zakona.
- (2) Stupanjem na snagu ovog zakona prestaje sa primjenom Zakon o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18, 04/19, 19/20 i 15/21).

Član 159.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-10421/22

Datum; 29.06.2022. godine

Zenica

PREDSJEDAVALAČI

Čazim Huskić, s.r.

.....

666.

Na osnovu člana 6. stav (1) Zakona o javnim priznanjima Zeničko-dobojskog kantona („Službene novine Zeničko-dobojskog kantona“, broj: 6/13, 2/14 i 15/21) i člana 3. Rješenja o imenovanju Odbora za javna priznanja Zeničko-dobojskog kantona, broj: 02-04-9538/24 od 17.05.2024. godine, Odbor za javna priznanja Zeničko-dobojskog kantona, na 2. sjednici, održanoj dana 21.06.2024. godine, donio je

O D L U K U
O DODJELI PLAKETE
ZENIČKO-DOBOJSKOG KANTONA

Član 1.

Javno priznanje Plaketa Kantona dodjeljuje se Suadu Kaknji kao priznanje za izuzetan doprinos razvoju Zeničko-dobojskog kantona u oblasti društvenih djelatnosti.

Član 2.

Ova Odluka dostavlja se Skupštini Zeničko-dobojskog kantona na verifikaciju.

Član 3.

Odluka stupa na snagu danom donošenja.

Broj: 02-04-9538-10/24

Datum, 21.06.2024. godine

Zenica

PREDSJEDNIK ODBORA
ZA JAVNA PRIZNANJA

Mirsad Čizmić, s.r.

667.

Na osnovu člana 158. stav 2. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), Skupština Zeničko-dobojskog kantona na 28. sjednici, održanoj dana 31.07.2024. godine, donosi:

AUTENTIČNO TUMAČENJE

odredbi člana 54. tačka b) i člana 56. stav (2)

tačka d) Zakona o visokom obrazovanju

(„Službene novine Zeničko-dobojskog kantona“, broj: 12/22)

Član 1.

(Predmet autentičnog tumačenja)

Utvrđuje se autentično tumačenje odredbe člana 54. tačka b) i odredbe člana 56. stav (2) tačka d) Zakona o visokom obrazovanju („Službene novine Zeničko-dobojskog kantona“, broj: 12/22 - u daljem tekstu: Zakon), a kojim se precizira pravilan smisao navedenih odredbi Zakona.

Član 2.

(Pravilan smisao odredbe člana 54. tačka b) Zakona)

Član 54. tačka b) Zakona glasi:

„Upravni odbor obavlja poslove utvrđene zakonom, aktom o osnivanju i statutom visokoškolske ustanove, a naročito:

b) donosi akt kojim se utvrđuje način obračuna plaća i drugih primanja u javnoj visokoškolskoj ustanovi uz prethodnu saglasnost Vlade Kantona, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i statutom visokoškolske ustanove;“

Odredbu člana 54. tačka b) Zakona, u smislu nadležnosti za donošenje pravilnika o radu, treba razumjeti tako da je donošenje pravilnika o radu u nadležnosti upravnog odbora visokoškolske ustanove.

Član 3.

(Pravilan smisao odredbe člana 56. stav (2) tačka d) Zakona)

Član 56. stav (2) tačka d) Zakona glasi:

„Senat visokoškolske ustanove:

d) donosi opće akte u skladu sa ovim zakonom i statutom visokoškolske ustanove;“

Odredbu člana 56. stav (2) tačka d) Zakona, u smislu nadležnosti za donošenje pravilnika o radu, treba razumjeti da donošenje pravilnika o radu kao općeg akta nije u nadležnosti senata visokoškolske ustanove.

Član 4.**(Primjena autentičnog tumačenja i objavljivanje)**

Ovo autentično tumačenje se primjenjuje i važi od dana primjene odredbi Zakona za koje se daje autentično tumačenje i isto će se objaviti u „Službenim novinama Zeničko-dobojskog kantona“.

Broj: 01-02-13709-1/24
Datum, 31.07.2024. godine
Zenica

PREDSJEDAVALAČ
Čazim Huskić, s.r.

.....

V L A D A**668.**

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 10. Odluke o preuzimanju prava i obaveza osnivača i usklađivanju organizacije i poslovanja Javne ustanove Kantonalna bolnica Zenica („Službene novine Zeničko-dobojskog kantona“, broj: 11/12 i 13/18), na prijedlog Ministarstva zdravstva, Vlada Zeničko-dobojskog kantona, na 36. sjednici održanoj dana 19.07.2024. godine,
d o n o s i

O D L U K U

o davanju saglasnosti na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Javne ustanove Kantonalna bolnica Zenica

Član 1.**(Predmet)**

Daje se saglasnost na Pravilnik o izmjenama i dopunama Pravilnika unutrašnjoj organizaciji i sistematizaciji radnih mjesta Javne ustanove Kantonalna bolnica Zenica broj: 00-1-04-84/24 od 03.07.2024. godine, u skladu sa Odlukom Upravnog odbora JU Kantonalna bolnica Zenica broj: 00-1-02-87/24 od 03.07.2024. godine.

Član 2.**(Stupanje na snagu)**

Ova Odluka stupa na snagu danom donošenja i objavit će se u „Službenim novinama Zeničko dobojskog kantona“.

Broj: 02-30-13102/24
Datum, 19.07.2024. godine
Zenica

P R E M I J E R
Nezir Pivić, s.r.

.....